

# LAAPAALI KUPAN WEI LUKU NMAAWA TÇ Kutvlu

Takəlaya kane ka tv Luku ta kε Yuta tv, Kəlesekı tv kέ, i təmlə nté lokotulo təmlə. Luku caakaya sι í hóló sι Yesu kέ yəlaa təna waasolv ulena í kεesi Yesu luvn nyáma ke pə krayav Yoseefu tə haləna Atam. Mpi tə, yəlaa təna cəsə kəle.

Yesu ta kέ Yuta nyáma tike nyəŋ, i saela yəlaa tənaya, kasayampiya na konyəntvnaa. I kəmaya sι i pεekəyí mpa pa lepa tə na í Waasi-wε (19:10).

**Isəna pa faya Luku takəlaya tə:**

Yesu luvn na i pəcaatv, titite 1–2

Yesu təmlə tayənəv, titite 3–4

Yesu təmlə ke Kalilee, titite 5–9

Yesu pote ke Yosalem, titite 10:1–19:27

Yesu təmlə ke Yosalem, titite 19:28–21:1–38

Yesu səm na i fem, titite 22–24

*Mpi pə tə Luku nmaa takəlaya kane tə*

<sup>1</sup> Ma yulv Teufili, yəlaa payalé mayasaa sι pá kεesi mpi pə lapa tá heku taa təyə takəlaya taa. <sup>2</sup> Isu mpə pa nana pa isə ke pə kancaalaya na pá pəsi Isə Təm təmlə nyáma tə. <sup>3</sup> Ma mayamaya ma tema yasuvn ke pə krayav təm ntı tə kancaalaya tə, na ma nawa pə tampana təna. Pə təa kέ pə lapa-m teu sι má kεesi-ŋ təm ntı tə təna təcvinj ma yulv kypaŋ. <sup>4</sup> Sι n̄ cəkəna pə təna mpi pa seyesa-ŋ tə pə tampana ke teu.

*Isətaa tillu si paa lvli Isə lvm səlv Yohaani*

**5** Yuta wulau səsə Heləti waatv taa, kətvlv nəyəlv i ka wə Apiya kətəlaa looŋja taa, pá yaa-i sı Sakalı. I alv ka kέ kətvlv Aləŋ ləlvyg tu, pa yaa ilé sı Ilisapeti. **6** Pa naale inı pa təntə ka keesa Isə kέ. Pécó pa tənaya Tacaa kvsəsutv na i kvheelitu tənaya teitei. **7** Ilisapeti ka kέ kaalvlaya, ule pa feina pəyaya. Pəyele pa naale inı pa puwa.

**8** Mрúgyú kuyakv nakvli pə tala Sakalı looŋja təmle waatv, ulena í polo na í tənja kətvyg təmle lapv ke Isə təseelē taa. **9** Mрúgyú pa tə tete isu kətəlaa laki tə, ulena pέ kpa Sakalı sı í svu na í wə tulaalvnaa ke hatoō kətaya təlate təo. **10** Na yəlaa samaa təna wə awali na pá tənja Isə sələmuyv ke tulaalv wəpv waatv. **11** Tənaya Tacaa isətaa tillu nəyəlv i lu Sakalı təo na í səŋ tulaalv kətaya təwəte ntçəŋ təo. **12** Waatv wei Sakalı nawa isətaa tillu ulena səyəntu kpa-i na i laŋle cə. **13** Ama isətaa tillu heela-i sı: Sakalı taa nyá, Isə mu nyá sələmuyv. Nyá alv Ilisapeti ká ləli-ŋ apalv pəyaya, na n ká ha-kęye həte sı Yohaani. **14** Nyá laŋle ká həena-ke pə tu fei, na payale laŋa ká hələməna ka ləlvyg. **15** Pə taya pvlv, kaala səsə ke Tacaa isəntaa. Ka kaa təŋ svlvmaya yaa kvnjənyəom kvkvkm napəli. Feesuŋu Naŋjtu tonj ká wəe ka taa kέ səsəm ke hatoō ka too lotu taa. **16** Kaa məŋna Isəyeli nyáma payale ke pa Caa Isə kinj. **17** Kaa yoosi ka təmle ke Isə isəntaa na Feesuŋu Naŋjtu tonj. Ka ləmayasəle na ka tonj ká wəe isu Ilii. Kaa kpənti caanaa na pa piya. Kaa la na kaanutvnaa təŋ tampana. Kaa la mрúgyú sı ká tayani Tacaa ke yəlaa kvpampama mpa pa məna i təmle lapv təo.

**18** Tənaya Sakalı cə isətaa tillu sı: Nyá təm təne tə wə məgv nte? Pə taya pvlv, ma wəv isəntə təo, ma

puiwaya. Péćó ma alv mayamaya ná puiwa.

**19** Mpúgyú isətaa tillu cə-i si: Maya Kapiyee kέ, Isə cələyo ma wee. Iní i tilina-m si má yəyətəna-η na má heeli-η təm kypantu təne. **20** Mpi pə təo n ta təna ma təm nti tu te na té la tampana ke tə waatu tə pə təo n ká la kamumuka. Nyá nəyə kaa kuli, haləna wule nte ma təm təne tu la isu ma yəyətəyə tə.

**21** Waatu iní tə na yələa we awalı kέ na pá tanja Sakali na piti kέ mpi pə təo i taanja səsəm ke hatoo pə taa təna tə. **22** Waatu wei i luwa tə i ta pəsi na í yəyətəna-wə. Iləna pele pá cəkəna si i ná puluyu pə taa təna. Mpúgyú i yəyətəna-wə na niŋ, na i nəyə sula mpv.

**23** Sakali təmle kuyeeŋ təma Isə təsseele səsəole taa, iləna i kpe. **24** Pə lapa wee naale, iləna i alv Ilisapeti la teu. Mpúgyú i njemla isətənaa kakpası na í tə si: **25** Tacaa ləsuyu ma feele tənəyə pənənteyə yələa taa tə, kypantu ke i lapa-m səsəm.

### *Isə tillu si paa ləli Yesu*

**26** Pə kəma na Ilisapeti isətənaa la naatoso, iləna Isə tili isətaa tillu Kapiyee ke Kalilee ictate nte pa yaa si Nasaleti tə tə taa kέ pəelə nəyələ i kinj. **27** Pəelə inəyi Tafiiți ləluyu taa tu Yoseefu ka musaa, na pá yaa-i si Malı. **28** Isətaa tillu pola i kinj na í təmi-i si: Ma səe-η. Tacaa we nyá waalı kέ, i hula-η pəeləe pə tu fei.

**29** Mpúgyú Malı laŋle cəpəna isətaa tillu təm ntəyi səsəm, na í mayası səetu nti tə huwəe ke i taa i ta cəkəna. **30** Mpúgyú isətaa tillu təma-i si: Malı taa nyá, kypantu ke Isə caana-η. **31** Nyəni, n ká la teu, n ká ləli apalvpu na n yaa-i si Yesu. **32** I ká la səsə na paa yaa-i si isətaa Isə Səsə Pəyalu. Tacaa Isə ká cəle-i i ləŋce

Tafiiti kawulaya. <sup>33</sup> I ká la Yakɔpu piitim nyéma wulav səsə ke tam təo, i kawulaya kaa su tənaya.

<sup>34</sup> Mpóygú Malí pəəsa isətaa tillu sì: Isənayale pu la mpv na má ta nyənta apalv?

<sup>35</sup> Iləna isətaa tillu cə Malí sì: Feesuŷu Naŋjtu ká tiina nyá təo, na isətaa Isə Səsə ká lana i toma ke nyá kinj. Pə təo ké pəyaya ḥka n ká ləl tə paa yaa-ke sì yvlv naŋjtu na Isə Pəyalv. <sup>36</sup> Nyəni, nyá ləlvuy tu Ilisapeti wei pa yaakaya kaalulaya tə, i haya apalv pəyaya həyə na i kpatəlaya, halı i isətunaa naatoso kələ. <sup>37</sup> Pə taya pvlv, Isə tá kpsi pvlvpu se.

<sup>38</sup> Mpóygú Malí təma sì: Ma tu ké Tacaa təmle tu ké. Isə i mu nyá nəyə. Iləna isətaa tillu yele-i na i təe.

### *Malí puki Ilisapeti ke wiiluyu*

<sup>39</sup> Wee anı a taa ké Malí kvlaa na í ləyə i təyı Yuta ıcate natəlī tə taa ké pōón̄ taa. <sup>40</sup> I talaa iləna í svv Sakalı təyaya na í səe Ilisapeti. <sup>41</sup> Waatv wei Ilisapeti nu Malí sseetv ke kpakpaa tə, mpóygú i taa pəyaya yəkcaa na Feesuŷu Naŋjtu tonj tii i təo. <sup>42</sup> Na í yəyətəna nəyə səsaya sì: Isə koola-ŋ kvpantu ke alaa taa, na i koola pəyaya ḥka n ka ləl təyə kvpantu tətə. <sup>43</sup> Halı ma taka ma təo kəle wei i ka ləl ma Caa tə i kəma cəow na? <sup>44</sup> Ma nu nyá sseetv na ma taa pəyaya yəkəna lanjhulvumle ke kpakpaa. <sup>45</sup> Ama n nu lelen yoo. Pə taya pvlv, n təma nyá taa na təm nti Tacaa heela-ŋ sì i ká la-ŋ tə.

### *Malí yoo yontu*

<sup>46</sup> Mpóygú Malí təma sì:

Ma sama Isə ké hatoo ma lotu taa ké i kəlvuy təo.

<sup>47</sup> Ma lanjle hulvəməna ma waasvlu Isə pə tu fəi.

<sup>48</sup> Pə taya pvlv,

í nawa i təmle tu konyəntu má.  
 Saŋa waalı yəlaa təna ká yaa-m sì leleŋ nulv.  
**49** Pə taya puv, Toma təna tu lapa-m  
 kypantu səsəntu ke səsəm.  
 Ama i həte ké səsəle ké.  
**50** I wiiki mpa pa nyajna-i  
 na pá see-i tə pa pətəatəle ke paa pepe wule.  
**51** I hvla i toma ke səsəm.  
 I yasa mpa pa lotu taa we isəcau huwεe tə.  
**52** I kvsə awulaa səsaa ke pa kumlee tə,  
 na í təyəni-wε.  
 I kvsə konyəntuña nyəaŋ.  
**53** I hayasa nyəyəntuña ke təyənaya kypantka.  
 I təyəna tonjtunaa ke niŋ naanuwa.  
**54** I seena i ifalaas Iseyeli nyéma təo.  
 I lapa nti i ka su ta ləŋcenaa sì i ká la tə.  
**55** Isu i ka heeluyu ta caanaa Apəlaham  
 na i piiitim nyéma ke tam təo tə.  
**56** Malı caya Ilisapeti kiŋ isu isətunaa tooso, ilesa í kpe.

### *Iso lvm səlv Yohaani lvnγv*

**57** Pə kəma na pə tala Ilisapeti lvnγv, ilesa í lvi  
 apaluprəyaya. **58** Mpýgv i cəlo nyéma na i lvnγv  
 nyéma nuwa sì Tacaa lapa-i kypantu ke səsəm. Ilesa  
 pa na-i pá kpənti na pa laŋa hεe səsəm. **59** Pəyaya  
 kvyεenj lapa pəlefei naanuwa ilesa pá kəə-keγe pəlνγv,  
 na pá təŋ sì pa haŋ-keγe ka caa həte sì Sakalı.  
**60** Tənaya ka too yəyətaa sì: Aai, Yohaani ke paa yaa-  
 ke.

**61** Mpýgv pəle pa təma sì: Nyá lvnγv taa aweγe paa  
 yaawā həte nté?

**62** Tənaya pa yəyətəna ka caa na niŋ si pa naa nte i luŋu wəe sì pá yaa-ke tə. **63** Mpúyú i hvlaa sì pá kəna-i kpaata. Pa kənaa, llēna í ñmaa sì ka həte nté Yohaani. llēna pē la pa tənaya piti. **64** Tənaya Sakalı nsəmle heta kpakpaa na í svu yəyətaya, na í saŋ Isə na nəyə səsəya. **65** Mpúyú səyəntu kpa pa cələ nyáma təna, na Yuta póón taa nyáma təna lakaya tə faaci. **66** Pa təna mpa pa nuwa təm təne tə pa mayasa-təyí pa taa na pá təj sì: Pepeye pəyaya kane kaa te na ká la?

Pə təya pəlv, Tacaa ka we ka waalı kék teu kék.

*Sakali ná cele nyəntu na í kəesəyí-təyí yontu taa*

**67** Mpúyú Feesuŋu Naŋŋtu toŋ kvləna Sakalı ke səsəm, na í ná təmnaa na í svu tə yəyətuyu sì:

**68** Tə sa Tacaa Isəyeli Isə.

I paasəna i yəlaa ke nəənəo.

I həta-tvuyu tə yomle.

**69** I ləsa-tvuyu Waaslu wei i wəna toma təyə i təmle tu Tafiti lvluŋu taa.

**70** Mpə iñəyí i ka lapa na i kuyəyətutu tələsələa kwpama kpaalı.

**71** Halı i svu i nəyə sì i ká ya-tvuyu ta kolontunaa na mpa pa luŋu fei-tu tə pa niŋ taa.

**72** Na í wii ta caanaa caanaa pətəatəle, na í təosı nəəsı pəelvuyu kwpam mpi i na-wə paasəna i luŋu nyəntu na səyəntu fei.

**73** I ka tu yəyətəna tuunav ke mpúyú ta caanaa caanaa caa səsə Apəlaham kiŋ kék,

**74** sì i ká ya-tvuyu ta kolontunaa niŋ taa, na tə paasəna i luŋu nyəntu na səyəntu fei.

**75** Na tə wəe tənaŋŋ kék i isəntaa. Isayatv kaa wəe haləna ta səm.

**76** Pəyaya nyá, paa yaa nyá sí ɪsətāa  
Isə Səsə kuyəyətutu tələsəlvu.

Pə taya pulv, n ká təe ta Səsə ke nəyə  
na n təyani i mpaan.

**77** N ká heeli i yəlaa ke ɪsəna paa la  
na pa ɪsəyatutu təyani na pə ya pa nyəən tə.

**78** Ta Isə ké yəlv pətəətələ tv,  
na i húləyí suulu.

Ilim luki tanaŋ na pə tewa səsəm ke ɪsəna tə,  
mərýyú i ka kəna tá nyuyu yarv.

**79** Pu luna ɪsətāa na pə waasi mpa pa wə  
səkpetuyu təe na pá nukı səm sən tə.

Pu la na tə nyi alaafəya mpaav.

**80** Pəyaya təŋna puu na ká nyəŋ layatutu na ká caya  
nyutu taa. Haləna kuyəŋku ka lu Isəyəli nyémə taa kέ  
patəma tə.

## 2

### *Yesu Kilisiti ləlvəy* (Matiyee 1:18-25)

**1** Waatu inı i taa kέ Wulav səsə Akusi kpaalaa sí  
paa kala i tətu təna taa yəlaa. **2** Kukaluyu kancaalaya  
nyəŋku kүne ku lapa Silii kүfənəe Kiliniyusi pəole taa.

**3** Mərýyú paa wei i pola i ɪcate taa sí pá kala-i.

**4** Pə təə kέ Yoseefu luna Nasaleti ɪcate ke Kalilee na  
i polo Yuta ke wulav Tafiiti ɪcate Petələhəm taa, **5** sí  
pá kala i na i amusaya ahonto Mali. Pə taya pulv, i kέ  
Tafiiti ləlvəy taa tv. **6** Mərýyú waatu wei pa wə təna tə,  
Mali ləlvəy talaa. **7** Iləna i ləli i kancaalaya pəyaya ke  
əpaləpəyaya. Na i husi-kęye wontu kүtəyən tətəvəle taa  
na i takı-kęye saalası. Pə taya pulv, təcayale taa talə-  
wəyə məvəlaa təsvvəle.

### *Isotaa tillu pola tiikilaa kiŋ*

**8** Tiikilaa napəlī paa we icate ñté tē tawa taa na pá feñiyi pa kaləkəŋ ke ahoo ahoo. **9** Tənaya Tacaa isotaa tillu kəma pa kiŋ na Tacaa teeli na pa təo isol kəkə səsəoŋka nyaləməle. Mpýgú səyəntu kpa-weyə səsəm. **10** Ama isotaa tillu təma-wé si: Səyəntu í taa kpa-mé. Pə taya pəlv, ma kəmaya si ma heeliyi-meyə təm kwpantu nti yəlaa təna laŋa ká həena teu tə. **11** Təm ntəyəle si, pa lvla-meyə waasvlv ke saŋ ahoo aneyə Tafiti icate taa wei i kē Tacaa Kilisiti tə. **12** Ii naa isolaa í ká nyəna-i tə. I ká mayana pa husa ahvlvum nəyəlv ke wontu kvtəyən tətvlə taa na pá takai saalasi.

**13** Mpýgú isotaa tillaa samaa tuutuumā səesa isotaa tillu iní i təo kē kpakpaa na pá saŋ Isə na yontu si:  
**14** Isə kele teeli tə təkpapa ke hatoo isotaa te.  
 Ate yəlaa mpa i səolaa tə pa laŋa í hvlvum.

### *Tiikilaa puki Petələhem*

**15** Waatv wei isotaa tillaa yela tiikilaa na pá məlī isotaa tə tiikilaa mpe pa təma pa təma si: Té kvl̄i na té polo Petələhem təna, na té ná mpi pə lapa na Tacaa heeliyi-tvvg pə təm tə.

**16** Mpýgú tiikilaa løȳ pa t̄i na pá mayana Malí na Yoseefu na pá husa ahvlvum inəȳi wontu kvtəyən tətvlə taa. **17** Tiikilaa tema-keŋe nəv, iləna pá kəesi nti isotaa tillu ka tema-weyə heeluyu ke ahvlvum iní i təm tə. **18** Mpýgú piti kpa pa təna mpa pa nu tiikilaa təm nti tə. **19** Mpýgú Malí təka təm nti tə tənaya i taa na í mayasəȳi tə hvwəe. **20** Tiikilaa mpe pa məlaya kpente iləna, pá pəyəlvəȳi Isə səsəoŋtu na pá saŋ-i pə təna mpi pa nuwa na mpi pa nawə tə pə təo. Pə

taya puv, pə təna pə lapa teitei ké ɪsu ɪsətaa tillu ka keesuγu-wə tə.

### *Yesu həte hav*

**21** Pəyaya ηke ka kuyeeŋ kəma na pə tala pəlefəi naanuwa sī pa pələyɪ-kə tə, pa ha-kęye həte nte ɪsətaa tillu ka heela-wə na pəcō ka too kpayə ka həyə tə sī Yesu.

### *Pa kpaana Yesu kē Isə təseelə səsəołe*

**22** Mprýyú waatu wei pə tapa sī Yoseefu na Malí pá kəti pa tī tayauγu tə ɪsu paa keesuγu Moisi kvsəsütu taa tə, pa pona pəyaya ke Yosalem sī pa hólí-kęye Tacaa. **23** Pə taya puv, paa ηmaa mprýyú Tacaa kvsəsütu taa kē sī: Paa apalvəyaya kancaalaya nyəŋka ηka Tacaa tənna-ke. **24** Na pa polaa sī pa laki kətaya na ihokasi naale yaa alukukunaa naale ɪsu paa keesuγu Tacaa kvsəsütu taa tə.

**25** Apalv nəyəlv i ka we Yosalem na pá yaa-i sī Simiyəŋ. Apalv inī i təŋaya tampana, na i isəle seena Isə təmlə, na i taŋaa sī i na wei i ká kəo na i waasi Isəyəli nyéma tə. Na Feesuγu Naŋjtu we i waali.

**26** Feesuγu Naŋjtu inī i ka hvlənə-i sī i ká ná Tacaa tillu Mesii na pəcō i sī. **27** Mprýyú Feesuγu Naŋjtu lapa na i polo Isə təseelə taa kē waatu wei ahvlvum caa na i too pa pona-i sī pa laki i təo kē mpi paa sūwa tə.

**28** Mprýyú i mu-i i niŋ taa na i səe Isə sī:

**29** Pənente Tacaa, nti n ka yəyətaa tə n lapa-ti.

Ilə yele nyá təmlə tu má na má təena laŋhulvumle.

**30** Ma nana ma isəpəle ke waasvlu

**31** wei n tayana yələa təna isentaa tə.

**32** Fətəla wei piitimnaa ká nana tə.

Inəyəle Isəyəli nyéma teeli.

*Simiyəŋ nawa cele nyəntv na í kpaali-ti*

33 Ìpúyú piti kpa ka caa na ka too na ntí iní i yøgøta ka tøø kék mpu tø. 34 Ìpúyú Simiyəŋ koolawøye kwpantv na í tø ka too Malí si: Pøyaya kanø ka nyənté nté si ká hu payale na ká kwsí payale ke Isøyøli taa. Yølaa payale ká kpeesøna mپi i ká hólíwe tø. 35 Pu kuli pa payale taa tømnaa tøø tøkeelee. Lañwakølle søsøøle ká tøli toto nyøya púyú isu layatø ke pa søra-ŋ.

*Isø kuyøyøtvtv teløsvlv alvnyøŋ Ana*

36 Isø kuyøyøtvtv teløsvlv alvnyøŋ nøyølv i ka we tøna tøtø. Aseø lylvgø taa tv Fanuweli pøelø Ana. I kpatøla teu tøkuŋkuŋku. I saav i paalv tø, puñi naatosompøyølaya ke pa cayaa ilenø ilé i si. 37 Na iní i cayaa mpu haløna puñi nunaasa na liyiti. Ilø Isø tøseøle taa kék i ka we tam na í laki Isø tømle ke ilim na ahoo. Paø Isø sølømvgø i sølømøyi, paø nøhøkvtv i høkøyi. 38 Simiyøŋ pa tøøna ìpúyú lapu tøøø iní i køma na í sun Isø kék sam, na í yøgøtøgøna pa tøna mpa pa tøøna si Isø í waasi Yosalem tøøø Yesu tøm.

*Pa møløyi kpente ke Nasaleti*

39 Waatu wei pa temø pa tøna mپi pa keesa Tacaa kusøsøtv taa tøøø lapu tø, Yoseøfu na Malí pa møla pa te Nasaleti ke Kalilee. 40 Mpu tø na pøyaya tøøna puñ na ka tønvgø tøkøyi na ká tøøna layatv nyøm ke teu na Isø we ka waalø.

*Yesu kék Isø tøseøle taa*

41 Paø pønaya ñka Yesu nyøma pukaya Yosalem ke Tøøø acima tøøø kék. 42 Yesu lylvgø pønaya naanuwø na naale nyøjka taa pa pola acima tøøø isu pa tu pukuøu tø. 43 Acima wøe køma na a te ilenø i nyøma

tu mpaav na pá kpeñ. Ama Yesu ná saala Yosalem, na i nyéma ta nyi mpv. <sup>44</sup> Pele paa huuwa si ntanyi i we tontaa lelaa taa, halena pá tó ilim na pə tem llena pá sun-i peekuyu ke pa luvuyu nyéma na pa asemaa kiñ. <sup>45</sup> Pa ta na-i, llena pá tayani Yosalem ke méluyu si pa peekayi-i. <sup>46</sup> Pə lapa kuyenj tooso llena pá na-i Iso tæsele taa na í caya Yuta nyéma seyèselaas səsaa kiñ na í nukí pa seyèsuyu na í pəosayi-weyg təmnaa. <sup>47</sup> Na i nyém na nti i cækaya-we tə lapa pa təna mpa pa nukaya təyø piti ké səsəm. <sup>48</sup> Waatu wei i nyéma na-i tə səyəntu kpa-we. Llena i too təm-i si: Ma pəyaya, n lapa-tvuyu mpv suwe? Nyəni, má na nyá caa tə peekañ na lajwakelle səsəle kē.

<sup>49</sup> Mpúgy Yesu cowa si: Pepe təo kē mə peekaya-m? I ta nyi taa si pə wee kē si má wee ma Caa təyaya taa?

<sup>50</sup> Ama pele pa ta cekəna nti i yəyəta mpv tə. <sup>51</sup> Tənaya i tənya-we na pá məli Nasaleti, na í nukəna-weyg pə təna pə taa. Ama i too təka təm təne ini tə tənaya i taa. <sup>52</sup> Yesu tənya piw na i layatu nyém tənya səosuyu, na Iso na yəlaa pa lajəa tənya-i həenau ke tam.

### 3

*Iso lvm səlv Yohaani waasv  
(Matiyee 3:1-12; Maləki 1:1-8; Yohaani 1:19-28)*

<sup>1</sup> Waatu wei wulau səsə Tipəe kawulaya pusı lapa naanuwa na kakpası tə, Pəjəsi Pilati ná kē Yuta kufənəe, na Heləti náá kē Kalilee wulau, na ilé i neu Filipu náá təkī kawulaya ke Itulee na Təlakoniti pə tətu taa, na Lisaniya náá kē Apileni wulau. <sup>2</sup> Llena Ana na Kayifi pele pa kē kətəlaa səsaa təyø Iso təm kəma Sakalı pəyalu Yohaani taa kē wulaya tətu taa. <sup>3</sup> Na í cəo Yaatanı tətekəle təna na í heeliyi yəlaa si

pá layası tonte, na pá sə-weygə Isə lvm na Isə husi pa isayatu.

**4** Iləna pē lá isu paa ḥmaav Isə kuyəyətutu teləsulu Isayii takəlaya taa tə si:

Nəyəlu yəyətəyəna nəyə səsəya ke  
wvlaya tetv taa si, i tayani Tacaa mpaav,  
i hee-i mpaisi na si siyisi.

**5** Paa suuli kutaalominq təna.

Paa yəsi pəsən na pulasi təna.

Paa siyisi təkəelənaa. Paa kuli pəe təna.

**6** Na yuləpiya təna ká ná isəna Isə waasəyı-tu tə.

**7** Yohaanı yəyətaya samaa wei i kənaya i kinj si i sə-weygə Isə lvm tə si: Akala piya me, awe kpaala-me na i seeki Isə pááná nna a kən tə? **8** I la mpa pa yela isayatu tə pa kvlapəle. Ilə i taa teləsəyı lələ si mə caa kələ Apəlaham. Ma heeliyi-me si ye təle tə təo ilə, Isə pəsəyı na i la na pəe ane á pəsi Apəlaham piya. **9** Pa təma laale təyv ke tuñ si pa huşu-i na i tee kē te. Təyv īku kui lələyı pee kvpana tə, paa hu-kv na pá tu kəkə.

**10** Tənaya samaa pəəsa Yohaanı si: Ye mpv nti na ntixi tu la?

**11** Yohaanı cə-wə si: Ye wei i wəna tokonaa ke naale i pasa wei i fəina tə. Na ye wei i wəna kvtəyən ilé i la mpv tətə.

**12** Mərýý pə krepəna lampuu mvlaa na pá kəə i kinj si i sə-weygə Isə lvm, na pá pəəsi-i si: Tacaa, nti na ntixi tu la?

**13** Yohaanı cə-wə si: I taa mv na pē tee isəna paa suwa tə.

**14** Yoolaa ná pəəsa-i tətə si: Na tá se, nti na ntixi tāá la? Mərýý Yohaanı cə pele si: I taa muylili nəyəlu. Pəcő i taa tu nəyəlvən təm. Mə laŋa i heenə mə kufelvən.

**15** Yələaa təelayaa teu sı pəlv ká la, haləna pá kəo pá svu mayasvuy ke pa taa sı, yaa Yohaanı kəle Mesii tii. **16** Ulena Yohaanı heeli pa təna si: Ma ilə, lvm ke ma səo-mə. Ama nəyəlv wəee i kəj, ilé i kəla-m. Halı ma ta tala má wəyəsi i nəəhəee taa ntənkpala mayamaya. Feesuyu Nañjtu na kəkə ke ilé i ká sə-mə. **17** I təka i kufalvuy ke i niŋ taa. I ká fala pə təna təcayacaya na í suu pee ke kpóú taa. Ama i ká tu ləətu ke kəkə ɳka kaa teŋ tə ka taa.

**18** Səyəsəŋ waanı waanı ke məpýgý i kaakayana samaa na í heeliyina-wəyəe Laapaali Kvpən. **19** Yohaanı ka kaləna wulav Heləti ke timpi i kraya i taalv alv Helətiyati tə, na isayatu təna nti i ka lapa tə tə tə. **20** Məpýgý i lela isayatu lənti tətə, i kpa Yohaanı na í tək-i-saləka.

*Yesu Isə lvm səv  
(Matiyee 3:13-17; Maləki 1:9-11)*

**21** Yohaanı təjna yələaa tənaya Isə lvm səv, ulena Yesu náá polo tətə na pá sə-i. **22** Waatv wei Yesu təjna sələmvyu tə, isətənvyu tulaa na Feesuyu Nañjtu tii i təo, na pá naakı-i isu alukuku. Na pá nu nəyəlv nəyə ke isətəaa si: Nyayale ma luyu təe Pəyaya, ma lanjle həenə-ŋ səsəm.

*Yesu lylvuy loonja nyáma  
(Matiyee 1:1-17)*

**23** Yesu caalvuy i təmle ke waatv wei ké mpv tə, i pusi we isu hiu na naanvwa, na yələaa nyənaya-i isu Yoseefu pəyaya. Yoseefu ná kέ Heli pəyaya, **24** na Heli kέ Matati pəyaya, na Matati kέ Lefii pəyaya, na Lefii kέ Meləci pəyaya, na Meləci kέ Yannayi pəyaya, na Yannayi kέ Yoseefu pəyaya, **25** na Yoseefu kέ Matatiyasi pəyaya, na Matatiyasi kέ Aməəsi pəyaya,

na Aməəsi ké Nahum pəyaya, na Nahum ké Isali pəyaya, na Isali ké Nakayi pəyaya, <sup>26</sup> na Nakayi ké Maati pəyaya, na Maati ké Matatiyası pəyaya, na Matatiyası ké Semeyin pəyaya, na Semeyin ké Yoseci pəyaya, na Yoseci ké Yota pəyaya, <sup>27</sup> na Yota ké Yowanai pəyaya, na Yowanai ké Lesa pəyaya, na Lesa ké Solopapeeli pəyaya, na Solopapeeli ké Salatiyee pəyaya, na Salatiyee ké Neli pəyaya, <sup>28</sup> na Neli ké Melci pəyaya, na Melci ké Atii pəyaya, na Atii ké Kosam pəyaya, na Kosam ké Ilimatam pəyaya, na Ilimatam ké Eelı pəyaya, <sup>29</sup> na Eelı ké Yosuwee pəyaya, na Yosuwee ké Ilyesee pəyaya, na Ilyesee ké Yolim pəyaya, na Yolim ké Matati pəyaya, na Matati ké Lefii pəyaya, <sup>30</sup> na Lefii ké Simiyən pəyaya, na Simiyən ké Yuta pəyaya, na Yuta ké Yoseefu pəyaya, na Yoseefu ké Yonam pəyaya, na Yonam ké Iliyakim pəyaya, <sup>31</sup> na Iliyakim ké Meleya pəyaya, na Meleya ké Menna pəyaya, na Menna ké Matata pəyaya, na Matata ké Natai pəyaya, na Natai ké Tafiti pəyaya, <sup>32</sup> na Tafiti ké Sesee pəyaya, na Sesee ké Opeti pəyaya, na Opeti ké Powaasi pəyaya, na Powaasi ké Sala pəyaya, na Sala ké Naasən pəyaya, <sup>33</sup> na Naasən ké Aminatapı pəyaya, na Aminatapı ké Atamiŋ pəyaya, na Atamiŋ ké Alini pəyaya, na Alini ké Isələm pəyaya, na Isələm ké Falesı pəyaya, na Falesı ké Yuta pəyaya, <sup>34</sup> na Yuta ké Yakəpu pəyaya, na Yakəpu ké Isaaka pəyaya, na Isaaka ké Apəlaham pəyaya, na Apəlaham ké Tala pəyaya, na Tala ké Nasoo pəyaya, <sup>35</sup> na Nasoo ké Seluci pəyaya, na Seluci ké Lakao pəyaya, na Lakao ké Faləkı pəyaya, na Faləkı ké İree pəyaya, na İree ké Sala pəyaya, <sup>36</sup> na Sala ké Kayinam pəyaya, na Kayinam ké Alafasati

pəyaya, na Alafasati kē Səm pəyaya, na Səm kē Nowee pəyaya, na Nowee kē Laməkī pəyaya,<sup>37</sup> na Laməkī kē Matusala pəyaya, na Matusala kē Henəkī pəyaya, na Henəkī kē Yaleti pəyaya, na Yaleti kē Maleleyee pəyaya, na Maleleyee kē Kayinanj pəyaya,<sup>38</sup> na Kayinanj kē Inəsi pəyaya, na Inəsi kē Seti pəyaya, na Seti kē Atam pəyaya, na Atam kē Isə pəyaya.

## 4

### *Satanı mayasəyi Yesu (Matiyee 4:1-11; Maləkī 1:12-13)*

<sup>1</sup> Yesu luna Yaatanı na Isə Feesuṣu Nañjtu tonj təo i kiŋ ke səsəm. Mpúyú Feesuṣu Nañjtu təenə-i wvlaya tətu taa. <sup>2</sup> Iləna Iləyən mayasi-i wee nule. I ta təyə puluyu kuyeeŋ inı i taa. Pə yoosa wee nule iləna nyəyəsi kpa-i. <sup>3</sup> Tənaya Iləyən təma-i si: Ye n kē Isə Pəyaya, uygətì na pəle təne tə pəsi təyənaya.

<sup>4</sup> Ama Yesu cə-i si: Pa ɳmaawa Isə Təm taa si, pə taya təyənaya tike ke yulv ka hikina weesuṣu.

<sup>5</sup> Mpúyú Iləyən ponasi-i timpi pə kulaa tə, na i kpənti antulinya kawulası tənaya təm kvlum na i hvli-i.

<sup>6</sup> Iləna i təmi-i si: Maa ha-ŋ pə tonj na pə teeli təna. Pə taya pulv, ma niŋ taa kē pa tu pə təna, na má nəkaa ma ha wei ma səəlaa tə. <sup>7</sup> Ilə ye n ka hənta-m ate, n ká kpayə pə təna.

<sup>8</sup> Ama Yesu cə-i si: Pa ɳmaawa Isə Təm taa si, n ká səe nyá Caa Isə, na i tike i təmle ke n ká la.

<sup>9</sup> Mpúyú Iləyən ponasi-i Yosalem na i kpaasi-i Isə təseelə comcom nəyə taa, na i təmi-i si: Ye n kē Isə Pəyaya ɳmaa ate. <sup>10</sup> Pə taya pulv, pa ɳmaawa Isə Təm taa si, i ká heeli i isətaa tillaa ke nyá təm si pá

paasəna-ŋ̊ teu. <sup>11</sup> Pécó lənti wee tətə s̊i: Paə teeli-ŋ̊ pa niŋ̊ taa k̊é teu təkpa s̊i p̊é taa k̊ao na p̊ele natəl̊i té co-ŋ̊.

<sup>12</sup> Ama Yesu c̊o-i s̊i: Pa ŋ̊maawa Is̊o T̊om taa s̊i, n̊ kaa mayasi nyá Caa Is̊o s̊i n̊á i waali.

<sup>13</sup> Waatu wei lləyəv t̊ema-i mayasuyu ke p̊e t̊enaya mp̊u, il̊ena í t̊ee na í taŋ̊a wul̊e kufate.

*Yesu caaləẙi i t̊amle ke Kalilee  
(Matiyee 4:12-17; Maləki 1:14-15)*

<sup>14</sup> P̊ele p̊e waali il̊e Yesu m̊ela Kalilee na Feesuyu Naŋ̊ntu ton̊ haya-i, na i t̊om yekəẙi həyəlvuŋ̊ ŋ̊ku k̊u t̊ena k̊u taa. <sup>15</sup> I seyəsaya Yuta nyéma t̊ekotilena taa na yəlaa t̊ena p̊uŋ̊ulaẙa-i.

*Nasaleti nyéma kisa Yesu  
(Matiyee 13:53-58; Maləki 6:1-6)*

<sup>16</sup> M̊p̊úyú Yesu pola Nasaleti timpi i piwa t̊o, na í s̊uu Yuta nyéma t̊ekotile taa k̊é kuyaku k̊uhesuyu wule, is̊uu i tu laki tam t̊o. M̊p̊úyú i kvl̊aa s̊i i kaləẙi Is̊o T̊om. <sup>17</sup> Il̊ena pá c̊ele-i Is̊o kuyəyətvtu teləsvlu Isayii takəlaya. M̊p̊úyú i h̊eta timpi pa ŋ̊maawa s̊i:

<sup>18</sup> Tacaa Feesuyu we ma kiŋ̊, na i l̊esa-m̊ s̊i má heeli Laapaali Kupan̊ ke k̊unyəntvnaa.

Na i tila-m̊ s̊i má heeli saləkatvnaa ke pa h̊etvuy t̊om.  
Na yul̊umaa ke pa is̊e kuluyu t̊om.

S̊i má waasi mpa pa muŋ̊uliŋ̊i t̊o.

<sup>19</sup> S̊i má heeli-węẙe p̊enaya ŋ̊ka  
Tacaa ká waasi i yəlaa t̊o ka k̊ont̊e t̊om.

<sup>20</sup> Yesu t̊ema il̊ena í kpili-ke na í c̊ela paasənl̊u na í c̊aya. M̊p̊úyú Yuta nyéma t̊ekotile taa nyéma t̊ena p̊ama is̊e ke i t̊o. <sup>21</sup> T̊enaya i s̊uu-węẙe yəyətuyu s̊i:

Təm nti paa ḥmaawa na í tui nui-təyɪ nəcənəe tə, sanja nté tə lapa.

**22** Mprúgyú pa təna pa tisa teu na pá sami-i. Na i kuyəyətutu təna lapa-weyə lelenj, halı pə la-weyə pití na pá tə si: Isu Yoseefu pəyalu?

**23** Tənaya Yesu təma-wə si: Tampana təo, í ká te na í tuku-m ituule si: Fetv, fe nyá tı. Halı í ká yəyətī-m si má la ma icate taa cəneye mpi pə lapa Kapənahum na í nū tə.

**24** Mprúgyú Yesu tasa-wə si: Tampana ke ma heeliyi-me yoo, paa nyənəyɪ Isə kuyəyətutu teləsulu nəyəlvuŋ pułvuy i mayamaya i icate taa. **25** Ntənə i nyəmá si alaa leelaa ka wə payale ke Isəyələ taa kē waatu wei wulaya lapa püsü tooso na tsətənnaa naatoso ke Ilili waatu taa tə. Halı nyəyəsəi səsəənəsi lu tetv təna. **26** Paa na mpv Isə tā tili Ilili ke pa taa nəyəlv kinj. Ama alv leelu nəyəlv wei i ka wə Sitənə tetv taa kē Salepəta tə, i kinj ke i tila-i. **27** Na Isə kuyəyətutu teləsulu Ilisee waatu taa tənuyuŋ təo asilima kvtən nyəma ka wə səsəm tətəyə Isəyələ. Paa na mpv pa ta waasi pa taa nəyəlvuy i kvtən. Ama Silii tv Naamanj tike ke pa waasaa.

**28** Waatu wei Yuta təkotile taa nyəma nū i təm nti tə, pə hanja-weyə səsəm. **29** Mprúgyú pa kvlaa na pá həmī-i na pá luna icate waali, na pa kpaana-i hatoor puyuŋ ḥku ku təo pa icate wees tə ku nyuyuŋ taa, timpi pə lapa tokuyuŋ tə, si pa tusiyi-i. **30** Iləna Yesu fayana pa həku taa na í tee i nyənku.

### *Iləyəhilu nəyəlv i təm (Maləki 1:21-28)*

**31** Mprúgyú Yesu pola Kapənahum, Kalilee tetv taa icate natəli, na í seyəsəi-weyə kuyaku kvhəesuyuŋ wule.

**32** Mprúgyú i seyəsuyuŋ cəpa pa laja ke teu. Pə taya pułv,

í segesa-weyé na toŋ, í ta nyá. <sup>33</sup> Pə pamna apalv nɔyəlv ka wé Yuta nyéma təkotile taa na í hii lɔyəv ɪsaŋav nɔyəlv. Mpúyú apalv iní i koo səsəm sì: <sup>34</sup> Ee Nasaleeti Yesu, n caa-weye tákij? Ta wakəlvuy ke n kɔma? Ma nyéma-ŋ teu, n ké Iso yəlv naŋjtu wei i tilaa tɔ.

<sup>35</sup> Tənaya Yesu kaləna-i sì: Hei nyá, su na n se apalv iní i waali.

Mpúyú lɔyəv pəta-i samaa hékü taa na í yele-i na í se. Ama i ta lapi-i pulv. <sup>36</sup> Mpúyú pə lapa yəlaa ke sɔyəntu na pá təŋ təma sì: Hm, təm təne. I yəyətəyəna alayaa na apalvutu na toma, na í təyənəy-wei.

<sup>37</sup> Mpúyú i həte yaa tetv təna taa.

*Yesu waasa kvtəntvnaa payale*  
(Matiyee 8:14-17; Maləki 1:29-34)

<sup>38</sup> Yesu luna Yuta nyéma təkotile taa ləna í polo Siməŋ təyaya. Watu svvukaya Siməŋ yəsə ke səsəm, ləna pá wiina Yesu sì í waasi-i. <sup>39</sup> Mpúyú Yesu lujə i təo na í kaləna watv, na tə ya i təo. Tənaya alv kula kpakpaa na í caləsi-wei.

<sup>40</sup> Ilim tv kpakpaa, ləna pa təna mpa paa wəna kvtəntvnaa ke waanı waanı tə pá kəna-wei. Mpúyú i təna i niŋ ke paa wei i təo na pá hiki alaafəya. <sup>41</sup> Alayaa mayamaya ná se yəlaa payale waali na pá kooki sì: N ké Iso Pəyalv ké. Ama i kaləna-wei, i ta tisi sì pá yəyəti: Pə taya pulv, pa nyəmá sì i ké Mesii.

*Yesu lakı waasv ke Yuta tetv taa*  
(Maləki 1:35-39)

<sup>42</sup> Waatu wei tev fema tə, Yesu lūwa na í polo timpi yəlaa fei tə. Mpúyú yəlaa samaa pəεka-i, haləna pá tala i cəlo. Pa luŋu lapa sì pá təki-i, pá taa yele na í

tee. <sup>43</sup> Ama Yesu cō-wε sī: Aai, pə wεe kē sī má heeli acalee lenna ke Isō Kawulaya Laapaalı Kupan̄. Pə taya pulv, pə mayamaya pə tōo kē Isō tila-m.

<sup>44</sup> Tēnaya Yesu teewa na í laki waasv ke Yuta tetv taa pa tēkotilena taa.

## 5

### *Yesu kpa i kancaalaya ifalaa (Matiyee 4:18-22; Maləki 1:16-20)*

<sup>1</sup> Kuyaku nakvli yəlaa nyəkayaa Yesu kē Isō Tēm niw tōo, na í sənya Kenesaleti lvm nəyə. <sup>2</sup> Mprýgv i nawā kpuləj naale sənya kutej tōo, na tiina kpalaal lu i taa na pá polo pa puluŋ cətugv. <sup>3</sup> Ilēna í kpa i taa leŋku taa, na kpulugv ḥku ku kē Siməŋ nyəŋkv. Mprýgv i sələma-i sī í hatələna-i-kvugv kutej ke pəcə. Ilēna í caya ku taa na í svu i seŋesuvugv taa.

<sup>4</sup> Waatv wei i tēma-wεyε seŋesuvugv tō i heela Siməŋ sī: Tuusi na í polo lumaj taa na í tv mə puluŋ na í puu tiina.

<sup>5</sup> Siməŋ cō-i sī: Tacaa, tə tēma wiw ke yem kē tev na ku fem, tə ta puu pulv. Paan na mpv n tēma sī má tv tōo, maa tv.

<sup>6</sup> Pa tv mpv ilēna pá puu tiina ke səsəm pə tu fei, halı pa puluŋ caakaya cəluyv. <sup>7</sup> Mprýgv pa hata pa taapalaal mpa paaw we kpulugv leŋku taa təyə niŋ sī pá kōo pá səna-wε. Pele pa kəma ilēna pá ləsi tiina na pá suuli kpuləj inī i naale, haləna pə ḥmilisiv-i-wε. <sup>8</sup> Siməŋ Piyee nawā mpv, ilēna i luŋ Yesu ke akula ke kpakpaa na í tōo sī: Tacaa, taa kpətəna-m, ma kē isayav mayamaya kē.

<sup>9</sup> Pə taya pulv tōo, tiina nna pa kpa mpv tōo, a tōo ka lapa í na mpa paaw wee təyə səyəntv ke səsəm.

**10** Haləna pə la mpv tətəyə i taapalaə Sepetee pəyələaa Saakı na Yohaani. Tənaya Yesu heela Siməñ sī: Taa nyá pənəntə yələaa ke n ká puu.

**11** Pa ləsa kpuləy ke ləm taa, ɬəna pā yele pə təna təpəi na pā hu i waali.

*Yesu waasa tənuyu təə asilima kvtəy tv  
(Matiyee 8:1-4; Maləki 1:40-45)*

**12** Yesu ka wə ɬətə natəlī tə taa, na yəlv wei tənuyu təə asilima kvtəy waasa i təna tə i ka wə təna. I na Yesu ɬəna i polo na i hənti-i atə na i wiina-i təkpees sī: Tacaa, ye n ka tisaya n taa waasi-m?

**13** Mprýgy Yesu kvsə i ninj na i tokəna-i na i təməi-si: Teu ma tisaa, alaafəya i la. Mprýgy i kvtəy tema kpakpaa. **14** ɬəna Yesu kpaałi-i sī: Taa heeli nəyəlv. Ama təe kpakpaa na kətəlv na-ŋ, ɬəna n̄ yiğisi ɬsū Moisi ka kəesuyu tə, na pē la yələaa ke aseeta.

**15** Paa na mpv tə, i həte tənja yaav na pə puki, na samaa kotiyi i kiŋ ke səsəm səsəm sī pa nukı i səyəsuyu, na i waasəy-i-wəyə pa kvtəməy. **16** Ama inı i pukaya waatv waatv ke timpi timpi yələaa fei tə, na i sələməy i lsō.

*Yesu waasa kvtəy kvtvvluyu tv  
(Matiyee 9:1-8; Maləki 2:1-12)*

**17** Kvyaku nakvli Yesu səyəsaya. Pə pamna Falisanaa na lsō Təm səyəsələaa mpə pa luna Kalilee na Yuta pa acaləe təna taa na Yosalem tə paa wə təna na pa cayaa. Na Tacaa toma ka wə Yesu kiŋ na i laki na kvtəntvnaa hikiyi alaafəya. **18** Mprýgy yələaa səyəla kvtəy kvtvvluyu tv nəyəlv na kpatəle, na pā pəekəy sī pā tana-i Yesu kiŋ ke kutuluju taa na pā sii-i i sentaa. **19** Ama yələaa samaa təə pa ta na timpi təə paa svəsəna-i

tə. Iləna pá kpaana-i ləputu təo na pá wesı-ti, na pá tisi í na i kpatèle ke samaa həku ke Yesu isentaa. <sup>20</sup> Waatu wei Yesu ná pa naani tə i təma si: Ma taapalu, nyá isayatu hūsaa.

<sup>21</sup> Tənaya Isə Təm seyəselaa na Falisanaa pa svu miituyu si: Aweyelə ine iní na í kpakəyi i ti na í keesəyəna Isə? Awe pəsəyi na í husi isayatu, ye pə taya Isə paasi?

<sup>22</sup> Ama Yesu ná cekəna pa huvvee, iləna í pəəsi-wə si: Pepe təo kék i huvki m̄púyú mə taa? <sup>23</sup> Nti tə yəyətuyu kələna təlev? Nyá isayatu hūsaa, yaa kuli na ní tə? <sup>24</sup> Təv, maa hvli-mə si Yulu Pəyaya má, ma pəsəyi na má husi isayatu ke atə cəne.

Tənaya i təma kvtəntu si: Kuli na ní kpayə nyá kpatèle na ní kpe. <sup>25</sup> Tənaya i kula kpakpaa ke pa təna pa isentaa, na í kpayə kpatèle nte tə təo paa hūsa-i tə na í saŋ Isə na í kpeŋ. <sup>26</sup> M̄púyú pə lapa pa tənaya piti kék səsəm na pá saŋ Isə. Halı pə la-weyə səyəntu na pá saŋ pá yəyəti si: Ama puvə, saŋa ke tá na kəkələ təm.

### *Yesu yaaki Lefii (Matiyee 9:9-13; Maləki 2:13-17)*

<sup>27</sup> M̄púyú Yesu lūwa na í mayana lampuu molv nəyəlu wei pa yaa si Lefii tə, na í caya i lampuu təmule. Iləna i təmi-i si: Kuli na ní təŋi-m.

<sup>28</sup> M̄púyú Lefii kulaa na í yele pə təna na í hu i waali.

<sup>29</sup> M̄púyú Lefii lapa-i muvllə ke teu ke i təyaya taa, na pá na lampuu molaa payale na yəlaa ləlaa pá caya təyəv. <sup>30</sup> M̄púyú Falisanaa na pele pa Isə Təm seyəselaa pa kəma na pá pəəsi i ifalaa ke imiitau si:

Pepe təo ké mə na lampuu mulaa na asayaa í kpenta tətəyəle na tənyəele?

<sup>31</sup> Ama Yesu cə-wə si: Pə taya alaafəya nyémə nyüləyəna fətaa, ama kvtəntvnaa ké. <sup>32</sup> Ma kəmaya si ma heeliyi asayaa si pá layası, pə taya kvpama.

*Yesu kəesəyi nəhəkvtv təm  
(Matiyee 9:14-17; Maləki 2:18-22)*

<sup>33</sup> Mprýgyú yəlaa napəli pa təma Yesu si: Yohaani ifalaa na Falisanaa nyémə pa həkəyi nəəsi ke tam na pa sələməyi pə waatvnaa, na nyá nyémə náá təki na pá nyəəki yem.

<sup>34</sup> Iləna í cə-wə si: I ká pəsi na í la na akpayalv taapalaahəkə nəçə na í na-wə pá wəe? Aai. <sup>35</sup> Ama pu kəo pə kəesi kuyaku nakvli, iləna pá ləsi-i pa həkv, ilə waatu inəyi paa həkə nəçə.

<sup>36</sup> Mprýgyú i tasa-weyə ituule ke tukuyu tətə si: Paa cələyi puyugu kufaluyu təo na pá tə kvpənuyu. Pá lapa mpv, pa wakəla kufaluyu. Pəyele saaliya kaa mvna kvpənuyu. <sup>37</sup> Nəyəlu kaa suu svlum kufam ke svlum huluñ kvpəŋ taa, təfə svlum kufam yasəyi huluñ kvpəŋ inəyi na pə ti na huluñ wakəli yem. <sup>38</sup> Ama huluñ kufan̄ taa ké pa suuki svlum kufam. <sup>39</sup> Yvlv wei i tema svlum kvpəpum ke nyəən tə, i luğu u laki apila. Pə taya pulv, kvpəpum ke yəlaa saŋ.

## 6

*Yesu kəle kuyaku kvhəesvən tv  
(Matiyee 12:1-8; Maləki 2:23-28)*

<sup>1</sup> Mprýgyú Yesu na i ifalaa pa fayana təyənaya pee taale natəli tə taa ké kuyaku kvhəesvən kvlı kv wule. Tənaya i ifalaa svu təyənaya pee nyəŋka ke pəlvəg,

na pá nyutiyi pa niŋ taa na pá saləyi. <sup>2</sup> Mpúyú Falisanaa napəlì pa pəəsa-wé si: Pepe təo ké í laki mpi pə fei lapu ke kuyaku kuhéesuyu wule tə?

<sup>3</sup> Tənaya Yesu cə-wé si: Ye mpv í ta kala mpi Tafiti lapa waatu wei nyɔyəsi pi í na mpa paa we i cələ tə? <sup>4</sup> Isəna i svv Isə təyaya taa na í kraya potopotonaa mpa paa si Isə tə na í təyə na í ha i taapala tə. Pəyele pə fei si nɔyəlu í təyə-wéyə yem na pə ta ké kətəlaa.

<sup>5</sup> Mpúyú Yesu tasa-wéyə heeluyu tətə si: Yvlu Pəyaya mayale kuyaku kuhéesuyu səsə tətə.

*Nkpaləkpekaya tv  
(Matiyee 12:9-14; Maləki 3:1-6)*

<sup>6</sup> Mpúyú Yesu svv Yuta nyáma təkotile taa ké kuyaku kuhéesuyu kvlì ku wule na í səyəsəyi. Pə pamna apalu nɔyəlu i we təna na i nkpalaya nɔyəjənyənyəka kpekaa. <sup>7</sup> Na Isə Təm səyəsələaa na Falisanaa cayaa na pá keŋna-i teu, si pa naa si i ká waasi yvlu ke kuyaku kuhéesuyu wule yaa isəna. Pa laki mpuyvle si pá hiki nti paa waanna-i tə. <sup>8</sup> Ama i cəkəna pa huywəe, iləna i tə nkpaləkpekaya tv iní si: Kvlì na n̄ səy həkvu taa cəne.

Iləna nkpaləkpekaya tv iní i kvlì na í polo í səy təna. <sup>9</sup> Na Yesu tə-wé si: Ma pəəsəyi-mə si tá mpaav taa, kuyantu ke pə mwna pá la kuyaku kuhéesuyu wule yaa isayatv? Paa waasi yaa paa ku?

<sup>10</sup> Tənaya Yesu nyəna pa təna pa isentaa, na í tə apalu iní si: Təv, loosi nyá niŋ.

Mpúyú nkpaləkpekaya tv iní i lapa mpv, iləna i niŋ heti. <sup>11</sup> Mpúyú pááná kpa-wéyə səsəm, na pá mayasəyi isəna pá la Yesu tə.

*Tillaasəsaa naanvwana na naale kpaav  
(Matiyee 10:1-4; Maləki 3:13-19)*

**12** Waatv inu i taa kē Yesu kpa puyu taa kē Isə sələmuyu, na i sələmi mپúyú tev na kv fem. **13** Pə kəma pə fe iləna, i yaa i ifalaa na i ləsi pa taa kē yəlaa naanvwana na naale, na i ha-weyə hətə si tillaa. **14** Mpə inu pa həla ntə. Siməŋ wei i cuyusaa si Piyee tə, na ilé i neu Antəlu, na Saakı na Yohaani, na Filipu, na Paatelemii, **15** na Matiyee, na Tomaa, na Aləfe pəyalu Saakı, na Siməŋ wei pa cuyusaa si Selotı tə, **16** na Saakı pəyalu Yutaası, na Yutaası Isəkaleeu wei i lapə Yesu ke kələmətə tə.

*Yesu seyəsəyi samaa na i waaki kvtəntvnaa  
(Matiyee 4:23-25)*

**17** Yesu na i ifalaa pa tiikayana puyu tə, iləna i səŋ timpi taa puyu fei ipilisau na pə walaa tə. Təna inəyı i ifalaa payale na Yuta təna samaa na Yosalem nyéma na Tiii na Sitən ləm nəyə nyéma pa təna paa timsaa. **18** Paa kəmaya si pa nukı i seyəsuyu, na i waasi-weyə pa kvtəməj tətə. Na i waasa mpa pəle aləyaa tukaya wahala tə tətə. **19** Samaa inu i təna i ləkaya kē si i tokixina-i. Pə taşa puv, toma naalı a ka we i kiŋ na pā nukı a taŋ, na a waasəyi pa tənaya pa kvtəməj.

*Kvpantv na isayatv  
(Matiyee 5:1-12)*

**20** Mپúyú Yesu kusa isə na i nyəni i ifalaa na i tə si:  
Mpa me i kē konyəntvnaa tə,  
i nu lelenj kē.  
Mə tənna Isə Kawulaya.  
**21** Mə mpa nyəyəsi wəna kayana tə,  
i nu lelenj kē.  
Mu təna na i haya teu.

Mε mpa í wiiki kayana tō,  
í nu lelenj kē.  
I ká te na í woŋ teu.

**22** Paa yələaa taa huuna-mε, yaa pa təyəna-mε, yaa  
pa tuv-mε, yaa pa ku mə nyəɔ̄ŋ ke Yəlv Pəyaya má ma  
tō, í nu lelenj kē. **23** Waatv inu mə laŋa í həe səsəm na  
í paa teu. Pə taya pəlv, mə kasəyaya ká tō səsəm ke  
isətaa kē. Mpv inu pə mayamaya ke pa caanaa ka lapa  
Isə kuyɔ̄yətvtv teləsəlāa.

**24** Ton̄tunaa mε mə təm we waiyo kē,  
í təma mə lelenj təyəv tō se.

**25** Hayalaa mε mə təm ná we waiyo kē mpv inəȳi.  
I ká ná nyəȳosı ke teu tō se.

Mpa mε mə woŋiȳi kayana tō,  
mə təm we waiyo kē mprýȳ. **26** Yələaa təna í kəma na pá saŋ-mε, mə təm ká la  
waiyo kē. Mpv inu pə mayamaya ke mpe pa caanaa  
ka lapa Isə kuyɔ̄yətvtv teləsəlāa pəpətunaa.

### Səəli nyá kolontu (Matiyee 5:38-48; 7:12)

**27** Mprýȳ Yesu təma s̄i: Ma heeliyi mpa mε í nuñi  
ma təm tō s̄i: I səəli mə kolontunaa, na í lá mpa  
paa caa-mε təyə kypantv. **28** I kooli kypantv ke mpa  
pa kooliȳi-meȳe mpusi tō. I sələməna mə isayalataa  
ke Isə. **29** Wei í mapa nyá ləkpayaſaya, kees̄i-ı leŋka.  
Nɔ̄xəlv í leɛka nyá kpai, cəle-ı nyá capa tətə. **30** Wei  
í sələmə-ŋ, taa pem̄i-ı, wei í leɛka nyá kuyənam, taa  
pəɔ̄s̄i-ı pə təm. **31** Mpi mə caa s̄i yələaa í la-mε tō, mu  
la pəleŋe-wi tətə.

**32** Ye mpa pa səələȳi-mε tō pa tike kē mə səələȳi,  
ile pepeȳe í təɛwa tətə? Asayaa mayamaya ná səələȳi

mpa pa səəla-wε tə pa tike tətəyō. <sup>33</sup> Ye mpa pa laki-meyę kypantu tə pa tike ke í ká təŋəyı na í laki, ilę pepeyelę í tεεwα? Mpúgyó asayaa mayamaya ná laki tətə mεε. <sup>34</sup> Ye mpa í tεεləyı sı paa te na pá feli-mε təyō í təŋəyı na í kəntəyı, ilę pepeyelę mə tεεwα? Asayaa mayamaya ná tεεləyı sı paa te na pá feli pele təyō pa kəntəyı pa təma mεε. <sup>35</sup> Aai, í səələyı mə kolontunaa na í laki-wεyε kypantu. I kəntəyı, í taa teləsı feluyu təm ke lələ. Pi yele na mə kasəyaya təo səsəm, na í ká pəsi isətaa Isə Səsə pəyalaa. Paa fəəfeinaa na asayaa, ilę í laki kypantu kέ. <sup>36</sup> I laki təmaya kypantu ke teu isu mə Caa laki-meyę kypantu tə.

*Təma footuyu fei teu  
(Matiyee 7:1-5)*

<sup>37</sup> I taa footi ləlaa, pə taa kəo na Isə footi-mε. I taa tu ləlaa ke tasəkəle, pə taa kəo na Isə tu-meyę tasəkəle. I húlí təmaya suulu ke timpi í pəntəyəna təma tə, na Isə ká húlí-meyę suulu. <sup>38</sup> I haakı na Isə ká haakı-mε. Pə taya pəlv, Isə ká mayası kέ na pə su na pə watı na í ciyiti na í nyəki na í pəli-mε. Mayasəlaya ηka mə mayasəyəna ləlaa tə, ηkεyε Isə ná kəj na í mayasəna-mε tətə.

<sup>39</sup> Mpúgyó Yesu tasa-wεyε ləntı sı: Ntəŋ í nyəmá teu sı yulvum kaa pəsi na í hə i ləlv, təfə pa naale paa hoti púvýó taa kέ. <sup>40</sup> Təmle kpəleṁəlv ta kəlì i hvllv. Ama kpəleṁəlv í kəma na í nyi təkpəsəkpəsi, í na i hvllv pa pəsa kvlvum kέ.

<sup>41</sup> Isənaya pə lapa na n̄ naakı nyuliim wei i wε nyá təyəntəle isəpəle taa tə, na n̄ kaa na kpátóyú ηku kү wε nyá mayamaya nyá nyənte taa tə? <sup>42</sup> Isənaya le nyá pəsəyi na n̄ tə sı: Apan nyá səj təkpi na má ləsı nyá isəle taa nyuliim, na kpátóyú wε nyá nyənte taa?

Cesəlv nyá, ləsi kpátúgyú ηku ku wé nyá mayamaya nyá isəpəle taa tó, ilena pécó ná teu təceicei na ná ləsi nyá təyontəle isəle taa nyuliim iní.

*Pa nyəŋ̊ tuŋ̊ na kv pile kέ  
(Matiyee 7:16-20; 12:33-35)*

**43** Tuŋ̊ kwpajku u lwləyi kpai pile se, pécó kpai tuŋ̊ naa lwləyi pile kwpante tətə. **44** Pa nyəŋ̊na paa tuŋ̊ ηku na ku pile cələyə. Yvlv kaa kooli tuŋ̊ ηku pa yaa si fiki tó ku pee ke səsən təo se, pécó paa kooliyi tuŋ̊ ηku pa yaa si lesen tó ku pee ke kələŋ̊ təo tətə. **45** Yvlvpaŋ̊ kwpantu lükəna tuu i lotu taa kwpantu kinj kέ. Iləna isayav iní i isayatv luna tuu i lotu taa isayatv kinj. Pə taya pvlv, isəna yvlv lotu taa təowā tó mprýg̊ i yəyətaya hóləyí.

*Layatv na kwmeləŋ̊ pa kutuluŋ̊ ηmav  
(Matiyee 7:24-27)*

**46** Mprýg̊ Yesu təma si: I yaa-m Tacaa Tacaa suwe na u təŋ̊əyi ma kuyəyətutv? **47** Maa hólí-meyə yvlv i kəma ma kinj na í nui ma təm na í təŋ̊-ti pəntv wé isəna tó. **48** I nəyəsəna kέ isu yvlv caakvuy kutuluŋ̊ ηmav na í huli na í tala atē kwpamuyu na pécó i si kite təyə. Pəyə kəma na ká su iləna lvm watı, haləna pə hola ma-kv. Paa na mpv pə ta ciyiti-kvuy ku ηmatu teu təo. **49** Ama wei i nukı ma təm na u təŋ̊əyi-ti tó, ilé i wé kέ isu wei i ηma kutuluŋ̊ ke ateyə yem tó, kite kwpante fei. Lvm hola mapa-kv, iləna ku ti kpakpaa na ku la asaala səsə ke yem.

## 7

*Yesu waasa Lom yoolu yom  
(Matiyee 8:5-13)*

<sup>1</sup> Yesu kōma na í te yəlaa ke faaci lapu, lēna í məli Kapənahum. <sup>2</sup> Lom yoolu səsə nəyəlv ka wəna yom na i luju svv-ı səsəm. Yom inəyi pə wukaya na í caaki səm. <sup>3</sup> I nu Yesu taŋ, lēna í tili Yuta nyuyu nyéma napəli si pá wiina-ı na í kəo í waasi i yom inu. <sup>4</sup> Pele pa tala Yesu kiŋ, lēna pá wiina-ı təkpees si: Apalv inu i nəyəsəna n̄ waasi-ı. <sup>5</sup> Pə taya pulv, i səela ta piitim ke səsəm, halı i ḥma-tvuyu təkotile.

<sup>6</sup> Tənaya Yesu təŋa-wə. I kōma í kpətəna təyaya, ilə yoolu inu i tila i taapalaa nté si: Tacaa, taa ku nyá təyı yem, ma ta tala si n̄ svv ma təyaya. <sup>7</sup> Halı mpv inəyi maa huvwa si ma ta tala má kəo ma mayamaya ke nyá kiŋ. Pə təo ilə, yəyəti kuyəyətu ke təm kvlvum na ma yom hiki alaafəya. <sup>8</sup> Pə taya pulv, ma isəntə ma see ma səsaa kέ. Pécó ma wəna ma səkpema na pele pa laki ma luju nyəntv. Na má heela pa taa wei si i polo cəne, i puki kέ. Na má heela wei si i kəo, ilé i kəo tətə. Pécó ye ma heela ma yom si i la pəne, i laki kέ.

<sup>9</sup> Yesu nu mpv, lēna í sa yoolu səsə inu, na í pəsəna samaa wei i təŋaya-ı tə i təo na í tə si: Pəpətv fei lelen, paa Isəyeli taa mayamaya ma ta nata yolv na í tema i taa na Isə kέ isəntə.

<sup>10</sup> Yoolu inu i tillaa kōma na pá məli təyaya, ilə pa mayana yom inəyəle na i alaafəya təmammam.

### *Yesu feesa alv leelu pəyalv*

<sup>11</sup> Pele pə waali Yesu pola icate nte pa yaa si Nayinj tə tə taa kέ kpakpaa, na i ifalaa na samaa payale ke i waali. <sup>12</sup> Yesu kōma isu i svvki icate, ilə alv leelu nəyəlv i pəyaya səpayale na pá pukina-kęye pim, na icate nyéma samaa təŋ leelu inu i waali. Nke inu ka

tike ke leelu inu i ka lvlaa. **13** Tacaa na-i, ilena i tom lapi-i pətəotəle, na i təmi-i si: Taa wii.

**14** Mpýyú Yesu polaa na i tokı sətu kpatəle, ilena səyəllaa náá səy, na Yesu tə si: Ifepu nyá ma caa si ní kuli.

**15** Tənaya sətu inu i kvlala na i svu yçətaya, na Yesu cəle-i i too. **16** Mpýyú səyəntu kpa pa təna na pá saŋ Isə na pá tən si: Isə kuyəyəntu teləsəlv səsə lu ta heku taa. Na pá tasa tətə si: Puwε, Isə kəma si i teñ i yəlaa.

**17** Mpýyú mpi Yesu lapa mpv tə pə tom ya Yuta tətu təna, na pə cələ tetvnaa təna taa.

*Lvm səlv Yohaani tila Yesu kiŋ si i naa  
(Matiyee 11:2-19)*

**18** Mpýyú Yohaani ifalaa heela-i tom ntı tə təna. Ilena i yaa pa taa naale, **19** na i tili-wεyε Yesu kiŋ si pá pəəsi-i si inəyəle wei i tom paa təma si i ká kɔɔ tə, yaa nəyəlu wee i kən, tə tan ilε? **20** Pele pa tala Yesu cələ, ilena pá tə si: Isə Lvm səlv Yohaani kvsəna-tu si tə pəəsi-i si: Nyayale wei i tom paa təma si i ká kɔɔ tə, yaa nəyəlu wee i kən, tə tan ilε?

**21** Pə pamna waatu inu i taa Yesu waasaya yəlaa payale ke pa kvtəməy, na i laki na acamaa hikiyi alaafəya, na i looki aləyaa, na i kuliyi yulvmaa payale isε. **22** Ilena i tə-wε si: I polo na i heeli Yohaani ke mpi i nawaa na ntı i nuwa tə si: Yulvmaa naaki, kaakalasi tən, tənuyu təə asilima kvtən nyéma naaki nyuyu, na ntamaa ná nuki, na sətaa ná feñ. Pécó kuyəyəntnaa ná tənja Laapaali Kvpən ke niuw. **23** Wei i naani kaa lu ma təə tə, pəntu nu lelenj kέ.

**24** Yohaani tillaa mpe pele pa kəma na pá kpe, ilena Yesu svu samaa ke Yohaani inu i tom ke pəəsuyu si: Pepeye i ka pola wvlaya tətu taa kέ nañ yé? Heelim

makı na pé ciyitiyi səsəncanja ɳka tə? <sup>25</sup> Ilə pepe nau ke i polaa? Yaa yolv wei i suu kacəka wontu tə? Təv, mpa pele pa suuki kacəka wontu na pā wə lelenj taa tə, awulaa teesi taa kē pele pa wəe. <sup>26</sup> Ilə pepe mayamaya ke i ka tu pola nau? Yaa Isə kuyəyətətu teləsulu nəyəlu? Tampam, Isə kuyəyətətu teləsulu kē, halı ma heeliyi-mə si i tu kəla mpv. <sup>27</sup> I təm ke pa tu ɳmaawa Isə Təm taa si:

Nyəni ma tillu ntə,  
ma teləsəyi nyá nəyə təo si  
í tayarı nyá mpaañ na n̄ kəŋ.

<sup>28</sup> Tampana ke ma heeliyi-mə yoo, tuu tə pa ta lwləta nəyəlu na pəntu təe Yohaani fa. Ilə paa na mpv tə, ye mpa pa tisaa na Isə təyə pa təo kē kawulaya, pa taa səkpelu mayamaya təe-i.

<sup>29</sup> Pa təna mpa pa nu təm ntı tə pa ha Isə kē tampana, halı pə krepənə lampuu mulaa mayamaya. Pə taya pəlv, paa təma tisugu si Yohaani í sə-węye Isə lvm. <sup>30</sup> Ama Falisanaa na Isə Təm seyəselaa ná kisa təmle nte Isə ka huuwa si i ká la-wə tə, pa ta tisi si Yohaani í sə-węye Isə lvm.

<sup>31</sup> Mpúyú Yesu tasaa si: Pepeyelə má kəesəna kufalaŋ yələa panə? Isu pepe cañ kəle pa nəyəsənaa tə? <sup>32</sup> Pa nəyəsəna kē isu piya cakvən kataya taa na si təŋ təma si: Anı tə hula həsi í ta paa. Pécō tə wii ləyaya wula, í tá wii. <sup>33</sup> Pə taya pəlv, lvm səlu Yohaani kəma tə, u təki təyənaya, pécō u nyəəki svlvm. Iləna mu təŋ si iləyəhilu ke-i kē. <sup>34</sup> Yolv Pəyaya má, ma məlaa na má kəo na má təki na má nyəəki, iləna í tayarınyəyi maya yəyətənγu tətə si ma kē hilitu na svlvnγəelu. Aaiyee si lampuu mulaa na asayaa pa

ceu ké. <sup>35</sup> Ama Isə ləmayasəe tewaya, halı pə naakı mŕúgyú mpa pa təyəg̊i-yə tə pa kiŋ.

### *Yesu svv Siməŋ təyaya taa*

<sup>36</sup> Kuyaku nakvli Falisa nəyəlv i yaa Yesu ké təyəv. Iləna Yesu svv i te na í caya na í təyəna təyəv. <sup>37</sup> Apalaa təna alv nəyəlv i ka we icate níté tə taa. Mŕúgyú alv inı i nuuwa sì Yesu caya təyəv ke Falisa təyaya taa, iləna í kəna tulaalv kypən nəyəlv na akpaləpiya. <sup>38</sup> Na í luŋ Yesu nəəhees təe na i waali təo na í wiiki. Mŕúgyú i taana Yesu nəəhees ke isəlvim, iləna í huſi-yə na í nyəəsi, na í wayali-yə na í sayali-yęye tulaalv. <sup>39</sup> Falisa wei inı i yaa-i təyəv ke mpv tə i na mpv. Iləna í məlì i taa sì: Ye apalav inı i ka ké Isə kuyəyətəvə teləsvlv i ka nyəmá alv wei inı i tokiyina-i isəntə tə i cakəle na i yaasi we isəna tə. I ka nyəma-i sì i fei teu. <sup>40</sup> Mpvyvle Yesu təma-i sì: Siməŋ maa heeli-i təm natəli. Tənayale Siməŋ cəwa sì: Tacaa yəyətə.

<sup>41</sup> Iləna í tə sì: Liyitee kəntəlv nəyəlv i ka wənnə kəma nyəma ke naale, lelv feləg̊i-i liyitee nyəyətəv nasəle nūnuwa (500), na lelv ke nyəyətəv nule na naanuwa. <sup>42</sup> Pa ta hiki sì pá fel̊i-i, iləna í ce pa naale inı. Təv, pa taa awe laŋle ká kələna-i həenav?

<sup>43</sup> Tənaya Siməŋ cəwa sì: Ma huu sì, wei i nyəntə kəla təvən tə. Yesu sì: Ama n huu teu.

<sup>44</sup> Iləna í pəsəna alv təo na í tə Siməŋ sì: Siməŋ ná alv inı? Ma svv nyá təyaya taa tə, n ta ha-m lvm sì má kə ma nəəhees. Ama ilé i taana-yęye isəlvim, na í huſi-yə na i nyəəsi. <sup>45</sup> Ma tala nyá te tə, n ta wayali-m. Ama tuu isəu ma svvv tə, ilé i ta heesi ma nəəhees wayalvən. <sup>46</sup> N ta pəli ma nyvən taa kē nim. Ama tulaalv kypampən ke ilé i pəla, halı ma nəəhees təo. <sup>47</sup> Pə təo kē ma heeliyi-i sì, i səəlvən mŕúgyú səsəm tə

pə húléyí ké sì paa i isayatu na tə təən ke mpv tə pa húsa-ti. Pə təo inəyí wei i wəna isayatu ke pəcə na pá húsa-ti tə, pvn̄tu səələyí mayana kē.

**48** Tənaya i heela alv inī sì: Nyá isayatu husaa.

**49** Mprýgú í na mpa pa caya təyən tə pəle pa svv pa taa kē yəyətuygū sì: Aweyelə inē inī na hali inī i takə i húseyí isayatu? **50** Ama Yesu ná heela alv inī sì: N temə nyá taa na Isə təyə i yapa nyá nyvgy. Teeṇa laŋhulvmlə.

## 8

### *Alaa mpa pa səŋjayana Yesu tə*

**1** Pə waalı kē Yesu svv cəən ke acalēe səsəənə na səkpena na í laki waasv, na í kpaaləyí Isə Kawulaya Laapaalı Kyrəŋ. Na i ifalaa naanuwā na naale, **2** na alaa mpa pa aləyaa i loowa, na i waasa mpa pəleye pa kvtəmən tə. Isi Malı wei pa yaakaya Makətala tu na paa loo-i aləyaa naatosompəyəlaya tə, **3** na Heləti pəyalu Cusa alv Saanı, na Susaanı, na ləlaa ke payalə mpa pa səŋjayana Yesu na i ifalaa na pa wənau tə.

### *Mətutuuna təm*

*(Matiyee 13:1-9; Maləki 4:1-9)*

**4** Yələaa samaa lukayana acalēe acalēe na pá kəŋ i kiŋ, iləna í səe-weyə isə sì:

**5** Tuulu poləna tuutu. I tuukaya i mətutuuna, iləna lenna hoti mpaav nəyə nəyə. Na pá feləyí-yeyə nəəhəe, na suması tii na sì təəsi-yε. **6** Mprýgú lenna hota kvwav təo, iləna a nyə na a tayani wvluvgū ke nikaya fei tə pə təo. **7** Lenña náá hoti səwa taa na a na səwa pá kpənti nyəv, iləna səwa náá kv-ye. **8** Lenña náá hoti tetu mvsuŋ nyəntu taa, na a nyə na a lvlı teu

pə tui fei. Itəma mprúgyú yəyətuygú, ilesna í cuyusina nəyə səsaya si: Ye wei i kē təm nulv pəntu í nu.

*Mpi pə tə Yesu seyəsəna atuwa tə  
(Matiyee 13:10-17; Maləki 4:10-12)*

<sup>9</sup> Mprúgyú i ifalaa pəəsa-i iesə seeu məri pə həwəe. <sup>10</sup> Ilesna Yesu cə si: Pə ha-meyəs si í nyi Isə Kawulaya təm kuyəmesətə. Ama pə kaasa lelaa tə, iesənaa ke paa seewē si:

Paa pa nyənəyə i səntə, pá taa ná.

Paa pa nukı, pá taa cəkəna pə həwəe.

*Yesu kilisiyi mətutuuna təm həwəe  
(Matiyee 13:18-23; Maləki 4:13-20)*

<sup>11</sup> Maə kilisi-meyəs iesə seeu məri pə həwəe. Isə Təm nté mətutuuna anı. <sup>12</sup> Wena wena a hota mpaav nəyə nəyə tə, ale a wenna isu mpa pa nukı Isə Təm na lləyən təyə na í ləsi-təyə kpakpaa ke pa lotu taa, si pá taa kəa na pá mu-ti na Isə ya pa nyəəŋ. <sup>13</sup> Nna ale a hota kuvaw təo tə, ale a wenna isu mpa pa nukı-ti na pá mu-ti na laŋhulümle, ilə tə ta caya pa taa. Pa muŋi kē na pə la wəe naale, mayasuyu kəŋ ku kəa, ilesna pá lu Isə seeu ke kpakpaa. <sup>14</sup> Wena a hota səwa taa tə, ale a wenna isu mpa pa tey tə niw, ilesna ate cəne nəyəsəe na pə wenav na pə konyuləy pə təm kəa na pə kuyəy pa taa, na pá kpisi pee kypana luvuyu tə. <sup>15</sup> Wena ale a hota tetu muŋi nyəntu taa tə, ale a wenna isu mpa pa nu Isə Təm na pá mu-ti na lotu kuvumtu na həwəe nna a tewa tə, na pá təka-ti təkpaŋkpəŋkpa, na pá luvəy pee kypana ke teu tə.

*Fətəla muŋuy  
(Maləki 4:21-25)*

**16** Awe mʊsəyɪ fətəla na í pəmɪ-i pʊlvpu təe, yaa í sʊsɪ-i kato təe ye? Tesika təo ké paa pusɪ-i sɪ pé ná mpa pa sʊvki təyaya taa tə. **17** Kʊŋmeləm nəpəlɪ pə feɪ sɪ pə kaa kuli pə təo. Pécó mukaya təe pʊlvpu feɪ mپi pa kaa ləsɪ na paa awe na tə.

**18** I la laakalɪ na isəna í nukɪ tə. Pə taya pʊlv, wei i wəna təyə paa ha, na pá ləsəkɪ wei i feina təyə pəciimaya wei i huv sɪ i tɪ tə.

*Yesu too na i newaa*  
(Matiyee 12:46-50; Maləki 3:31-35)

**19** Mprýyú Yesu too na i newaa pa kəma i kiŋ. Ama samaa təo pa ta pəsɪ pá tala i kiŋ. **20** Mprýyú nəyəlv heela-i sɪ: Nyá too na nyá newaa pa wə awalɪ na pá caa pa na-ŋ.

**21** Mprýyú Yesu cə-wə sɪ: Ma too na ma newaa nté mpa pa nukɪ Isə Təm na pá təŋəyɪ-ti tə.

*Yesu lapa na kacuculaya həe*  
(Matiyee 8:23-27; Maləki 4:35-41)

**22** Mprýyú kuyaku nakvli Yesu na i ifalaa pa kpa kpilvuyu taa, iləna í tə-wə sɪ i na-wə pá təsɪ lvm.

Mprýyú Yesu na i ifalaa pa təewa. **23** Pa təŋna pote ke lvm təo ké mpv, iləna Yesu too. Tənaya heelimuyu həka lvm təo təna, na lvm faləyɪ kpilvuyu taa haləna kə caa suŋu, na lvm caa pə təyə-wə. **24** Tənaya pa pola Yesu kiŋ na pá feesi-i sɪ: Tacaa, Tacaa, tə lepaya.

Yesu fema, iləna í kaləna heelim na lvm hola na pə təna pə həe təli. **25** Mprýyú i pəəsa-wə sɪ: Mə taa temnau ke Isə kəle le ilə?

Tənaya səyəntu na piti kpa Yesu ifalaa, na pá təŋ təma sɪ: Awəyəlel ɪnə iñi na halɪ í yəyətəyəna heelim na lvm na pə nukəna-i?

*Iləyəhilu na afanaa pa təm  
(Matiyee 8:28-34; Maləki 5:1-20)*

**26** Mprýgý pa tapəna pa kpuluyu kə Selasini nyáma tətu nti tə we kutesuyu təo na tə nyənəyi Kalilee tə. **27** Yesu tii tətu təo, ɬena icate nté tə yulv nəyəlv wei i hii aləyaa tə i kəo i kinj. Hatoo tə yulv inı i ta nyi wontuyu ke i təo. Pəcő i təcayale nté pəlaaj taa, i ta nyi təyaya. **28** I na Yesu, ɬena í ma kapuka na í hoti i nəəhees təe na í kooki sì: Isətaa Isə Səsə Pəyadlu Yesu, ma na-ŋ suwe? Ha!, la suulu taa tu-m wahala.

**29** Pə taya pvlv, Yesu ka heela ɬəyəv sì í se i waali təyə i yəyəta mpv. Pə kəesəyı na pə küləyəna-i tə, pa həkəyə-i alukpala na í cəki, na ɬəyəv svsvyı-i nyutu. **30** Mprýgý Yesu pəəsa ɬəyəhilu sì: Pa yaa-ŋ suwe? ɬena í cə sì: Pa yaa-m sì Kupiŋ.

Pə taya pvlv, aləyaa payale ka wəna i waali. **31** Na aləyaa mpe pa wiikayana Yesu sì í taa tə-wə sì pā məli pa həəv təe.

**32** Afanaa kaləkv səsəən nakulı kii we tənaya pōónj taa na ku tuliyi. Mprýgý aləyaa mpe pa wiina Yesu sì í yele na mpe pā svv afanaa mpe pa taa, ɬena Yesu tisi. **33** Tənaya aləyaa mpe pa yela apalv inı na pā svv afanaa taa. ɬena afanaa tu casələ kə yem na pā tii kalakala na pā tu ləm na pā sì.

**34** Afanaa tiikilaa ná mpv, ɬena pəle pā lo kpakpaa na pā polo pā heeli təm nti, na təm yəki kpakpaa ke acaləe taa na cacakəj təe. **35** Mprýgý yəlala kulaa sì mpe pa puki na pā ná mpi pə lapa tə. Pa pola Yesu kinj, ɬena pā mayana apalv wei inı i aləyaa pa loowa tə, na pə cəpa i təo, na í caya Yesu nəəhees təe na í suu wontu. ɬena səyəntu kpa-wə. **36** Mpə pa ná təm nti na pa isəpəle tə, pa kəesa-wəyə isəna pə lapa na

opalv inu í hiki alaafəya tə. <sup>37</sup> Mpúyú pə lapa Selasini tetv nyéma ke səyəntv ke səsəm, ləna pá tə Yesu sí í la suulu na í tee. Ləna Yesu kpa kpuluyv sí i teekı. <sup>38</sup> Mpúyú apalv wei inu i aləyaa pa loo mpv tə, i sələma Yesu sí í yele na inu í təjı-i. Ləna Yesu náá kisi na í təmi-i sí: <sup>39</sup> Məli nyá təyaya taa na n̄ heeli pə təna mpi ləsə lapa-ŋ tə.

Mpúyú apalv inu i təewa na í heeli icatə təna taa ké pə təna mpi Yesu lapa-ŋ tə.

*Yailu pəelə na alv təyollv  
(Matiyee 9:18-26; Maləkɪ 5:21-43)*

<sup>40</sup> Yesu məla Kalilee taa, ləna samaa laja həe teu. Pə taya pvlv, pa təna paa tanja-i teu ké. <sup>41</sup> Mpúyú apalv nəyəlv wei pa yaa sí Yailu na í ké pa təkotile nyuyv tu tə i kəma na í hoti Yesu nəəhəe tees, na í wiina-i sí í polo inu i te. <sup>42</sup> Pə taya pvlv, i ka wəna pəelə na í caakı səpv. Pécó i tike ke i ka wəna, na i püsí we naanuwā na naale.

Yesu kvlaa sí i puki tə na samaa nyəkaa ké teu. <sup>43</sup> Alv nəyəlv náá wə təna wei hatoo püsí naanuwā na naale taa i təjna təyollv na pə wə-i tonj tə. Alv inu i liyitee təna temna fətaa. Pécó nəyəlv ta pəsi na í waasi-i. <sup>44</sup> Mpúyú i kpətəna Yesu na i waalı təo, na í tokina i capa ntumpile. Ləna pə temi-i kpakpaa inu. <sup>45</sup> Ntəna Yesu pəosí sí: Awe tokina-m ye? Mpuyvle yəlala təna kpəesaa. Ləna Piyyee nəyə təkpav sí: Tacaa, ke yəlala timsina-ŋ na pá nyəkəyi-ŋ?

<sup>46</sup> Ama Yesu cəwa sí: Aai, nəyəlv tokina-m ké. Ma nu ma toma lenna luwa.

<sup>47</sup> Alv kəma na í nyi sí pə nyəmá i təo, ləna í kuli na í polo i hoti Yesu nəəhəe tees na í seliyi. Na í yəyəti samaa təna isentaa ké mpi pə təo i tokina-i, na isəna

pə tu waasa-i kpakpaa tə. **48** Mpuyvle Yesu təma-i sī:  
N temā Isō na nyá taa təyə pə waasa-ŋ ma pu, tēena  
laŋhvlumlē.

**49** Yesu təja yəyətuvu ke mpv, ilena Yuta nyéma  
təkotile nyuyu tu inu i təyaya tu nəyəlv kəo na i heeli-i  
sī: Taa tu Tacaa ke konyəŋ ke yem, nyá pəelə fei.

**50** Tənayale Yesu nəyə təkpav sī: Taa nyá, nyaa te  
Isō na nyá taa te, i ká hiki alaafəya.

**51** Yesu wē pa kōma pá tala təyaya tə Yesu ta tisi sī  
samaa i təŋi-i na pá svv. Ama Piyee na Yohaani na  
Saakı na pəyaya caa na ka too pa tike pa svvna. **52** Pa  
təna paa kpa pa laŋa kē na pá wiiki səsəm. Ama Yesu  
heela-wē sī: I taa wii, ka too kvtōo kē, ka ta sī se.

**53** Yəlaa nyəmá sī yvlu temā tēeu təkpataa, ilena pá  
woŋi-i. **54** Ama Yesu təka pəyaya niŋ taa na i yəyətəna  
nəyə səsaya sī: Pəyaya nyá, kvl̄i.

**55** Tənaya ka məlāa na ká kvl̄i kpakpaa. Ilena Yesu  
sī pá ha-keye təyənaya. **56** Ilena pití kpa pəelə inu i  
nyéma. Mpuyvle Yesu heela-wē sī pá taa yele na nəyəlv  
nu nti inu tə lapa mpv tō.

## 9

*Yesu ifalaa naanvwa na naale tiluyu  
(Matiyee 10:5-15; Maləki 6:7-13)*

**1** Mpuyvle Yesu kota pa naanvwa na naale na i tv  
aləyaa ke pa niŋ taa, na i ha-weyə toma sī pá looki-  
wē paa mpv, na pá waaki kvtəməŋ. **2** Na i tili-wē sī  
pá polo pá kpaalı Isō Kawulaya təm, na pá waasəyi  
kvtəntvnaa ke pa kvtəməŋ. **3** Ilena i tə-wē sī: Ye i  
teekí i taa kpaya pulv, paa kpátuyv, paa huluŋu, paa  
təyənaya, paa liŋitee, pəcō i taa kpaya capanaa ke  
naale naale. **4** Ye i tala timpi na i laalı na i svv təyaya

ŋka ka taa, í saalí təna halí mə təeu. <sup>5</sup> Na ye í tala timpi na yəlaa í ta mu-mə, í lu na í kpiisi-weyə mə nəəheə muṣuŋu, na pé hólí sí í lapa-weyə təu, í yele.

<sup>6</sup> Mpúyú pa təewa na pá cəəki icate icate na pá heeliyi Laapaalı Kupañ, na pá waasəyí kvtəntvnaa kə pa kvtəməej.

*Heləti piti kə Yesu təə  
(Matiyee 14:1-12; Maləki 6:14-29)*

<sup>7</sup> Wulav Heləti nu pə təna mpi pə təŋa lapu ke mpv tə, ɻena pə liyiti-i səsəm, i ta nyi isəna í la tə. Pə təya pəlv, lelaa ná təŋaya kē sí Yohaani wei paa kuwa tə inu i femna.

<sup>8</sup> Lelaa sí Ilii luna.  
Haləna lelaa sí Isə kuyəyətutu teləsəlaa kvpəma taa nəyəlu luna.

<sup>9</sup> ɻena Heləti sí: Ma yelaa na pá seti Yohaani nyuŋu ɻe, aweyele pəntu wei inu i təm ma nu pa yəyətəyí isəntə tə?

Haləna í pəekəyí sí í na-i.

*Yəlaa iyisi kakpası (5000) caləsvy  
(Matiyee 14:13-21; Maləki 6:30-44; Yohaani 6:1-14)*

<sup>10</sup> Yesu Tillaa kəma pá məli Yesu kiŋ, ɻena pá kəesi-i pə təna mpi pa lapa tə. Mpúyú i kpaya-wə na í ponə-weyə kpeenja ke icate nte pa yaa sí Petesaita tə tə kiŋ. <sup>11</sup> Paa na mpv tə, samaa nuwa na pá hu i waalı, na i lanjle huluməna pa kənte. Na í heelə-weyə Isə Kawulaya təm, na í waasi pa təna mpa pa feina alaafəya tə.

<sup>12</sup> Pə kəma na ilim caa tem, ɻe i falaa naanuwa na naale kəma i kiŋ nté, na pá təmi-i sí: Təyəni samaa inu na í polo acaləs taa na pə cələ cacakəy tee na

pá hiki təsvulenaa na təyənəsi. Pə taya puv, cəne ké nyutu taa ké.

**13** Mprúgyú Yesu cəwa sı: Mu hana samaa inəyi təyənaya ke mə mayamaya.

Tənayale pa cə-i sı: Ntən̄ potopotonaa kakpası na tiina naaleye tə wəna yaa? Yaa n caa sı tāá yana təyənaya na tə cəla samaa tuutuumma inə i təna?

**14** Apalaa ka wə ısu yolvpee iyisi kakpası (5000) ke mpv. Mprúgyú Yesu heela i ifalaa sı: I cayası-weyə tintika tintika ısu yolvpee nüle na naanuwa naanuwa.

**15** Iləna Yesu ifalaa nu ntı na pá cayası pa təna təmam. **16** Tənaya Yesu kpaya potopotonaa kakpası na tiina naale inı, na íteki ıse na ísee Isə ké i na təmle. Iləna í faya-wə na í cəla i ifalaa sı pá tala samaa inı. **17** Mprúgyú pa təna pa təyaa na pá haya. Haləna pá təosı həyəlası kükpisası ke təkəj naanuwa na naale.

*Piyee hvlyv sı Yesu ké Mesii  
(Matiyee 16:13-19; Maləki 8:27-29)*

**18** Kuyakv nakvı Yesu sələmaya Isə ké i tike ke kpeeria. Iləna i ifalaa polo i kinj. Mprúgyú i pəəsa-wə sı: Yələaa tən̄ sı ma ké awe?

**19** Mprúgyú Yesu ifalaa cəwa sı: Pa tən̄ sı Isə luv səlv Yohaani, na ləlaa sı Illi, na ləlaa sı Isə kuyəyətənə teləsələaa kypəma taa nəyəlv luna. **20** Tənaya Yesu pəəsa i ifalaa sı: Na mə se, mə huvvı sı ma ké awe?

Mprúgyó Piyee nəyə təkpav sı: N ké Isə Mesii.

*Yesu səm na ifem pə təm  
(Matiyee 16:20-28; Maləki 8:30-9:1)*

**21** Tənaya Yesu kpala-weyə teu sı pá taa heeli-təyı nəyəlv. **22** Mprúgyú i heela-wə tətə sı: Yolv Pəyaya má

maa təyə kuyənəj ke səsəm. Nyugn nyéma na kətəlaa səsaa na Isə Təm seyəsələaa ká lə-m, halı pá ku-m. Ama maa fe kuyeeñ tooso wule.

**23** Mprýgú Yesu tasa pa tənaya heelugu sì: Wei i caa sì í təyə-m püntu í la i təyə awusa, na í səyələyì i səm tesika ke paa ifemle nte, na í təyəgəna-m. **24** Pə taya pulv, ye wei i pəækəyì i weesuğu təcututu, i təyəna səpu. Ama wei í lapa i təyə awusa ke ma təo, püntu ká hikina weesuğu. **25** Ye yulv pəsaa na í hiki antulinya nyəm təna, na i mayamaya í wakəlaa, yaa i lapa yem, leyelə püntu kasəyaya ilə? **26** Ye wei i səpa ma feele yaa ma kusəyəsətu feele, Yulu Pəyaya má maa sì püntu feele tətəyə Waatu wei maa kənna ma teeli na ma Caa nyəj na ma isətaa tillaa nañj nyéma nyəj tə. **27** Tampania ke ma heeliyi-mə, mpa pa we cəne tə pa taa napəli ká ná Isə Kawulaya na pəcő pá sì.

*Yesu isentaa layasvyn  
(Matiyee 17:1-8; Maləki 9:2-8)*

**28** I temə təm ntəyì yəçətuyu na kuyaku siki kék iləna í kraya Piyeε na Yohaanı na Saaki na pá kpa püyg təo kék Isə sələmuğ. **29** I təyəna sələmuğ, iləna i isentaa layasi, na i wontu hulvəni, haləna tə tee kəkə ke səsəm. **30** Tənaya pa tuta apalaa napələyì i kinj ke naale na pá na-i pá yəçətəyì. Apalaa mpe səsə Moisi na Ilili kəle. **31** Mpe pa kəmna na isətaa teu səsəom, na pá yəçətəyəna-i i kpente nte tə caa Yosalem ke lapu isii Isə ka suwa tə tə təm. **32** Mpü tə na Piyeε na i taapalaa pa təyə tom ke pə feina. Paa na mpü pa fema, na pá ná Yesu teu səsəom na apalaa mpa pa naale pa səyəna i kinj tə. **33** Pə kəmna isii apalaa mpe pa yeki Yesu, iləna Piyeε tə sì: Tacaa, isii tə wev cəne inii isəntə tə, pə we teu napələyì te. Ilə pə muña isii tə

siki coka toosoyo. Nyaya lente, Moisi ke lente, na Ilili ke lente. Nti inu i yegətuyu mpv tə tə lu yem kē, i ta na-ti.

**34** I təja mprýgyu yegətaya, ilesna isə һmuntuyu nakuli kv kəc na kv takı pa təo. Kv təja pa təo kē tiiu, ilesna səgəntu kpa Piyee-weyge səsəm. **35** Mprýgyu pa nu pə yegəta isə һmuntuyu təe si: Inəyəle ma Pəyaya küləsaya, i nuna-ke.

**36** Pə yegətuyu mpv na pə te tə, Yesu tike nté pa naaki. Mprýgyu i ifalaa təka pə təna mpi pa nu mpv təyə pa taa, pa ta yele na nəyəlu nui-ti.

*Pu nəyəlu i aləyaa loou*

(Matiyee 17:14-18; Maləki 9:14-27)

**37** Pə kəma pə fe na pá tiikina puyu təo, ilesna samaa anaam nəyəlu i katı Yesu. **38** Mprýgyu yvlv nəyəlu i yegətəna nəyə səsaya ke samaa inu i taa si: Tacaa, ma wiina-ŋ nyəni ma pəyalu yee. Ani i tike ke ma lulaa. **39** Ye iləyən kula i təo i makı kapusi kē, na pə peti-i atə na kuhulanj lükəna i nəyə. Ye pə lapa-i mpv, pə wəe kē na pə təyən-i wahala, pu cəki i təo kē ləŋ. **40** Ma wiina nyá ifalaa si pá loo-i, pa ta pəsi.

**41** Mprýgyu Yesu təma-wə si: Laŋkpusəŋ nyəma na kvtakəesəŋ me, wəe isənaya má na-me tu caya na má təki mə konyəŋ? Kəna nyá pəyalu inəygi cəne.

**42** Pəyaya krepətəna-i, ilesna iləyən selisi-kəyə teu, na i peti-kəyə atə. Ama Yesu ná kaləna iləyən na toŋ, na i la na pəyaya hiki alaafəya, na i cəla-kəyə ka caa. **43** Ilesna Isə toma səsəona ane a təm kpa pa tənaya səgəntu.

*Yesu səm na i fəm pə təm tətə*

(Matiyee 17:22-23; Maləki 9:30-32)

Pa tēna pa tēnna i kvlapvtu tēnaya sam, ilena Yesu heeli i ifalaa si: <sup>44</sup> Paa tu Ÿvlu Pəyaaya maya yəlaa niŋ taa, í nu mŕpýgú teu yoo.

<sup>45</sup> Ama Yesu ifalaa ná tá cékəna təm tēne iní. Tə huvvəe ka wə-wəye wəmesav ké, si pá taa cékəna tə tapuyu. Paa na mpv pa nyámna tə pəesuŋu.

*Səsəəntv təo həm  
(Matiyee 18:1-5; Maləki 9:33-37)*

<sup>46</sup> Mŕpýgú Yesu ifalaa həma səsəəntu təo si pa naa si pa taa aweyele səsə. <sup>47</sup> Yesu ná cékəna pa lotu taa huvvəe, ilena í kpaya peiya na í səyəsi-kəyə i cələ, <sup>48</sup> na i tə si: Ye wei i mu peiya kaneyə ma nyuŋu təo, maya pəntu muwa. Na wei í tu mu-m, i mu wei i tila-m təyə. Pə taya pəlv, wei í pəsa isu mə taa səkpelu, pəntu nté səsə.

*Wei í fəi ta təo i ké ta kolontu  
(Maləki 9:38-40)*

<sup>49</sup> Tənayale Yohaanı nəyə təkpav si: Tacaa tə na nəyəlv na í looki aləyaa na nyá həte, pəcó u təyəyə-tv. Ilena taa kisina-i.

<sup>50</sup> Mŕpýgú Yesu cəwa si: I taa taŋi-i si í taa la. Pə taya pəlv, yəlv í ta ke mə kolontu, mə nyəŋ ké te.

*Samalii ictətə natəli tə kisa Yesu*

<sup>51</sup> Pə kəma pə kpeyətəna Yesu kvluyu ke antulinyə taa, ilena í su si i ká polo Yosalem. <sup>52</sup> Mŕpýgú i kvsə yəlaa na í teləsi nəyə si pá polo Samalii ictaliya kali ka taa, na pá caa-i təsvule. <sup>53</sup> Ama pəle pa kisa-i muŋv, si i pukina Yosalem təo tə pə təo. <sup>54</sup> I ifalaa Saakı na Yohaanı pa ná mpv, ilena pá tə si: Tacaa, yaa tə yele na isətaa kəkə tii na ká nyaya-wə?

<sup>55</sup> Ama Yesu pəsa pa təo na í kaləna-wə. <sup>56</sup> Ilena pá təe ictətə lənte taa.

*Yesu təŋyv nyullaa  
(Matiyee 8:19-22)*

**57** Yesu na i ifalaa pa wé mpaav taa na pá təŋa pote tə nəyələn təma Yesu sì: Maa təŋəyɪ-ŋ nyá təpote təna taa.

**58** Mpuyvle Yesu cə-i sì: Taale hasi wəna sì lona na sumasi ná wena sì tana. Ama Yulu Pəyaya má, ma feina nyuyv tətvle mayamaya.

**59** Iləna Yesu tə lelv sì: Nyaa kəo na ní təŋi-m.

Mpuyv apalv inı í tə sì: Tacaa, yele má polo má pi ma caa na pécó.

**60** Tənayale Yesu təma-i sì: Yele na sətaa pi pa sətaa. Ama nyaa polo na ní kpaalı Iso Kawulaya təm.

**61** Iləna lelv náá tə sì: Tacaa maa təŋi-ŋ, ilə yele na má polo má la ma nyéma ke pə lapa wulee na pácó.

**62** Ama Yesu cə ilé sì: Ye yulu kpayya akuyu sì haləyi na í nyənəyəna kpa taa, puntu ta muña Iso Kawulaya.

## 10

*Tillaa nutoso na naanvwa na naale tiluyu*

**1** Pəle pə waalı Tacaa tasa apalaa nutoso na naanvwa na naaleye ləsuyv, na í tili-weyye naale naaleye acalée na timpiwe i wee sì i puki tə. **2** Na í heeli-wé sì: Kuvmtu təowaya, ama kuvntaa feina. I sələmi hatvce na í səəsi kuvntaa kənav ke ləŋ ke i kuvmtu taa. **3** Təv, í polo, ısu ma tiluyu-me isəntə tə, í pəsaā kē ısu heen ke taale hasi həkv. **4** I taa kpayya lijitee yaa huluuyu, í taa kpi ntəŋkpala, pécó í taa paasəna yəlaa səeu ke mpaav taa. **5** Ye í svu təyaya ḥka ka taa í kooliyi sì: Alaafəya í təo təyaya kanə ka təo, na pécó. **6** Ilə ye pə kē sì təyaya tv səəla alaafəya, mə koolee anı a ka təŋi-i. Təfə ye pə taya mpv, kvlumaa me mə təo kē mə

koolee anı a tayanəyi məlvyg. <sup>7</sup> I caya təyaya ɳka ka taa na pá cela-meyə mpi, i təyo na í nyəo. Pə taya pəlv, təmle tu mvna pá felı-i ké. I taa layasəyi təesı ke yem yem. <sup>8</sup> Paa icatę nte tə taa ké i svvwa na pá mv-me na pá cela-meyə pəlv, i təyo. <sup>9</sup> I waasi pa kvtəntvnaa, na í heeli-wə si: Iso Kawulaya svv mə tee ké. <sup>10</sup> Ye í svv icatę nte tə taa na tə yələa í ta mv-me, i lu na í tə si: <sup>11</sup> Tə kpiisiyi mə təo ké mə mayamaya mə icatę mvsvyg ɳku kv taana ta nəəhee tə. Ilə paa na mpv, i nyı teu ké si Iso Kawulaya svv mə tee mə tee na ká lu. <sup>12</sup> Ma heeligi-me si Sətəm ká la sana na icatę ntəyə tənaya hvvle wule ke suulu hvlvyu təm taa.

*Acalee lenna kisuyu ke Yesu  
(Matiyee 11:20-24)*

<sup>13</sup> Hai, Colaseŋ nyéma me, mə təm we waiyo. Hai, Peṭesaita nyéma me, mə təm we waiyo ké. Piti təma nna pa lapa-yeyə mə hekv taa tə, ye isu isəntə Tiii na Sitəŋ ke paa lapa-yeyə, paa tema pa isayatu ləv ke ləŋ, halı pá suu fələtənnaa na pá caya hula taa. <sup>14</sup> Pə təo ké paa hvlı suulu ke Tiii na Sitəŋ pə nyéma ke hvvle kuyakv wule na pə kəl-i-me. <sup>15</sup> Pə kaasvug Kapənahum nyá tə, n hvv si n ká pu na n̄ kaləsəna hatoo isətənvyg na? Ama paa tisi-ŋ ké təfe ke tuu tənaasəle səsəcole taa.

<sup>16</sup> Mpýyg i tasa i ifalaa ke heeluyu si: Yvlv i nukəna-me, maya pəntu nukəna. Wei i kisa-me, ma inu tətəyo pəntu kisaa. Na wei i kisa-m, i kisa wei i tila-m təyo.

*Tillaa nutoso na naanvwa na naale inu i məlvyg*

<sup>17</sup> Mpýyg pa nutoso na naanvwa na naale məla i kinj na lanjhulvmlə səsəcole, na pá təŋ si: Tacaa nyá təo aløyaa mayamaya nūna-tv.

**18** Tənaya Yesu təma-wə sī: Ma nawa Satanı na í hotiχina isətaa isu tev nyəyəsuyu tə. **19** Ilə ma ha-meyə toma sī í tə təmaa tə, na pəcesi tə, na kolontu toma təna tə, pəlv kaa la-mə. **20** Ilə paa na mpu mə laŋa í taa hvləmī sī aləyaa se-mə. Ama a hvləmī kē sī pa ŋmaa mə həla ke isətaa tə pə tə.

*Yesu laŋhvlvmlə  
(Matiyee 11:25-27; 13:16-17)*

**21** Tənaya Feesuyu Naŋŋtu lapa na Yesu laŋle hvləmī səsəm. Iləna í tə sī: Ma Caa, isətaa na atə pə tu, ma səe-ŋ. N ŋmesa təm təneγe ləmayasəe nyəma na nyəntaa, iləna n̄ kuli-təγi piya. Ma Caa, pəpətū fei, ma səe-ŋ, nyá iní nyá luŋu tu lapəna mpu.

**22** Ama ma Caa cəla-m pə tənaya. Ye pə taya ma Caa tike, nəyələ ta nyi sī aweyelə Pəyalu. Na ye pə taya Pəyalu tike, nəyələ ta nyi sī aweyelə Cəcə. Aŋha, ye Pəyalu nəkənaa sī i hvləyi wei pə paasi.

**23** Mərýýú i pəsəna i ifalaa tike tə na í tə-wə sī: Mpi mpi mə isəpee naakı isəntə tə, lelen ke í nuwa. **24** Ma heeliyi-mə sī, Isə kuyəyətətə teləsələa payale na awulaa səsaa payale nyulaa sī pá ná mpi mə naakı isəntə tə, na pá laŋ. Pəyele pa nyulaa tətə sī pá nu nti mə nukı tə, na pá kpisi.

*Samalii tv yəlle*

**25** Mərýýó Isə Təm səyəsələn nəyələ i kulaa sī i mayasəyi Yesu. Iləna í tə sī: Tacaa, ntixi má la na má hiki weesuyu ŋku ku teŋ tə?

**26** Yesu cə-i sī: Susuwəye pa ŋmaa Isə Təm taa? Na n kaləyi tə, huvəe nnaya n nukı pə taa?

**27** Iléna í cə-i si: Ma nukí si n ká səəlì Tacaa nyá Isə na luğu kolvımvıgın na nyá ləsaya svv-i təmamam ke paa mpi pə taa, na n səəlì nyá təyəntəle isü nyá ti.

**28** Mprýgy Yesu təma-i si: Ama n cə teu. Añha, laki mpv, n ka hiki weesuğu.

**29** Inı i caakaya si paa na mpv i təm i te, mprýgyle i tasa Yesu kέ pəəsuvı si: Na aweyele isü ma təyəntəle inı ilę?

**30** Mprýgy Yesu cə-i si: Təv, yulv nəyəlv i lunna Yosalem na í pukina Yeliko, na í lu ñmulaa təo na pá kpa-i na pá wəçəsi i wontu na pá mapi-i isü isəna mpi pə wee tə. Iléna pá tee pa yele-i na í kaasa weesuğu kolvımvıgın. **31** Pə pamna kətvlv nəyəlv ná təyaya mpaav ñku. Ilé i na-i, iléna i cələ na í tee.

**32** Mprýgy Lefii tv nəyəlv ná talaa na í mayana-i mpv. Iléna ilé i cələ tətə na í tee. **33** Ama Samalii tv təntv nəyəlv ná tala təna na í na apalv inı, iléna i təm ləpı-i pətəcətəle ke səsəm. **34** Mprýgy i həla i kinj, na í taa nim na kəəle ke i hiŋ taa. Iléna í kpeeli-i saalasi, na í cayası-i i kraŋaya təo, na í pona-i mvvlaa təsvıle na í paasəna-i teu. **35** Ku fema iléna í ləsi liyitee nyəyətəv naale na í cəla mvvlaa təsvıle tv, na í heeli-i si: Paasəna-i teu, na n̄ tu təya i nyuğu təo na pə tee mpv, ma kəma, maa fel-i-ŋ yoo.

**36** Təv, pa tooso inı pa taa, aweye n hvv si ñmulaa mapa wei inı tə i təyəntəle ilę?

**37** Iléna Isə Təm seyəsolvı inı i cə-i si: Wei inı i ləpa-i kypantv tə.

Mprýgy Yesu si: Təv, polo na nyá mayamaya n̄ laki mpv.

*Yesu pote ke Maləta na Mali pa te*

**38** Yesu na i ifalaa pa təŋna pote, ɻena pá tala ɻate natəl̄i na alv nəyəlv í ləpi-í muvulle. Pa yaa alv iní s̄i Maləta. **39** I wena neu, pa yaa-í s̄i Mal̄i. Ilé i ka caya Tacaa nəəhee təe k̄e na í nuk̄i i segesuyu. **40** Taya təo təma kpəpa Maləta, ɻena pə pəkəl̄i-í taa. Mpúyú i kəma Tacaa kiŋ na í tə s̄i: Isu ma neu yeluŋu-m ma tike na má cəɔkəna taya ke isəntə iní tə pə wə-ŋ teu nté ma c̄e? Pəle pə təo tə, heeli-í s̄i í səna-m.

**41** Mpúyule Tacaa ná cɔ-í s̄i: Hai, Maləta, n kuyu nyá təȳi yem k̄e na n̄ kpetiliyina təma payale. **42** Pəyele mpi pə waasəyi tə pə k̄e kvl̄məm tike k̄e. Mal̄i ləsəna təpante, í na nəyəlv pa kaa h̄o.

## 11

### *Sələmuyu hvl̄yu (Matiyee 6:9-13; 7:7-11)*

**1** Mpúyú kuyaku nakul̄ Yesu caya tiili na í sələməȳi Isə. I kəma na í te, ɻena i ifalv nəyəlv i təmi-í s̄i: Tacaa, hvl̄-tuŋu Isə sələmuyu isu Yohaani ná hólúyú i ifalaa tə.

**2** Mpúyule Yesu heela-wə s̄i: Ye i caa sələmuyu í sələm̄i s̄i:  
Tacaa, nyá həte í wəe kate.

Təȳo nyá kawulaya.

**3** Haaki-tuŋu paa ifemle nteye təȳonaya.

**4** Hóléȳ-tuŋu suulu ke timpi tə pəntəyəna-ŋ tə,  
isu tā tətə tā hvl̄uyu suulu ke mpa pa pəntəyəna ta tə.

Taa yele na tā suu mayasuyu isayau taa.

**5** Mpúyú Yesu tasa-wəȳe heeluyu tətə s̄i: Ye isu mə taa nəyəlv wena taapalu nté, na puŋtu polo ahoō heka na í mayana-í s̄i: Hai, ma taapalu, kənti-m potopotonaa tooso. **6** Ma taapalu nəyəlv i luunna nteye

mpaa na í tala-m nəənəo, pécó ma feina mpi maa célé-i tə. <sup>7</sup> Ilēna i təyəntəle náá cə-i hatoo pə taa si: Taa caali-m mpv. Má na ma piya tə təma svvu na té təki na té kaləsi. Maa pəsəyí má tasa kvlvgyu ke nyá təyənaya celvgyu təo. <sup>8</sup> Ma heeliyi-mé si, paa i kəma í kvlı na í céle-i i kvlənjəm təna, pə taya taapalle təo ké i lapa mpv, ama caalvgyu ke i kisaa. <sup>9</sup> Ilé ma heeliyi-meyə si í sələməyí, paa ha-meyə, í pəekəyí, í hikiyi ké, í maki, pa tvləyí-meyə. <sup>10</sup> Sələməlv ke pa haakı, na pəekəlv hikiyina, na matv ke pa tvləyí. <sup>11</sup> Wulee mə taa awe pəyaya sələma-i potopoto na pəntv céle-keyə pəle ye? Yaa ye ka sələma-i tintə pəntv céle-keyə tvm. <sup>12</sup> Yaa mə taa awe pəyaya sələməna-i yate, na pəntv céle-keyə pəcəka? <sup>13</sup> Ye asayaa mə mu pəsa mə piya ke kvpantv lapy, Tacaa wei i we isətaa tə i kaa cəla i Feesuğu Nañjtu ke mpə pa sələməyí-i tə?

*Yesu cəəki i təm tylaa  
(Matiyee 12:22-30; Maləki 3:22-27)*

<sup>14</sup> Yesu loo iləyəhilu kaayəyətaya, ilēna iləyəv se. I se mŕpýú ilēna kamumuka svv yəyətuyu na pə la samaa ke pití ké səsəm. <sup>15</sup> Mpuyvle pa taa ləlaa pəsənaa si: Pesepule tonj ke inı i təyənəyəna aləyaa ləmpa.

<sup>16</sup> Ilēna Yesu təm tylaa taa ləlaa náá təmi-i si: La pití təmle na pə hólí si Isə tonj ke n lakəna. Pa yəyəta mŕpýú si pa naa i waali. <sup>17</sup> Yesu ná cəkəna pa taa huwəe, ilēna i tə-wə si: Ye kawulaya wəe na ká fei nəçə kvlvmayə, nəənəo ka yawaya. Təyaya í we mpv, kəle ka yəkəyí ké. <sup>18</sup> Ye Satanı kawulaya nyéma yooki pa taa pa tike, i kawulaya nyuygu nté ka isəna? Mpi tə, mə tən si Pesepule tonj ke ma lookina aləyaa. <sup>19</sup> Ye Pesepule tonj ke ma lookina aləyaa isii mə huukuyu

tə, ilə awe toŋ kə mə pəyalaa ná lookina pa nyéma? Tənaya pa mayamaya paa kuna mə təm. <sup>20</sup> Ama ye Isə toŋ taa kέ ma lookina aləyaa, ilə Isə Kawulaya we mə təe mə təe kəle.

<sup>21</sup> Yvlu toŋ tu í taŋa i təyaya kə teu na yoou wontu, pvlvpu u tokiyina i wənaŋ. <sup>22</sup> Ama wei i kəla-i toŋ tə í kəma na í kvlı i təo na í pəsi-i, ilə i leekəy i yoou wontu nti inu i taakayə təyə, na í məŋna i wənaŋ məri, na í talə ləlāa.

<sup>23</sup> Wei i fəi ma təo, pvn̄tu kέ ma kolontu kέ. Wei u səŋna-m təosuyuŋ tə, i yaasəy i kέ.

*Iləyən wei pa loowa tə i məlvəŋ  
(Matiyee 12:43-45)*

<sup>24</sup> Mprýgý Yesu təma si: Ye pa loowa iləyən, wvlaya taa kέ i cɔɔkı si í həesı. Ilanjəy i, iləna í təyani i taa si: Maa məli təyaya ɻka ka taa maa luwa təyə. <sup>25</sup> I takı kəle ka taa, ilə i ká mayana pa hasa-kə na pá təyani pə tənaya teu. <sup>26</sup> Pəle tə, i puki kέ na í caa aləyaa ləlāa mpa pa kəla inəy i səyatu təyə naatosompəyəlaya, na pá kəo na pá caya təyaya ɻke ka taa. Iləna ləŋ nyəntu náá məli na té la sana na nəənəo nyəntu.

*Kvpantv mayamaya siyisiyi*

<sup>27</sup> Yesu təŋna mprýgý yəyətuyuŋ, iləna alv nəyəlv i yəyətəna nəyə səsaya ke samaa taa si: Pvwe nyá too wei i ləla-ŋ na n̄ məsi-i tə, i nyulelenj we səyəntu.

<sup>28</sup> Mprýgý Yesu cə alv inu si: Mpa pa nu Isə Təm na pá təki-ti, pvn̄tunaa nté nyulelenj nyéma te.

*Piti təmle nyulvəŋ  
(Matiyee 12:38-42)*

<sup>29</sup> Samaa təŋna-i nyəkuŋ ke səsəm, iləna í svv i faaci taa si: Kvfaləŋ yəlāa panə asayaa kέ. Pití təmle

nte tə hóléyí sì Isə lakəna təyə mpe pa caaki. Ilə pa kaa na natəlī, ye pə taya Yonaası nyəntε. <sup>30</sup> Isəna mpi pə lapa Yonaası kiŋ tə pə hula Ninifi nyéma kέ sì Isə lakəna. Na mpv iñi tətəyə Yulv Pəyaya má ma nyəntu ká hólí kfalaŋ yəlaa tətə sì Isə lakəna. <sup>31</sup> Ye pə tala hvule wule, ilim mpətəŋ təo wulav alv nyəŋ ká ku kfalaŋ yəlaa pane pa təm ke mpi pə təo ilé i ka lu hatoo tətə pooluŋ taa na í kəo, sì i nukı isəna Saluməŋ yəyətəna ləmayasε tə. Pécá pvlvpv we cəne na pə təe Saluməŋ təcayacaya. <sup>32</sup> Ye pə tala hvule wule Ninifi nyéma ká ku kfalaŋ yəlaa pane pa təm. Pə taya pvlv, kuyaŋku pεle pa nu Yonaası Waasu tə, pa yela pa isayatv ke kpakpaa kέ. Pécá pvlvpv we cəne na pə təe Yonaası iñi.

*Mpi tənuyŋ naana tə  
(Matiyee 5:15; 6:22-23)*

<sup>33</sup> Nəyəlv u mvsəyí fətəla na í ɻmesi-ı, yaa í pəmí-i nyənaya təe. Ama i sii-ı timpi taa í wəe pü naa yəlaa təna təyə. Iləna mpa pa kəŋ tə, fətəla kəkə na-wε. <sup>34</sup> Mprýgú pə wəe na nyá isə. Ani a kəna nyá tənuyŋ pəlimile fətəla. Ye nyá isə í naakı teu, pə waasəyí nyá tənuyŋ tənaya. Ama ye nyá isə í yulvmaa, nyá tənuyŋ təna pəlimile we səkpətuyŋ təe kέ. <sup>35</sup> La laakali, pə taa kəo na isəna n naakı tə pə məli səkpətuyŋ. <sup>36</sup> Pə wə mpv tə, ye n naa təceicεi, na pə fei-ŋ təyuyulee, n naa teu kέ, isii fətəla kəkə naakuyŋ yulv tə səkpətuyŋ fei.

*Falisanaa na Isə Təm səyəsəlaa tooluyu  
(Matiyee 23:1-36; Maləki 12:38-40)*

<sup>37</sup> Yesu təma yəyətuyŋ ke mpv, iləna Falisa nəyəlv í yaa-ı sì í svv i te na í nyəo lvm. Mprýgú Yesu svvwa Falisa te na í niki təyəv. <sup>38</sup> Falisa nawa i təki na í

nyoekəna asilima, ilena pə lapi-i ha. <sup>39</sup> Tənaya Tacaa təma-i si: Anı Falisanaa mə nyəntu nté mpv. Iyisi na nyənasi waalənaa ke í nyaaləyi təlailai. Ama pə kpayañ mə taanaa tə, ɿmuləm na ɻayatv pə həwəe mayaləna. <sup>40</sup> Ləmayasəe feinaa me, Isə wei i ɿma yulv təo tə, ilé i wəna i ti na wei i ɿma yulv lotu taa tə yee? <sup>41</sup> Pə kəla teu si i ha mpi i wəna mə iyisi na mə nyənasi taa təyə kuyəntvnaa, ilə pə təna pi wəemeyə teu.

<sup>42</sup> Pəpətv fei, Falisanaa me, mə təm we waiyo kέ. I kpəsəyı nyutu nti pa yaaki si mantı na luu tə na tuusi hatu təna na i hiliyi na i ləsəyi Isə kέ pə həyələŋ naanuwa taa kvlv. Pəyele mə paa feina tampana təyvən na Isə səəlvən təm. Ama tampana təyvən na Isə səəlvən təm ke pi muna i seesəna isəle, ilə i taa səə həyələŋ naanuwa taa kvlv inı i təo.

<sup>43</sup> Falisanaa me, mə təm we waiyo kέ. Yuta nyəma təkotilena taa, teeli teeli təcayañena ke i pəekəyi. Na i səəla pa seeki-meyə samea taa kέ na pá luŋiyi. <sup>44</sup> Falisanaa me, mə təm we waiyo kέ. I we kέ isə pəlaanj wei i salətaa na pá təŋ i təo kέ yem, na pá ta nyi si pəlaanj tə.

<sup>45</sup> Tənaya Isə Təm seyəsəlu səsə nəyəlu i pəsəna-i si: Tacaa, n yəyətuv mpv tə n kpəntəna tā təyə na n̄ tvu.

<sup>46</sup> Mprýý Yesu cəwa si: Isə Təm seyəsəlaa səsaa me, mə təm ná we waiyo tətəyə. I səkəyi yəlaa ke səyəla yuŋ nyəna. Pəyele mu tu taa-wəye taav mayamaya.

<sup>47</sup> Waiyo na mə təm kέ, mə caanaa ná kwna Isə kuyəyətvtu teləsəlaa, na mu hələyi pa pəlaanj na i tayənəyi tətetete. <sup>48</sup> Isə i lakuŋ mpv tə, pə húləyí kέ si mə laŋa heenə mə caanaa lapa mpi tə. Pele pa kwna Isə kuyəyətvtu teləsəlaa, na mə hələyəna pa pəlaanj.

**49** Pə mayamaya pə təo ké Isə ləmayasəe ka hula mpv s̄i: Isə má, maa tili Isə kuyəyətvtu teləsələa na tillaa kē pa kiŋ. Ama paa ku ləlaa, na paa tu ləlaa kē kuyneyən kē kuyvgyu. **50** Tuu pə ηmau antulinya na Isə kuyəyətvtu teləsələa mpa pá ku tə, kayaña nyáma nyəən taa kē pa səm təm ká tēna. **51** Kraya Apeseli kuyg, haləna Sakali wei pa ku kətaya təlate na Isə təseelə səsəole pə hekv taa tə pa səm, ma heeliyi-mə təfoo kē s̄i, isu pə tema pa nyəən taa.

**52** Isə Təm seyəsələa səsaa mə, mə təm we waiyo kē. I təka saafu wei pa tvləyəna Isə Təm nyəm təo tə, na mə luyu fei svv. Pəyele u tisiyi s̄i mpa pele pa caa tə pá svv.

**53** Yesu kula təna, ilena Isə Təm seyəsələa na Falisanaa pá səj i təo kē nəahes naale na pááná, na pá makı i nəyə təo na kuyvəsntu ke yem yem. **54** Na pá kuuki i nəyə s̄i í cotaan ilə pa kpa-i na təna.

## 12

### *Laakali na cəsvyv təm (Matiyee 10:26-27)*

**1** Mprýgú samaa kota səsəm ke waatu iní, haləna pá tusiyi təma. Tənaya Yesu caaləna i ifalaa ke kpaalvgyu s̄i: I la laakali na Falisanaa kuvvəsum, pa mənaafikitv ke ma yaa mpv. **2** Pə təna mpi pə ηmelaa tə, isu pə tema na pə kuli pə təo. Na pə təna mpi pə lapə mukaya tee tə, isu pa tema na pá nyi-wi. **3** Pə təo kē paa í ka ηmesi təm na í yəyəti-təyı ahoo, isu tə yawa ilim taa. Na paa naŋ taa kē í wələta ηkraŋvgyu taa, isu pa kpaala-ti na nəyə səsəya.

### *Yvlv kuyyamnam (Matiyee 10:28-31)*

**4** Mpa me í kék ma taapalaatō, ma heeliyi-me si í taa nyana mpa pa pəsəyī na pá ləsi yvlu weesuyu tike, na pə waalı paa pəsəyī pvlv tō. **5** Maa hólí-meyę wei pə mwna si í se tō. Isə Isə, inu i pəsəyəna na í ku yvlu. Pəyele i pəsəyī na í tu-i tənaasəle taa. Tampana tōo isəntç, inəyī pə mwna í se.

**6** Pə taya santiinaa naale ke pa pəetəyī sumpiwipwanaa kakpası taa? Paa na mpv pa wew mpv tō, Isə tā səo pa taa kvlvm tōo. **7** Mpv inu tətəyō na mə nyvŋu taa nyəəsi, Isə nyəmá si təna si nyvŋu kék. Ye mpv í taa nəyəsi, í kəla sumpiwipwanaa təcayacaya.

*Yesu Kilisiti myvŋyaa i kisuyu  
(Matiyee 10:19-20; 10:32-33; 12:32)*

**8** Ma heeliyi-me si, ye yvlu ta ɻmesi si i kék Yvlu Pəyaya má ma nyəŋ, ma mayamaya maa tisi Isə isətaa tillaa isətaa si pəntv kék ma nyəŋ. **9** Ama wei í kpeesa yəlala isətaa si i ta nyi-m, ma mayamaya maa tō Isə isətaa tillaa isətaa si ma ta nyəmi-i tətə.

**10** Ye wei í yəyəta Yvlu Pəyaya má ma tōo kék isayatv, paa hólí pəntv ke suulu. Ama ye Feesuyu Naŋjntv ke i yəyəta isayatv, pa kaa hólí-i suulu.

**11** Ye pə kəma na pá yaa-meyę nənəəsi ke Yuta nyéma təkotilenaat, yaa awulaa kpaaməŋ taa, yaa tonjtunaa kiŋ, i taa nəyəsi nti i kák hvv na í luu na nti i kák yəyəti tō tə tōo. **12** Feesuyu Naŋjntv ka səyəsi-meyę kpakpaa ke nti i kák yəyəti tō.

*Toŋ tv kvmeleŋ təm*

**13** Mprýú nəyəlv lu samaa taa na í tō Yesu si: Tacaa, heeli ma taalv si má na-i tə tala tā caa yelina-tvŋv mpi tō.

**14** Tənaya Yesu pəsəna-i si: Apan nyá, awe kpa-m mə təm təyanlv na mə wontu tallv?

**15** Iléna Yesu heeli pa tēna si: I la laakali na wēnau luluğu. Pə taya pəlv təo, wēnau hikuyu u huləyi si yulv tula-ti se. Paa pəntu ká wēna isu cəne na le.

**16** Mŕýgý Yesu sse-węxę isə si: Apalv tonj tu nęyelv ka wēnna haləmnaa, na i ku kvtęyəv ke pə taa pə tui fei. **17** Iléna i caya na i mayası i taa si: Isənayale maa la ilę? Kpeeŋ u takı-m si má nyəkí ma təyənaya. **18** I taa i taa iléna i tə si: Ma nyəmá isəna maa la təyəle. Ma yəkəyi ma kpeeŋ təyęe na má suu səsəcəj. Iléna má suu kvtęyəv na ma kvpam ləmpənnaa tənaya i taa. **19** Ilę maa ma ma lanjle taa na má tə si, yulv wēna pusi payale taa kvtęyəv ilę pə kaasa we, ye pə taya caya na təyęe na nyəou na yəəluyu pə paasi? **20** Tənaya Isə təma-i si: Kumeləŋ nyá, n ká si ahoo ane a mayamaya. Iléna má ná wei i ká kraya pə tēna mpi n tayana nyá tı təo kék mpu tə.

**21** Iléna Yesu tasa si: Mŕýgý pə węe na mpa pa kaa wēnau ke pa mayamaya pa tike təo, na Isə isentaa pa ke kūnyəntvnaa tə.

*Naani tayıv ke Isə  
(Matiyee 6:25-34)*

**22** Pə waalı kék Yesu təma i ifala si: I tá ná mpi pə təo ma heela-mę si i taa nęyəsəyi mə təyənaya ḥka pə węe si i ká təyə na i hiki weesinj, na mə tənəj təo kvtakəm pə təm tə. **23** Pə taya pəlv təo, weesuyu kəla təyənaya, na yulv tənuyu kəla wontu kvsusuutu. **24** I nyənna katəkatəj na i na. I tuuki, u kvi. Pəyele i fei kvtęyəv təsile, i feina krou, Isə caləyəna-i. Na mə tá kəli suması ke təm napəle? **25** Paa mə taa yulv ká ku i təyı isəna, pəntu pəsəyı na i tuusi i təyı wüle kvlvmtəle mayamaya? **26** Ye u pəsəyı səkpetu səkpetu, pepe təo kék i kuyı mə tı na səsəontu nti tə kaasaa tə?

**27** I nyənna tawa nyutu tukuyu hetu nti tə na í na. Nyutu nti, tu laki təmle təli, tu luvki pəəŋ. Paa na mpu ma heeliyi-mə səwulau Saluməŋ na i toŋ təna i ta suu wontu na i tala paa tə taa kulumuyu ke kacəka. **28** Ye Isə laki kacəka ke tawa taa nyutu nti tə we saŋa na cele isəntə pa tika-ti tə, i kaa la-meyə kacəka na pə kəli mpu? I polo i təe, u teŋ Isə na mə taa təcayacaya tə se. **29** I taa pəkəli mə ti na i nəyəsəyi tam kē mə kütəyəm na mə kūnyənyəm pə tam. **30** Antulinya taa cəne ma ta nyi isənnaa pəekəyəna təleyə tam. Ama mə mə wəna Caa, na mə Caa inu i nyəmá məpi i nyiləyi tə. **31** I sə nyuyu na Isə Kawulaya pəekuyu, na Isə ká ha-mə tətəyə məpi pə kaasaa tə.

*Kpaŋtu ləmayasəe i we timpi tənaya i akaluyu wəe  
(Matiyee 6:19-21)*

**32** Ma kalakiya nyá, taa nyá, mə Caa səələna sə i haa-meyə i kawulaya. **33** I pəetí mə kūpamnaa na i məyəna pə liyitee na i ha kūnyəntuṇnaa. I pəekə fatakanaa mpa paa səkì tə, na i kaakì mə wənau ke isətaa timpi pəlv u leki tə. Nmūlv kaa tala tənaya ñmuluyu, pəc̄ puka kaa təyə. **34** Pə taya pəlv təo, kpaŋtu ləmayasəe i we timpi, tənaya i akaluyu wəe.

*Təmle lataa mpa pa feŋiyi tə*

**35** I tanti na i taŋaa, i ləlì mə həə taa, i mosi mə fətəlanaa. **36** I la isu təmle nyéma mpa pa taŋaa sə pa caa i luna akpəyale taa na i tə si: Ma talaa, pa twili- tə. **37** Cece inu i talaa na i mayana i təmle nyéma mpe na pa taŋaa, pa nyuyu lapa leleŋ kē. Ma heeliyi-meyə tampana sə i kootiyi i wontu kē na i həkəna i tı, na i húlì-wəyə təcayale sə pá caya na i tu-wəyə təyənaya. **38** Paa tapule yaa tefemle ke i kəma na i kəə na i

mayana-weyę́ mpu na pá taŋaa, pa lapa nyuleleŋ ké.  
**39** I nyi teu sí, ye nyem ka nyəŋaya kólo na təyaya caa  
 nyi ḥmulv kóntę waatv, i kaa yele-i na í svu təyaya taa  
 se. **40** Me tətə, pə təo ké mu tayani mə təyi mpu. Yvlv  
 Pəyaya ma, ma kəŋ kóntę ke waatv wei í kaa hvv təyə.

*Təmle tu isayav na kypaŋ pa təm  
 (Matiyee 24:45-51)*

**41** Tənaya Piyeε pəəsa Yesu sí: Tacaa, ta tike ke  
 n seekəna isə inı, yaa yəlaa tənaya n seekəna-i?  
**42** Mprývle Tacaa cəwa sí: Awelyel təmle tu kypaŋ na  
 layatv? Ye pə taya wei i caa ká yelina təyaya feŋyu,  
 sí nyəgəsí i kpa təmle nyáma lelaa, ilé inı i cəla-weyę́  
 təyənaya tə. **43** Ceece inı i koma na í məli na í mayana  
 təmle tu inı i isəle seena təmle nté tə lapv, i nyugv lapa  
 lelen ké. **44** Ma heeliyi-meyę́ tampana təo sí, təyaya  
 caa ká tu təmle tu inəyi i kypam təna təo feŋyu ké.  
**45** Ama ye pə cəpa təmle tu inı, na í tu i taa sí: Ma caa  
 kaa kəc lɔŋ se, iləna í svu təmle nyáma apalvnyəma  
 na alvnyəma ke mapv. Na í təki, na í nyəəki na pə  
 kypi-i. **46** Pu kəc na kypaku ḥku na isəna taa i taa tv i  
 taa sí təyaya tv ka tala tə, ilé i ka svu təkpvv. Na i ká la  
 təmle tu inəyi təkanjkaŋ, na í məŋna-i na í peti-i ma ta  
 nyi isənaa təo.

**47** Təmle tu wei i nyemá i caa luŋu təe nyem na í  
 tá tayani i ti, pəyele i ta la mpi i caa səolaa tə, paa  
 həli-i teu. **48** Ama təmle tu wei ilé i ta nyi i caa luŋu  
 təe nyem, na í laki mpi pə mwna pá mapi-i pə təo tə,  
 pəciuu tike ke paa ma ilé. Wei pa ha səsəm tə, səsəm  
 ke pa kəŋi-i pəəsuv. Na wei pa paasaa na pá kaa  
 səsəm tə, səsəm taa səsəm ke pa kəŋi-i pəəsuv.

*Yəlaa fayav ke Yesu təo  
 (Matiyee 10:34-36)*

**49** Kékó ke ma kóma tétu tao ké muusuyu, na pə cayaam isii iséntə tə kaa tema muugu ilə mhmm teu nté.  
**50** Pə wee si pá sə-m Isə lüm napəlī, ilə ye pa ta sə-m lüm mpi ma nəyəsəe kaa te. **51** Mə huu si heesuyu ke ma kəna antulinya taa? Aai, ma heeliyi-me si koloŋja ke ma kənaa. **52** Pə kraya pənente tə, yəlaa í we kakpası ke pa təyaya taa, paa faya. Tooso ká lu naale ineyə koloŋja, na naale náá lu tooso ké koloŋja.  
**53** Ceece ká kvlı i pəyalv təo, na pəyalv kvlı ceece təo. Toto ká kvlı i pəelə təo na pəelə náá kvlı toto təo. Paŋ alv nyəŋ ká kvlı poolu təo, na poolu ké paŋ təo.

*Waatvnaa cəkənav  
(Matiyee 16:2-3)*

**54** Mpýgyú Yesu təma samaa tətə si: Ye í ná teu piŋmaalaya na ilim tətvle, í təŋ krapkraa si saŋa iní teu wee. Iləna tampana tao kvlle ku nu. **55** Na í kóma na í ná ilim nyaki səsəm, í təŋ si tahanjle wusaa. Iləna tahanjle náá haŋ. **56** Mənaafikinaa me, í lapa isəna na í nyəŋ atə na isə pə kəkələnaa fayaſuyu, na u cəkəyəna nti təle tə laki iséntə tə tə huwee.

*Kolontu na kolontu pa ciikuyu  
(Matiyee 5:25-26)*

**57** Isənaya pə wee na mə mayamaya u tu mayasəyi si í nyi tampana na í təŋ-ye ye? **58** Ye n wakəla nəyəlv na í yaa-ŋ nənəyə, la kookali na nyá na-i í tayani mə təm ke mpaav taa na í ta tata huulv kinj. Pə taa kəo na huulv náá tu-ŋ toŋtunaa niŋ taa, na pəle pá təki-ŋ.  
**59** Ma heeliyi-ŋ tampana si ye n ta te pə təna mpi pa pəla-ŋ təyə feluyu n kaa lu təna.

## 13

*Ye í ta layası təntə í ká si*

**1** Mpúgyú yələaa napəlì pa kəma təne iñəyì kpakpaa na pá heeli Yesu sì: Kalilee nyéma napəlì pa lakaşa kətaya ke lsə, iləna Pilati yele na pá ku-wε. **2** Tənayale Yesu cə-wε sì: I huu sì Kalilee nyéma mpa pa ku mpv tə, pa təe Kalilee nyéma ləlaa tənaya kawalası təyə pa ku-wε? **3** Aai, ma heeliyi-mè sì, pə taya mpv se. Ama mu ta layası təntə, í ká sì mə tənaya isu pele pa səpv tə. **4** Na yələaa pəlefəi hiu wei Silowee kutuluğu kpəsaa na ku takı na ku naŋti tə, í huu sì Yosalem nyéma təna taa pele pa kələna isayatv na? **5** Aai, ma heeliyi-mè sì, pə taya mpv se. Ama mu ta layası, í ká sì mə tənaya isu pele pa səpv tə.

### *Fiki tvyv ñku ku lwləyi tə kv təm*

**6** Mpúgyú Yesu sse-wεyε isə sì: Apalu nəyəlv i ka səna i leseŋ tuŋ taale taa kέ fiki. Mpúgyú i pola pee kooluyu. Ama i ta mayana ku təo kέ paa pvlvpu cəcəka. **7** Tənaya i təma taale təkulu sì: Nyəni, pusi tooso kələ ma tv kəntə sì ma kooliyi pee. Ama maa makəna pvlv cəcəka ke ku təo. Seti-ku. Pepe təo kέ ku səŋ yem na ku lwləyi? **8** Iləna taale təkulu cə-i sì: Tacaa, tasa-kuvgu yeluyu ke pvn̄tə, na maa huli na má cəona ku kite na ma tv hute na má ná. **9** Ntanyi pə taləna pəntə ku lwləyi pee. Ku ta lwlə n seti-ku.

### *Alv icam waasvvg ke kvhəesvvg wule*

**10** Mpúgyú kuyaku kvhəesvvg nakvli ku wule Yesu seyəsaya Yuta nyéma təkotile natəlì tə taa. **11** Pə pamna alu kvtəntu nəyəlv i ka we təna. I hii iləyən na pə kəkəlì-i pusi pəlefəi hiu təcu, u pəsəyì na í siyisi i təyì paa pəcə mayamaya. **12** Yesu na-i, iləna í yaa-i na í təmi-i sì: Alv nyá, sanja waalı n hika alaafəya kέ.

**13** Iléna Yesu təni i təo ké i niŋ, na alv siyile siyisi təne inəyi kpakpaa, na í niki Isə ké sam. **14** Isu Yesu lapu na yulu hiki alaafəya ke kuyaku kuhesuyu wule ke mpv tə pə ta maya Yuta nyéma təkotile nyuyu tu nté. Tənaya i pəsəna samaa si: Kuyeej naatoso ke pa laki təmle. Ye í caa í hiki alaafəya, í kəesəna kuyeej iní i taa na í kəo. I taa kəj kuhesuyu wule si pá ha-meyə alaafəya.

**15** Tənaya Tacaa ná cə Yuta nyéma təkotile nyuyu tu iní si: Mənaafikinaa mə, ye pə tala kuyaku kuhesuyu wule mə taa awe yeki i naav yaa i kpaŋaya ke tólóyú si ká nyəɔ ləm ye? **16** Yaa í nyəmá si Apəlaham ləlvuŋ taa alv inəyə pa kaa waasi kuyaku kuhesuyu wule? Pécó Satanu təka-i na í cəɔsəy-i tə pusi pəlefəi hiu ntə.

**17** Yesu cə Yuta nyéma təkotile nyuyu tu inəyi mpv, iléna feele kpa mpa paa caa-i tə. Ama samaa wei pə kaasaa tə ilé i təna i laŋle ná həena təma kypampana nna Yesu lakaya tə.

*Səɔya pəle təm*  
*(Matiyee 13:31-32; Maləki 4:30-32)*

**18** Mpýyú Yesu tasa yəyətuyu si: Isu pepeyele Isə Kawulaya nəyəsənaa, na pepeye maa kəesəna-kə ilə yee? **19** Ka nəyəsəna ké isu yulu tuukuyu səɔya pile ke i taale taa na tə nyɔ, na tə piu tuŋ səsəw nə suması kəj na sí tuŋ tana ke ku pəlinjəsi təo təyə.

*Potopoto kvakusum təm*  
*(Matiyee 13:33)*

**20** Mpýyú Yesu tasaa si: Pepe cau ké maa kəesəna Isə Kawulaya ilə yee? **21** Ka nəyəsəna ké isu alv mayasuyu məlvuŋ ke cəmse təpam na í kpayə kvakusum ke pəcə na í tv, na í huyuti na pə təna pə kpa təfuu tə.

*Nənəyə kvkpulaya  
(Matiyee 7:13-14,21-23)*

**22** Yesu kulaa sì i puki Yosalem, ilena í seyəsəyəna mpaa ke acalee səsəona na səkpenna nna a taa i təjəyana tə na í puki. **23** Mprýgú nəyəlu pəəsa-i sì: Tacaa, ntəy yələa pəciimaya tike nyəcəñ ke pi ya na?

Ilena Yesu cə-wə sì: **24** Ilə kookali na í svuña nənəyə ñka ka wə təfəkku tə. Təm faawu təo, yələa payale ká luna teu sì pá təjəna təna na pá svu. Ama pa kaa hiki mpaa.

**25** Mprýgú Yesu təma sì: Pi kəo na təyaya caa təki na í kaləsi, na mu wəna awali təo, ilə í svu mapu nté nənəyə sì: Tacaa, tvli-tv. Ilé i ká cə-me sì: Ma ta nyi timpi í lunaa tə. **26** Pəleyelə í ka svu yəyətuyu sì: Tá na-ñ tə təkayana na tə nyəəki. Ta icate hapee təo kē n tu seyəsəyi. **27** Ilé i ká leli-meyə yəyətuyu sì: Ma ta nyi timpi í lunaa tə yoo. Mə təna í təe í fee-m, isayalataa me. **28** I ká kəo na í na Apəlaham na Isaaka na Saakı na Isə kuyəyətutu tələsəlaa tənaya Isə Kawulaya taa, na pá fiyita-me na awali təyəle isu í ká tu cası kapusi na í nyasəyi mə təyı kela te. **29** Yələa ká luna ilim təlülə təo, na pə tətvlə təo, na lelaa luna pə ntəyəñ na pə mpətəy təo na pá suli Isə Kawulaya taa kē təyən. **30** Waatu inı mpə pa wə lələ kē kayaña tə pa taa ləmpə ká məli waali, na waali nyəma náá məli lələ.

*Yesu lanjwakəlle ke Yosalem təo  
(Matiyee 23:37-39)*

**31** Waatu inı i mayamaya ke Falisanaa napəli pa kəma Yesu kiñ na pá heeli-i sì: Wulav səsə Heləti pəekəyı-ñ kuyu. Pəle pə təo lu cəne na n̄ layası icate.

**32** Mprýgú Yesu cə-wə sì: I polo í heeli mə taale haya ñke sì, saňa na cele pə taa ma təyənəyi aləyaa, na

má waasəyi kvtəntvnaa, na pə kufemuyu ke maa te ma təmle. <sup>33</sup> Ama pə wee kē sī má tə ma mpaav ke sanja na cele na pə kufemuyu. Pə taya pvlv, paa kuyi Isə kuyəyətvtv teləsolv ke tiiliyi yem na pə ta kena Yosalem taa.

<sup>34</sup> Hei Yosalem, Yosalem, nyá taa kē pa kuyi Isə kuyəyətvtv teləsəlaa, na nyá taa tətəyə pa yooki Isə tillaa ke pee na pá kuyi. Təm payale ke ma səəlaa sī ma kpeyeliyi nyá taa yəlaa təna təkotokoto ısu kantuuyu papuyu ku piya təə tə. Ama pa kisaa. <sup>35</sup> Təv, mə təyaya ka təki kaav təkpataa, nəyəlv kaa paasəna-ke. Ma heeliyi-mə təfoo sī, i kaa tasa-m keesuyu, haləna pə tala wule nte i ka yəyəti sī, Isə i səna Tacaa tillu tə.

## 14

### *Kvtəntv nəyəlv i waasvuy*

<sup>1</sup> Mprýyú kuyaku kuhəesuyu nakvli Yesu svv Falisanaa səsə nəyəlv i təyə təyəv. Mpa paa we təna tə pa cayaa na pá kejna-i teu. <sup>2</sup> Yvlv nəyəlv i ka sənja i isentaa, na tənuyu təə asilima kvtəŋ wəna-i. <sup>3</sup> Mprýyú Yesu pəəsa Isə Təm seyəsəlaa na Falisanaa sī: Ta mpaav taa, pə mwna pá waasi kvtəntv ke kuyaku kuhəesuyu wule yaa pá taa waasi-i?

<sup>4</sup> Ama Falisanaa mpe pa ta tisi cəv. Tənaya Yesu həma kvtəntv na i waasi-i, na i heeli-i sī i təe. <sup>5</sup> Mprýyú Yesu pəəsa Falisanaa sī: Kuyaku kuhəesuyu wule, mə taa awe nawə i pəyaya yaa i nav hota ləkə taa, na i yele ləsuyu ke kpakpaa sī kuyaku kuhəesuyu wule? <sup>6</sup> Iləna pá mayası-təyə cəv na pá kpisi.

### *Təyəv yaav na təcayale kypante təm*

<sup>7</sup> Yesu nawə sī mpa pa yaa təyəv ke mpv tə, pa huliyina təmaya kpelee kypana təə cayav. Iləna i

seyesi-wε si: **8** Ye nəyəlv kraya alv na í yaa-η təyəv, n̄ talaa, taa hulina təcayale kypante na pécó. Ntanyi isəntə pa yaa nəyəlv ilé na í kəla-η. **9** Pé taa kəo na wei i yaa-meyə təyəv tə í heeli-η si: Kuli na n̄ kaasi ineyə təcayale. Ille n̄ küləna fəeļe nté tənyəəmvi, na n̄ cayana waali təo. **10** Ama ye pa yaa-η təyəv, n̄ talaa, cayana waali təo. Ille wei i yaa-meyə təyəv tə ye i kəma ilé i ká təna-η si: Apaŋ nyá, tuusina cəne təo na n̄ caya təcayale kypante. Saa ini pa tv-η teeli ke nyá na pa təna mpa í caya mprýgv təyəv tə pa isentaa kέ. **11** Pé taya pvlv təo, wei i həŋ i tı paa tisi-i, na wei i pasəyi i tı, paa kvsı i nyvgy.

**12** Mprýgv Yesu heela wei i yaa-i təyəv tə si: Ye n̄ lapa təyənaya yaa acima, taa yaa nyá cewaa, yaa nyá teetvnaa, yaa nyá luvvgv nyéma, yaa nyá tonjtvnaa ləlaa. Pé taya pvlv təo, pélé pa pəsəyi tətə na pá yaa-η təyəv, na pá leeti-η nyá kvcəov ke kpakpaa. **13** Ama ye n̄ lapa acima, koti kvnjəntvnaa, na acamaa, na kaakalasi, na yulvmaa, na pá təyə. **14** Waatv ineyələ n̄ hika kypantu. Pé taya pa taa nəyəlv ká pəsəna na í leeti-η-ti. Ama lsəká feləna-η kuyaŋku i ká feesi sətaa mpa paa lapa kypantu tə.

*Mpa pa yaa təyəv na pá kisi tə  
(Matiyee 22:1-10)*

**15** Pa nu təm təne ini ilena Yesu na mpa pa caya təyəv tə pa taa ləlv yəyəti-i si: Wei i ká caya təyəv ke lsə Kawulaya taa təyəle isu leleŋ nulv te.

**16** Tənaya Yesu cə pvn̄tu ini si: Apalv nəyəlv i lapəna təyənaya təkpətəkpəte. Ilena í yaa yəlaa samaa si pá kəo pá təyə. **17** Pé kəma na pə pui, ilena í tili i pəyəlv si í polo na í heeli mpa i yaa təyəv tə si pá kəo mpv, pə talaa. **18** Ama pa təna pa svv-i wiinav

sí pa kaa pəsí. Kancaalaya nyəŋ heela tillu sí: Ma yapa taale, ye ma ta polo ma na-te pə kaa la-m teu. Mpú tó, ma sələməyɪ-ŋi mpaa, ma kaa pəsí na má koo. **19** Lelv náá tó sí: Ma yapa naaŋ kuhaləŋ ke naanuwá, ma caa ma tamisi-ı naale naale na ma faləsi-ı. Mpú tó, ma sələməyɪ-ŋi mpaa, ma kaa pəsí na má koo. **20** Na lelv tó tətə sí: Nəənəə ké ma kpaya alv, ma kaa pəsí na má koo. **21** Mpýgú tillu məla i caa kiŋ na í keesí-ı isəna pə lüwa tó. Tənaya təyaya caa iní pááná lapa-ı, na í tayani tillu ke tilugu sí: Polo ləŋ ke kuyeeŋ taa na hapee nəəsí na ní kuu konyəntvnaa, na acamaa, na yulvmaa, na kaakalasi, na ní kona. **22** Pə tasa pəcə ulena tillu tayani məlvuyu na í heeli-ı sí: Tacaa, ma lapa nti n keesaa tó, paa na mpú təcayale kpisa yem ké. **23** Tənaya təyaya caa tasa-ı təm sí: Ce mpaaŋ taa na ní cəo kutuluŋ kila kila, ye n hika mpa n kpa-weyę yem yem na ní svvna na ma təyaya su. **24** Ma heeliyi-me sí yəlala mpa pa həte pa yaanaa tó, pa taa nəyəlv kaa təyə ma təyənaya.

*Mpiyvlv ka la na pácó i pəsí Yesu ifalv tó  
(Matiyee 10:37-38)*

**25** Mpýgú samaa tuutuumá hu Yesu waali. Tənaya Yesu pəsaa na í tə-wé sí: **26** Ye yvlv í caa i təŋi-m na í ta lu luyu ke i caa na i too, na i alv na i piya, na i taalvnaa na i kəyənaa na i newaa, haləna í kpəntəna i mayamaya i ti, paa i təŋa-m, i kaa pəsí na í la ma ifalv. **27** Ye wei i ta səyəli i səm tesika na í təŋi-m, pvn̄tu kaa pəsí na í la ma ifalv. **28** Ye mə taa nəyəlv caa kutuluŋu səsəɔŋku ɻmaŋ, i caki ké na í mayasí pə təna pə liyitee nyvŋu, sí i naa sí i liyitee ká tala-ı yaa a kaa tala-ı. **29** Teſe i kəŋ í te kite siw, ulena í kpisi kv kuyv, na teelaa koo na pá woŋi-ı, **30** sí halı yvlv í siu

kutuluğu na í kpisi ku kuyu na? <sup>31</sup> Mpü tötögə pə wεε, ye wulav nəyəlv i caa i yoona wulav ləlv, i cakı kέ na í mayası teu na í ná sɪ yoolaa iyisi naanuwā (10000) wei i wəna tə, i pəsəyɪ na í yoona i kolontu wei llé i wəna yoolaa iyisi hiu (20000) tə, yaa i kaa pəsi. <sup>32</sup> Ye i naawa sɪ i kaa pəsi, i kusəyɪ yəlaa ke kutatuyu kέ na í tili sɪ pá heeli i kolontu ke ləŋ sɪ í yele təm ntı, na pá suli tiili na pá tayani. <sup>33</sup> Tənaya Yesu tasa-wεyε yəyətuyu sɪ: Mpü tötögə mə taa nəyəlv kaa pəsi na í la ma ifalv, ye pəntv í ta ləsi i kuyuyluyu ke i nyəm təna təo.

*Təm mpi pu waasəyɪ pvlv tə  
(Matiyee 5:13; Maləki 9:50)*

<sup>34</sup> Təm ke pvlvpu mpi pə waasəyɪ təyə. Ama ye təm mpi pə ləŋ kəma na í sɪ, pepeye paa la na pə ləŋ inı í məlɪ? <sup>35</sup> Pəle tə pu waasəyɪ pvlv. Paa n əmuisa haləm taa, paa n pəta hute taa, ısu pa lə-wi paasi. Mpa pa wəna ləmayasəe tə pá ke əkraŋŋ na təm təne.

## 15

*Heu kvlepu təm  
(Matiyee 18:12-14)*

<sup>1</sup> Lampuu məlaa na tətelataa ləlaa pa pola Yesu kiŋ ke pa təna sɪ pa nu i təm. <sup>2</sup> Tənaya pə ta maya Falisanaa na Isə Təm seyəselaa na pa tə sɪ, Yəlv inə inı na tətelataa pa cakəna, na i na-wε pa təkəna. <sup>3</sup> Tənaya Yesu pəcsa-wε sɪ: <sup>4</sup> Ye ısu mə taa nəyəlv wəna heen nté nūnuwā (100), ılenə i taa kvlvm tə le, i kaa yele pəyəlayafel nūnuwā inəyε nyutv tətəyəle na í tee na í svu kvlepu inəyɪ pəekuyu haləna i na-i? <sup>5</sup> I naa-i mpv, ılenə i lanjle hvlvm teu, na í kraya-i na í həyəli. <sup>6</sup> I takı təyaya, ılenə í yaa i cewaa na i cələ i cələ nyəma

si: I kɔɔ na má na-me tə yɔɔli. Pə taya pɔlv, ma ná ma heu wei i ka lepa tɔ. <sup>7</sup> Ma heeliyi-me si m̄púyú pə wee, ye isayav kvlv̄m yelina i isayatv, lajhvlv̄mle təəki Isə təyaya taa ké i tɔɔ ké, na p̄e kəl̄i kwpama p̄ɔyəlayafei nūnūwa mpa pa feina taalı nɔyəlv tɔ.

### *Liyitee nyəyət̄u naanuwa taa ləŋkv lepu*

<sup>8</sup> Na í tasa lənti tɔtɔ si: Ye isu alv nɔyəlv i ka wena liyitee nyəyət̄u naanuwa, ilena kvlv̄muyv le, i m̄usəȳi fətəla ké, na í hasa i təyaya təna na í taasi tətetete, haləna i kɔɔ na í na-kv. <sup>9</sup> I naa-kv̄yv m̄pv, ilena í yaa i cewaa na i cəl̄o i cəl̄o nyéma na í tɔ si: I kɔɔ na má na me tə yɔɔli. Pə taya pɔlv, ma ná ma liyitee nyəyəluv̄y ȷku kui lepa tɔ. <sup>10</sup> Ma heeliyi-me si m̄púyú pə wee, ye isayav kvlv̄m yelina i isayatv, Isə isətaa tillaa lajə hvlv̄ma teu ké.

### *P̄ɔyaya ȷka ka wakəla ka caa wənav tɔ*

<sup>11</sup> M̄púyú Yesu tasa-węye isə s̄eev si: Apalu nɔyəlv i ka wenna p̄əyalaa naale. <sup>12</sup> M̄púyú səkpelu nyəŋ təma i caa si í cəl̄e-i pa wontu hɔyəlv̄y ȷku inu i kaya i hiki pa caa inu i səm waalı təyə kpakpaa. M̄púyú pa caa tala-węye i wənav. <sup>13</sup> Pə lapa wee naale, ilena səkpelu nyəŋ p̄eet̄i i nyəm təna, na í koti liyitee na í svv nyutv təyutulu. I tala təna ilena í svv təkpaalət̄u lapv, na í təyə i liyitee təna təpaipai. <sup>14</sup> I təma a tənaya təyəv ke m̄pv, ilena nyɔyəsi anaam nɔyəlv í lu icate nté tə taa. M̄púyú i svv wahala taa. <sup>15</sup> Tənaya i pola icate tv nɔyəlv i kin na í sələmi təmle. Ilena ül̄e i ponə-i taale si í nyənəȳi afanaa. <sup>16</sup> I nyula teu isu paa afanaa təyənaya mayamaya i təyə, ama i ta hiki. <sup>17</sup> Tənaya i cayaa na í kpaya h̄w̄ee na í mayası i t̄i təm, na í tɔ si: Halı pá tɔ si ma caa təyaya taa kəl̄e təmle nyéma

təə səsəm, na pá təki na pá kpisiyi, na nyəyəsi náá kuyi maya cəne. <sup>18</sup> Maa kuli kē na má məli ma caa te. Ma talaa ma heeli-i si: Paapa, ma pəntəna Isə, na ma pəntəna nyá tətə. <sup>19</sup> Pənəntə ma ta nəyəsəna si n̄ yaa-m nyá pəyalv. Ama nyənəyi-m teitei isu n nyənəyə nyá təmle nyéma tə. <sup>20</sup> Tənaya i kvlaa na í kpaya mpaav si i kpeŋ i caa te.

I kəma í wəsəna təyaya, lə i caa loosə-i kəle, na i təm ləpi-i pətəetəle ke səsəm. Tənaya ilé i se ləŋ na í səŋi-i, na í kpipi-i na í wayali-i. <sup>21</sup> Mprýyú i pəyalv iní i təma-i si: Paapa, ma pəntəna Isə, na ma pəntəna nyá tətə. Ma ta nəyəsəna n̄ yaa-m nyá pəyaya tətə. <sup>22</sup> Tənaya i caa təma i pəyalaa si: I kəna toko kwpampaŋ ke ləŋ na í suu-i. I ləe-i kukuule ke i mpəle təo, na ntəŋkpala ke i nojhee taa. <sup>23</sup> I kəna ta nau wei iní i wəna nim ke teu tə na í kv, na tə la təyənaya kwpampaŋka. <sup>24</sup> Ma pəyalv iné pə we isu i səpaya na í fe. I ka lepaya na má hii-i. Tənaya pa nikə acima təyəv ke kpakpaa.

<sup>25</sup> Pə lakaya mpv tə, pə pamna pəyalv səsə náá wəna taale. Ilé i kəma í luna taale na í wəsəna təyaya, iləna í nu soo na paale pə haŋa kau. <sup>26</sup> Tənaya i yaa i təmle nyéma taa nəyəlv, na í pəsəi-i si: Pepe lapə na pə haŋa mpv? <sup>27</sup> Iləna ilé i cə-i si: Nyá neu ilé i mələna, na mə caa kv ta nau wei iní i we nim ke teu tə. Mpi tə i tasa-i nau na i alaafəya tə pə təo. <sup>28</sup> Mprýyú i pəyalv səsə iní i mu pááná na í kisi təyaya suvv. Iləna i caa lu na í pəsli-i si í suv. <sup>29</sup> Tənaya i təma i caa si: Nyəni, pusı payale ntə ma haləyi nyá taale, na n yəyəta ntı maa kpəesəyi. Na paa kuyaku kvlumyv n ta tənta si, ooo ma pəyalv, kpaya pinaya kanə, na nyá na nyá taapala í leyelina. <sup>30</sup> Nyá pəyalv kəma tə, n

ka yele ta nau wei inu i we nim ke teu tɔyɔ kuyu na? Pəyele inu i kpaγana nyá wenau təna təpari, na í polo na í wakələna acacaale. <sup>31</sup> Tənaya cecə cɔ-i si: Ma pu, nyá we ma kinj ké tam ké, na pə təna mpi ma ti tə nyá tənna tətə. <sup>32</sup> Pə mwna tə la acima ké na tə yɔəli. Nyá neu ine, pə we isu i səpaya na í fe. I ká lepaya na ma hu-i.

## 16

### *Təmlə tv layatv təm*

<sup>1</sup> Mprúgyú Yesu see i ifalaa ke ıso si: Apalu tonj tu nɔyəlv ka wenna təmle tv nɔyəlv wei i ninj taa tonj tu inu i mələna i wenau təna na í tv tə. Tənaya yəlaa polaa na pá mayana tonj tu inu na pá heeli-i si: Nyá təmle tv inu i wakələyí nyá wenau ké. <sup>2</sup> Tənaya tonj tu yaa i təmle tv na í pɔəsi-i si: Nti nti ma nukí si n laki tə, tə we tampana yaa pəpətu? Ama maa ləsi-ŋ ma təmle taa. Mpə tə, kəesit-m ısəna nyá təmle yaasi lapa tə na pəcɔ́ n̄ təe nyá nyəŋkv. <sup>3</sup> Mprúgyú təmle tv inu i cayaa na í huv i taa si: Tacaa ləsəyí-m təmle taa tə, nteyelə maa la ilə? Ani ma kaa pəsi haləm. Pəyele pala lapu ná we feele. <sup>4</sup> Eehee, ma nyəmá nti maa la, na pá kəma na pá tɔyəni-m, má taa laj yəlaa mpa paa tɔəki-m tə. <sup>5</sup> Tənaya i yaa mpa mpa paa wəna i caa ke kəmle tɔyɔ kolvum kolvum, na í pəəsi kancaalaya nyəŋ si: Isənaya n wəna ta caa ke kəmle? <sup>6</sup> Ilé si, Olifinää nim tonoonaa nūnūwa (100) ke ma wəna-i kəmle. Tənaya təmle tv inu i heela-i si: Nn naa pə takəlaya ntə, caya ləŋ na n̄ ɻmaa si nim tonoonaa nūlə na naanuwā. <sup>7</sup> I yela ilé na í ɻmaa lələ təə si: Na nyá se, isənaya nyá nyəntə wəee? Mprúgyú ilé i cə-i si: Tɔyənaya pee saakənāa nūnūwa (100). Iləna í heeli

ilé sì: Nn naa pə takəlaya ntə, ḥmaa sì təyənaya pee saakənaa nūnaasa. <sup>8</sup> Mpýgú tonj tu iní i sama i təmle tu isayav inəyi i layatv təo. Pə taya pulv, antulinya iné i yəlaa wəna nyəm ke isəna pa lakəna təma təyə, na pə kəlī mpa pa ta ke antulinya iné i nyéma tə.

<sup>9</sup> Mpýgú Yesu tasa-wəyə heeluğu sì: Má, ma heeliyi-mə sì i kpaya wənav ḥku í wəna atē cəne tə na í lana na í hiki taapala, na pə kəma na í lanj-wi pa mu-meyə icate nte tə we tam təo tə taa. <sup>10</sup> Wei í te səkpetu taa, mpv iní tətəyə i te səsəontu taa. Na wei i ta te səkpetu taa, mpv iní tətəyə i kaa te səsəontu taa. <sup>11</sup> Ye í lapa cakəlī cakəlī na atē cəne wənav, pa kaa nəki-meyə isətaa nyəm ke cəluŷu. <sup>12</sup> Ye í ta pəsí lelv nyəm təkuyv ke teu na tampana, leye í ká hiki mə mayamaya mə ninj nyəm.

<sup>13</sup> Təmle tu kaa pəsí na í kpi yəlaa naale na í laki pa təma. Ye i kpəpa mpv, i ləmayasəe kəj a wəe lelv təo kék, na í yele lelv. Yaa ntanyi, i paasəna lelv na í kisi lelv. Me i kaa pəsí na í kpi Isə na liyitee na í təj mpv.

*Yesu kvheelitu ke Falisanaa  
(Matiyee 5:31-32; 11:12-13; Maləki 10:11-12)*

<sup>14</sup> Falisanaa nu təm ntı tə təna, ləna pá woŋ Yesu. Pə taya pulv, mpe paa wəna liyitee kətəi kék. <sup>15</sup> Tənaya Yesu təma-wə sì: Ilakı sì yəlaa í nyəni-meyə tampana nyéma. Ama Isə nyəmá mə lotu taa həwəe. Pə taya pulv, mpi yəlaa ná nyənəyi səsəom tə, Isə isəntaa pəle pə ta ke pulv.

<sup>16</sup> Moisi kvsəsutv na Isə kuyəyətutv tələsəlaa kuyəmaŋmaatu lapa tə waatu haləna Isə ləm səlv Yohaani náá kəo. Pə kpaya waatu iní təyə pa suv Isə Kawulaya Laapaalı Kupan təm kpaaluyv, na paa wei i ləkəna isəle kvsəemle sì í suv Kawulaya ḥke ka taa.

**17** Isotənuyv na ate pə təeu ta tala kate ke Isə təm taa təmiya kvlomaya saaluyv.

**18** Ye yulu təyəna i alv na í kpaya kufalv, i lapa wasaŋkalətu ké. Ye pa kisa alv na nəyəlv náá təŋ na í kpaya-i, pvn̄tu lapa wasaŋkalətu ké.

### *Apalv toŋ tu na Lasaa pa təm*

**19** Apalv toŋ tu nəyəlv i ka wənna, na í suuki liyitee wontu tənyənənyəni ke teu. Pa a ifemle nte lelen taa kē i wəe, na í təkɪ təyənaya kupaŋka. **20** Pə kaası kuyəntu nəyəlv i ka wəe tətə, na pá yaa-i sì Lasaa. I təna isəntə tə hiŋ kē, na i həntaya toŋ tu inı i təyaya nəyə. **21** Na í taŋaa sì, ye toŋ tu inı i kəma na i təkɪ i təyənaya na cəyəlasi hoti ate, ile i təosí na í təyə. Haləna hası mayamaya kəŋaya na sì niisiyi kuyəntu inı i hiŋ taa. **22** Tənaya kuyəntu inı i kəma na í sì, na isətaa tillaa kpaya-i na pá ponə-i Apəlaham cələyə aləsanna taa. Mpúyú toŋ tu inı i kəma na í sì tətə, na pá pimi-i. **23** Na í svv wahala taa kē atetəle taa təna. Tənaya toŋ tu tekə i usə na í loosi Apəlaham, na Lasaa caya i kəŋkəŋ taa. **24** Iləna í wuli na í yaa sì: Hai ta caa Apəlaham, nyəni ma pətətəle na n̄ tili Lasaa na í lii i mpəle nəyə taa kē lvm, na í tosi ma nsəmle təo na pə tu niyiti-m niyituyu mayamaya. Pə taya pvlv təo, pə haŋa-m kəkə kane ka taa kē pə tu fei. **25** Tənaya Apəlaham cə-i sì: Ma pəyalv, təosí sì, n ka wəu ate tə, n təyə nyá lelen ke teu, na Lasaa ilé i təyə nyəŋ kē pə tu fei. Nəənəə kəle pə tala ilé i lelen sì i laŋle í hee, na pə tala nyá wahala. **26** Pəle pə paasi tá na-məe tá hekv wə púyú ke yem təlemm, ŋku ku lumanj na ku walasi fei tənaya tə. Mp̄u tə, yulu kaa pəsí na í lu cəne na í polo mə kiŋ, na mə cələ tu kaa pəsí na í lu na í kəo tā kiŋ cəne. **27** Mpúyú toŋ tu inı i tasa-i yəyətuyv sì: Tacaa

la suulu na n̄ tili Lasaa ke ma caa t̄eyaya taa. <sup>28</sup> Ma w̄ena newaa ke kakpası ke t̄ena. I polo na i kpaadluw̄eyę teu, na pele pá taa k̄o pá tasa wahala ine i taa k̄e svvv t̄ota. <sup>29</sup> Mp̄yḡú Ap̄elaham c̄o-i si: Ye kpaaluyu ke pa caa, Moisi na Is̄o kuyɔȳotutu teləsəlaa pa w̄ee ilę, pá nuuna pele. <sup>30</sup> T̄enaya t̄on tu t̄oma si: Aai hai, ta caa Ap̄elaham. Ye is̄u atetvnaa taa n̄oȳelv ka m̄eləna na i mayana-w̄e, paa layasa t̄onte. <sup>31</sup> Ap̄elaham tasa-i heelu yu si: Ye pa kpeesa Moisi na Is̄o kuyɔȳotutu teləsəlaa pa t̄om, paa atetvnaa taa n̄oȳelv ka ponā, pa kaa tvna.

## 17

*Lelv tusuyu səyəntv  
(Matiyee 18:6-7,21-22; Maləki 9:42)*

<sup>1</sup> Mp̄yḡú Yesu t̄oma i ifalaa si: Mpi piu tusi ȳelaa ke isayatv taa t̄o p̄e kaa laj̄. Ama ye p̄e c̄epa wei na i la na i t̄oȳontèle la isayatv, puntv ká na. <sup>2</sup> Ye yolv inu i ká la na piya s̄ene si taa nakəli p̄ənti, p̄e n̄oȳesəna pá tu puntv luju t̄ee k̄e namle na pá t̄us̄i-i teñku taa. <sup>3</sup> I la laakali.

Ye nyá t̄oȳontèle lapa-ŋ̄ isayatv, yaa-i na n̄ hvl̄i-i si i lapa mpi t̄o p̄e fei teu. Ye i tisaa na i layasi i kvlapvtv, n̄ k̄u-t̄eyi nyá taa t̄ekpataa. <sup>4</sup> Ye w̄ule kvlvmtèle taa i p̄əntəna-ŋ̄ t̄om naatosomp̄oȳalaya, na i k̄on tam na i wiiki si ma p̄əntaa k̄e, n̄ ká hvl̄i-i suulu k̄e.

*Taa t̄emnav ke Is̄o*

<sup>5</sup> Mp̄yḡú tillaa t̄oma Tacaa si: La na ta taa t̄emnav ke Is̄o s̄əc̄si.

<sup>6</sup> T̄enaya Tacaa c̄owa si: Is̄ena i t̄emna Is̄o k̄e m̄e taa t̄o ye piu tu tala is̄u s̄əoȳa pile ke yasəlaya, paa t̄uȳu ḥ̄ku

ku səŋa isəntə təyə i təma si: Kpəsi təna na n̄ polo n̄ səŋ teŋku taa, pə laki m̄púgyú.

### *Təmle tv kvlapəle*

**7** Mə taa awe wəna yom na i haləyi i tawa na i tiikiyi i kalakəy, na i luna taale ke kpakpaa, na pəntv paatəna-i heeluŋ si: Kəo ləŋ na n̄ caya na n̄ niki təyəv? **8** Aai, i təŋi-i kē si: Saa-m, ɻena n̄ layasi nyá wontu na n̄ kəŋna-m təyənaya, na má təyə na má nyəo. Maa haŋaa ɻe, nyaa caya na n̄ təyə na n̄ nyəo. **9** I ká nəki-i səev si i lapa mpi i təma-i si i la na i la tə? **10** Mpv iñi tətəyə na me, ye i kəma na i te mpi ɻə ka tv-me tə pə lapa, i tə si: Tə kē təmle nyéma ke yem kē, nti pi wəe si tə la tə, tə tike ke tə lapa.

### *Tənuyu təo asilima kvtəŋ nyéma waasvuy*

**11** Yesu kvlaa na i puki Yosalem, ɻena i təŋna Samalii na Kalilee pə həkv taa. **12** I suvkaya ɬcate natəli tə taa, ɻena tənuyu təo asilima kvtəŋ nyéma napəli pá tə na pá suli-i. Pa we yəlaa naanuwā. M̄púgyú pa səŋa pooluŋ, **13** na pá kpəesi-i si: Tacaa Yesu, wii tá pətəatəle.

**14** Tənaya Yesu na-wə ɻena i tə-wə si: I polo na kətəlaa willi-me.

Asilima kvtəŋ nyéma təŋna pote, ɻena pə waawə. **15** Pa taa lelv nawa si pə waa-i mpv, ɻena i mələna i waalı ke kpakpaa, na i saŋ ɻə na nəyə səsəya. **16** M̄púgyú i hota Yesu təe na i səe-i si i na təmle. Apalu wei i məla mpv na i səe Yesu tə, i kē Samalii tv. **17** Tənaya Yesu təma si: Pə taya asilima kvtəŋ nyéma mpə pa naanuwā hikina alaafəya? Na pɔyəlayafei naanuwā iñe i we le? **18** ɻii pa taa nəyəlv ta tu toosi

kélé sì i mələyì na í sse Iso ké í na təmlé, ye pə taya kpai tu iné i paasi?

**19** Iləna Yesu heeli asilima kvtəŋ tu sì: Kulì, n təma Iso na nyá taa tò i yelaa na n̄ hiki alaafəya.

*Iso Kawulaya konte təm  
(Matiyee 24:23-28,37-41)*

**20** Mprúyú Falisanaa pəoşa Yesu sì: Pəlee kélé pui tala Iso Kawulaya təyən ilé? Tənaya Yesu cə-wé sì: Pə taya sì Iso təki i Kawulaya na yelaa naa təkeele se. **21** Pə taya isu paa yəyətì sì ka we cəne yaa hatoo təna. Pə taya puvlə təo, í nyi teu sì Iso tənja i Kawulaya təyən ke mə hékü taa.

**22** Yesu təma mprúyú yəyətuyŋ, iləna í heeli i ifalaa sì: Pui kəo na me í nyiılı sì Yulv Pəyaya má ma kuyaku í kəo na í na-kv. Ama í kaa na. **23** Paa heeli-me sì í paasəna hatoo təna, yaa í paasəna cəne. Ama mü taa polo sì í pəekəyi. **24** Yulv Pəyaya má ma kuyaku wule pui la ké isu teu nyəxəsuyŋ təyəməleu na pə ná na pə cəo antulinyä təna təpau təyə. **25** Ama maa təyə kuyəŋ ke səsəm, na tá kufalan yelaa pane paa lə-m təkpataa. **26** Isəna pui lapa Nowee pəołe taa tə, mpv iní pə mayamaya pui lana Yulv Pəyaya má ma kuyeeŋ taa. **27** Pə kəesa Nowee wəe anı a taa tə, pə təkaya ké na pə nyəəki, na pə haakı təmaya alaa na pə kpakəyi mpv yooo, haləna kuyaŋku Nowee səv atakaa pəyəluyŋ səsəən taa na na pə yele-wé, na lvm kəo na pə təyə pa təna təpau tə. **28** Pui la teitei ké isu pui lapu Ləəti pəołe taa tə. Pə təkaya mprúyú na pə nyəəki, na pə pəetəyi na pə yakı, na pə haləyì tawa na pə ɣmaakı kutuluŋ. **29** Ama kuyaŋku Ləəti lu Sətəm təkev tə, asimti na kəkə pə luna isətaa təyooo isu teu, na ká

nyaya pa tēna tēpaipai. **30** Kyaganu Yulu pəyaya má maa kōo tō, mpv pə mayamaya pu lana.

**31** Pə wulé nté ye pə mayana yulu wə kutuluγu pata tōo na i wontu wə təyaya taa, pəntu i taa tō sī i tiiki na i sūu təyaya na i kpaya i wontu nti tē wəe tō. Na ye pə pamma taale ke i wəe, i taa tō sī i mələyī təyaya. **32** I təosi Ləotī alv təm. **33** Wei i pəekəyī i weesuyu təcututu i təjna səpū kē. Na wei i lapa i təyī awusa, i ni i kā hikina weesuyu. **34** Pə wulé nté pə ahoo, pu pana yəlala naale hənta nyáaluyu kuvumuyu tōo, na pə kpaya lelv, na pə yele lelv. **35** Pu pana alaa naale wə nama tōo, na pə kpaya lelv na pə yele lelv. [ **36** Pu pana apalaa naale wə taale taa, na pə kpaya lelv na pə yele lelv.]

**37** Mpúyó i ifalaa pəosa-i si: Tacaa, leyelə mpv inu pu la ilə?

Tənaya Yesu cə-wə si: Timpi pulu səpa na pə həntaa tō, tənaya yeperekunaa kotiyi.

## 18

### *Alv leelu na wulav pa təm*

**1** Yesu caa i hvli-wə si pā sələməyī Isō kē tam, pā taa tō sī pə nu-wə, ilena i səe-wəyə Isō inu si: **2** Wulav nəyəlv i ka wənna icate natəli tē taa, i paa feina Isō. Pəyele u nyənəyī yulu si i kē pulu. **3** Pə pamma alv leelu nəyəlv naa wə icate nté tē taa, tam kē i pukaya i kiŋ na i sələməyī-i si i waasi-i. Si nəyəlv təkəna i isə, na i caa si i waasi-i. **4** Paa alv inu i puki tam ke mpv tō, wulav inu i kisa-i nūnav. Pə waali kē i mayasa i taa si: Ani ma paa feina Isō, pəyele maa nyənəyī yulu si i kē pulu. **5** Ama isii leelu inu i kəŋuyu tam na i pəkələyī-m

tə pə təo, maa paasəna i təm na má waasi-ti. Tefə i ka kəŋ i sənəŋə tam ké na í cəɔsəyɪ-m.

**6** Mprýgú Tacaa tasaa si: I ta nuu nti wulau isayav ine i yəyətaa tə taa? **7** Ilə Isə ká yelina nteyə waasvən ke mpa i ləsaa na pá wiikina-i ilim na ahoo tə? I ká la kaninika na pa sənav na? **8** Ma heeliyi-me si: Isə ká tayani pa təm ke ləŋ təlev. Ilə waatu wei Yulv Pəyaya ma maa kəo tə, maa mayana atə cəneyə yəlaa mpa pa temna Isə ké pa taa təyəle yee?

### *Falisa na lampuu mvlu pa Isə sələmnyv*

**9** Yəlaa lelaa ka temə pa taa təkpataa si mpe pa kəna kypama ke Isə isentaa, haləna pá nyənəyɪ lelaa ke yem. Mprýgú Yesu seε-wəyəs isə si: **10** Yəlaa naale kpana Isə təseelə taa ké Isə sələmnyv. Lelv ke Falisa na lelv ke lampuu mvlu. **11** Mprýgú Falisa səjna i mpaa na í sələmi Isə si: Isə nyana təmle. Pə taya pulv təo, ma fei isu yəlaa lelaa wev tə. Pəle pa ké ŋmulaa na asayaa na wasaŋkalənaa ké. Pécó ma fei isu lampuu mvlu ine i wev tə. **12** Cimaasi na cimaasi, kuyeeŋ naale naaleyəs ma həkəyɪ nəyə. Na pə təna mpi ma hikiyi tə, ma ləsəyɪ pə həyələŋ naanuwa taa kvlvnyv ké na má ha-ŋ. **13** Mprýgú lampuu mvlu ná cəəsa kpeeŋa na í kama nyvən na kvsuŋu fei, na í tekəyɪ niŋ si: Hai Isə, ma ké isayav ké, wii ma pətəatəle. **14** Ma heeliyi-me si Isə na apalv ine pa tayanaa, na í kvl na í kpe. Ama í na Falisa pa ta tayani. Pə taya pulv təo, wei i həŋ i ti, paa tisi-ti. Na wei í pasəyɪ i ti, paa kvsı i nyvən.

### *Piya səkpesi kvantv kooluyu (Matiyee 19:13-15; Maləki 10:13-16)*

**15** Yəlaa pukayana piya səkpesi tətəyə Yesu si í təni si təo ké niŋ. Ama Yesu ifalaan na yəlaa mpe ilena pá

kaləna-wε. **16** Tənaya Yesu yelaa na pá kpətəna piya ke i kinj, na í tə-wε sι: I yele na piya kəə ma kinj, í taa kayati-sι. Pə taya puv təə, mpa pa we isu piya tə, mpe pa tənna Isə Kawulaya. **17** Ma heeligi-meygə tampana sι, ye wei i ta pəsι isu pəyaya na Isə təyə i təə kέ kawulaya, puntu kaa la kawulaya ŋke ka tu kε paa pəcə.

*Yvlu toŋ tv təm*  
*(Matiyee 19:16-30; Maləki 10:17-31)*

**18** Tənaya Yuta nyéma nyuyu tu nəyəlv i pəwa sa Yesu sι: Tacaa kvrəŋ, pepeye pə wəe sι maa la ɬena má hiki weesuyu ŋku ku teŋ tə?

**19** Mprýy Yesu cə-i sι: Pə lapa isəna na n̄ yaa-m kvrəŋ? Nəyəlv ta ke kvrəŋ ye pə taya Isə tike təkoŋ. **20** Ntəŋ n nyəmá ntı pa suwa sι: Taa la wasaŋkalətv, taa ku yulu, taa ɣmuli, taa suu lelv ke təm. Se nyá caa na nyá too.

**21** Tənaya apalv toŋ tv inı i cəwa Yesu sι: Ma təka kvsəsintu ntı tə tənaya hatoo ma pəcaatu kέ.

**22** Yesu nu mpu ɬena í təmi-i sι: Ama kvlvmtv tike təkoŋ kaasəna-ŋ lapv. Polo n̄ pəetı pə təna mpi n wəna tə na n̄ tala kvnyəntvnaa ke pə liyitee, na cele n̄ suv toŋ ke isətaa. N̄ temə mpu pə lapv lə n̄ kəə na n̄ təŋi-m.

**23** Apalv inı i nu təm təne, ɬena i laŋle wakəli tətəχətəχə. Pə taya puv təə, i ka wəna kέ pə tu fei.

**24** Yesu nawa sι apalv inı i laŋle wakəlaa, ɬena í tə sι: Ama liyitee nyéma Isə Kawulaya svvv we kate pə tu fei. **25** Isəna mpi pə we yooyoo kέ kate sι í svvnə pənyálaya púygyu na í lu tə, mpu tətəχə pə we liyitee tu ke kate sι í svv Isə Kawulaya taa, halı pə tu təe mpu.

**26** Tənaya mpa pa cayaa na pá nuku təm tə, pa təma sī: Ilə awe ká tułəna ntęxę-ti?

**27** Mpúgyú Yesu cəwa sī: Mpi yəlāa tənə sī pə fəi pəsuyu tə, Isə kinj təleu ké.

**28** Mpúgyú Piyyee nəyə təkpau sī: Təv, ta yela pə təna təkpataa ké na taa hu nyá waali.

**29** Mpúgyú Yesu cə-wə sī: Ma heeliyi-męgę tampana təo sī, ye nəyəlu yela i təyaya yaa i alu, yaa i taalvnaa yaa i kəyənaa yaa i newaa, yaa i nyémä yaa i piya ke Isə Kawulaya nyuyu təo, **30** pu ha pəntu na pə kəlī mpúgyú pə krayav nəcənəə tə. Pəyele i səm waali i ká węsna weesuyu ḥku kui tənə tə.

*Yesu səm na i fəm pə təm tətə*

*(Matiyee 20:17-19; Maləki 10:32-34)*

**31** Mpúgyú Yesu yaa i ifalaa naanuwa na naaleęe i kinj, na i heeli-wə sī: Təv, tə kpaa Yosalem kəle. Pə təna mpi Isə kuyęyətətu teləsələaa ka ḥmaawa sī pu mayana Yulv Pəyaya má tə, tənaya pu la. **32** Paa tu-m ma ta nyi isənəaa niŋ taa. Pele paa paana-m, paa tuu-m, paa tə-m ntayama. **33** Paa casa-m hikasi, paa ku-m. Ama kuyęeŋ tooso wule, maa fe.

**34** Ama Yesu ifalaa ta cəkəna təm ntı. Təm ntı tə huwée təe pa təo ké, ilə pa ta tu nyəm mpi pə təm Yesu yəyətaa tə.

*Yesu kuliyi yvlum nəyəlu i isə*

*(Matiyee 20:29-34; Maləki 10:46-52)*

**35** Yesu kəma na i kpeyətəna Yeliko ilə, səsə yvlum nəyəlu i ka caya mpaav nəyə nté na i laki pala. **36** I nu yəlāa samaa taŋ na pá təekı, iləna i pəəsi sī: Pepe lapə ye? **37** Mpúgyú pa heela-i sī: Nasaləti Yesu təekəna.

**38** Tēnaya i koo səsəm si: Tafiti Pəyaya Yesu, nyəni ma pətəotəle.

**39** Mpa paa təe nəyə tə, pəle pa kaləna yulvum na pá heeli-i si: Su. Ama ilé i səosa koou ke səsəm si: Tafiti Pəyaya, nyəni ma pətəotəle.

**40** Mpúgyú Yesu səjaa, na í tə si: I kəna-i ma kinj. Yulvum tala Yesu kinj, ləna Yesu pəəsi-i si: **41** N caa má la-ŋ we? Yulvum cəwa si: Tacaa, ma caa kē si n̄ la na má naaki isu maa wəu ma wule taa tə.

**42** Tēnaya Yesu təma-i si: Təv, naa ilə, nyá taa temnau ke Isə waasa-ŋ ke. **43** I svu nau nté təne inəyi kpakpaa, na í tənəgi Yesu na í saŋ Isə. Samaa tēna ná mpv, ləna pá svu Isə kē sam tətə.

## 19

### *Yesu na Sakee pa təm*

**1** Mpúgyú Yesu svu Yeliko, ləna í fayana icate taa na í təekí. **2** Apalv nəyəlu i ka we tə taa tēna, na pá yaa-i si Sakee. Apalv inu i kena lampuu mulaa səsə, na i ka pilaa kē. **3** I caakaya si í nyi wei pa yaa si Yesu Yesu tə. Ama i topulunj təo i taa pəsi na í na-i. Mpi tə, samaa nyəkaa kē. **4** Mpúgyú Sakee təe nəyə na í kpaya asewa, na í polo na í kpa təvən nakvli kv təo, si Yesu í təekəna kv təe ilə i na-i. **5** Yesu kəma na í tala tēna, ləna í teki i isə na í təmi-i si: Sakee tii təcav, saŋa nyá təyaya ke maa caya.

**6** Mpúgyú Sakee tii kpakpaa, na í mv Yesu na lanjhulvmlə. **7** Pa tēna mpa pa ná mpv tə pə ta mayawə, ləna pá təŋ si: Hali yulv isayav təyelə i kvlaa í polo.

**8** Pa tala təyaya taa, ləna Sakee kvl na í heeli Tacaa si: Tacaa, ma seee, maa faya ma kvpam ke cali na má

ha kūnyontunaa. Ye maa muγula nɔγəlu na má tɔyə i liyitee, maa felı puntu ke pə təm liyiti.

<sup>9</sup> Tənaya Yesu təma sī: Saŋa təyaya kane kele ka nyéma ná nyuyu nté. Pə taya pulv, Sakee mayamaya ná kē Apəlaham pəyaya tətəyə mées. <sup>10</sup> Yulv Pəyaya má ma kəmaya sī ma pəekəyī mpi pə lepa tə na má ya pə nyuyu.

*Timpi pə wee tə tənaya pə saəsəy  
(Matiyee 25:14-30)*

<sup>11</sup> Mprúgyó Yesu tasa mpa pa nii təm ntí i yəyətaa təyə iſo ſeeu. Pə taya pulv, pa kpeγetəna Yosalem tə, yəlaa huvkaya sī ntanyi lsə ká ſuu Kawulaya təyəv ke təne iñəyī kpakpaa na pá ná. <sup>12</sup> lsə wei i ſee-wə təyəle sī: Kawulaya təyaya taa awulumpu nɔγəlu i kvləna na í polo tetv pooluŋ nyəntu sī pā tu-i kawulaya, na pə tema ilə i məli. <sup>13</sup> I caakaya ſeeu, iləna í yaa i təmle nyéma naanuwa, na i tala-wəyə liyitee nyəyəluŋu nyəyəluŋu ke pa nyəən təo. Na í heeli-wə sī: I taatəna liyitee anə, halı má polo má koo. <sup>14</sup> Ama i icatə nyéma luŋu ná fei-i, iləna pá kvsı tillaa sī pá polo pá heeli-wə sī: Tu caa sī apalv iní í la ta wulav.

<sup>15</sup> Pa tu apalv iñəyī kawulaya ḥke, iləna i kvlı na í məli i icatə taa. Mprúgyó i kota i təmle nyéma mpa i ka cela liyitee tə, sī i naa iſəna iſəna pə ſee-wənaa tə.

<sup>16</sup> Mprúgyó kancaalaya nyəŋ kvlaa na í tə sī: Tacaa, pə ſee-m liyitee nyəyətə naanuwa kē nyəyəluŋu ḥku n ka cela-m tə ku təo. <sup>17</sup> Tənaya wulav təma-i sī: Pə wə teu, n kē təmle tu kupaŋ kē. Timpi iſu n lapa teu ke pəcə nyəm taa iſəntə tə, n ká təyə acaləs naanuwa təo kē kawulaya. <sup>18</sup> Iləna naale nyəŋ náá kvlı na í tə sī: Tacaa, pə ſee-m liyitee nyəyətə kakpası ke nyəyəluŋu ḥku n ka cela-m tə ku təo. <sup>19</sup> Tənaya wulav təma ilé sī:

Nyaa təyə acalee kakpası təo kέ kawulaya. **20** Təmle tu ləlv ná kvlaa, ləna í tə si: Tacaa, nyá nyəyəlvən ηku n ka cəla-m təyəlo. Ma həka-kvən saalaya taa kέ na má si. **21** N wə-m səyəntu kέ. Pə taya pəlv, n kέ yvlv kate tu kέ. N ta si məpi tə mərəyi n kpakəyi, na timpi n ta tuu tə tənaya n kvən. **22** Tənaya wulav təma-i si: N kέ təmle tu isayav kέ, nyá mayamaya nyá kvyəyətən kə ma kvyvna nyá təm. N ka nyəmá teu si ma kέ yvlv kate tu, na məpi ma ta si təyə ma kpakəyi, pəcə timpi ma ta tuu təyə ma kvən. **23** Ilə pepe təo kέ n taa tu ma liyitee kə pənci taa? Ma kəma isəntə tə, maa mayana pə seə a təo na má kpənti na má mu. **24** Mərvýu i heela i cələ nyəma si: I ləekə liyitee nyəyəlvən ηkvən i niŋ taa, na i səsəni nyəyətən naanuwa tu. **25** Tənaya pəle pa cə-i si: Tacaa, ke ilé i wəna naanuwa? **26** Mərvýu wulav cə-wə si: Ma heeliyi-mə si timpi pə wəe tə tənaya pə səsəsəyi. Ama wei i feina pəlv tə, paa pəciimaya kέ i wəna, paa ləekə kέ. **27** Təv, i kəna ma kolontunaa mpa pa kisaa si má taa təyə pa təo kέ kawulaya təyə cəne, na i kv-wəyə ma isəntaa.

### *Yesu cayav kə kpənəjaya*

(Matiyee 21:1-11; Maləki 11:1-11; Yohaani 12:12-19)

**28** Yesu təma mərvýu yəyətən, ləna í təe nəyə na i pukina Yosalem. **29** Pa kəma pa kpəyətəna Petafası na Petanii na Olifinnaa pəyən, ləna í tili i ifalaa taa naale si: **30** I polo icatə nte tə wə nəyə təo cəne tə. I talaa, i ká mayana pa tu kpənəjaya pile natələyi ηmənəyə. Nəyəlv ta cayata tə təo. I heti-te na i kəna. **31** Nəyəlv i pəoşa-mə si: I hetəyi-te suwe? I cə pəntu si: Tacaa caakəna.

**32** Mprúgyú mpa i tilaa tó pa tseewa, na pá mayana pə tənaya teitei isu Yesu ka tem-weyé heeluγu tó. **33** Pa koma pa hetayi kpaŋaya pile níté llena tə nyéma si: I hetayi kpaŋaya pile níté suwe?

**34** Ntēna Yesu tillaa cō si: Tacaa caakəna.

**35** Ilenna tillaa pona-teyé Yesu. Mprúgyú pa pə pa wontu ke kpaŋaya pile tó na pá kpaŋa Yesu na pá cayasi. **36** Yesu tənja təeu, ilenna yəlala pəəki-i pa wontu na í tənja pə tó. **37** I koma í tiikina Olifinnaa puyu na í kpeyetəna Yosalem, ilenna i tənja samaa inu i təna i laŋha hulvumi teu, na pá saŋ Isə kέ səsəm ke piti təma nna pa nawa tó a tó si: **38** Isə í wee wulau səsəm wei i kəŋna Tacaa tonj tó i waali. Laŋhulvumle í wee hatoor isətaa. Paa wei í tu Isə kέ teeli.

**39** Falisanaa napəli paa we samaa inu i hekv. Mprúgyú pəle pa təma Yesu si: Tacaa, sumsí nyá ifalaa mpe.

**40** Kəle na Yesu si: Ma heeliyi-me təfoo si, paa pəle pa suma, ate pəee mayamaya ká kvli na á yəgəti.

### *Yosalem tó wula*

**41** Yesu koma na í kpətəna icate ke teu, ilenna í nyəni-te, na í wii-te si: **42** Aaa, kasa, Yosalem, nyá mayamaya, saŋa kuyaku kvn̄e, ye n ka tui cəkəna cəkəna mayamaya ke mpi pə pəsəyi na pə ha-ŋ laŋhulvumle tó. Ama pənente pə ŋmesa-ŋ-wi, n kaa ná. **43** Wee kəŋ nna a taa nyá kolontunaá ká cəəna-ŋ na yoou wontu tonj nyəntu, na paa ta-ŋ kotaya na pá nyala-ŋ təkpələkpəli. **44** Paa naŋti nyá na nyá taa yəlala təna tənaŋnaŋ, halı pa kaa tui səo pəle lente ke lente tó. Pə taya puv, n taa cəkəna waatu wei Isə koma si i waasəyi-ŋ tó.

*Peeetəlaa təyəñnyv ke Isə təseelə taa  
(Matiyee 21:12-17; Maləki 11:15-19; Yohaani 2:13-22)*

**45** Mpóygú Yesu svv Isə təseelə taa na í niki peetəlaa ke təyəñnyv. **46** Na í tə-wə si: Pa ηmaawa Isə Təm taa ké si, ma təyaya ká la Isə təsələmle ké. Ama mə pəsəna-kęye ηmūlaa təyaya.

**47** Yesu səyəsa ya Isə təseelə taa ké paa ifemle nte. Mpóygú kətəlaa taa səsaa səsaa na Isə təm səyəsəlaa na samaa taa nyvuy nyéma pa peekaya si pa kuyv-i. **48** Ama pa ta nyi nti pá pusina tə. Pə taya pvlv təo, samaa təna tu ηkpənuyv ke teu ké na pá nukı i təm.

## 20

*Yesu pəsvuy təm  
(Matiyee 21:23-27; Maləki 11:27-33)*

**1** Mpóygú kuyaku nakvl Yesu səyəsa ya samaa ke Isə təseelə taa na í heeliyi Laapaalı Kupan. Iləna kətəlaa taa səsaa səsaa, na Isə Təm səyəsəlaa, na səsaa pa polo **2** pá pəəsi-i si: Heeli-tvuy kaŋkante nte n makı nyá taa na n̄ laki isəntə tə. Yaa awe tu hana-ŋ pə mpaav?

**3** Tənaya Yesu cəwa si: Təv, ma mayamaya maa pəəsi-meyə təm. **4** Isə yaa yələaa tilina Yohaani si í səcəki yələaa ke Isə lvm? I cə-m ma nu.

**5** Mpóygú Isə Təm səyəsəlaa mayasa-təyı pa taa pa tike, iləna pá tə si: Ye tə təma si Isə tilina-i i ká pəəsi-tv si: Na pepe təo ké í ta mu i təm? **6** Pəyele té təma si: Yvlv tilina-i kəlo, samaa təna ká kv-tv na pəe. Pə taya pvlv təo, pəle pa tema pa taa təkpataa ké si Yohaani ké Isə kuyəyətvtv teləsvlv.

**7** Mpóygú Isə Təm səyəsəlaa pəsənaa si: Tə ta nyi wei i tila-i Isə lvm səv tə se. **8** Tənaya Yesu ná cə-wə si:

An̄ha, ma kaa heeli-meyęe kaŋkante nte ma maki na má laki isəntə tə.

*Təmle nyéma asayaa təm  
(Matiyee 21:33-46; Maləki 12:1-12)*

**9** Pə waalı kέ Yesu səe samaa ke isə si: Yəlv nəyəlv ka səna leseŋ tuŋ ke taale təcu. M̄púyú i caa yəlaa na í su tə taa, ilena í kvl na í təe yəla na pə taaŋi. **10** Pə kəma na pə tala tuŋ inı i kooluŋu waatv, ilena í kvsi i tillu nəyəlv, si í polo təmle nyéma kiŋ na pá cəle-i inı i tete. Tənaya təmle nyéma mpe pa kpa tillu inı na pá má, ilena pá təyəni-i niŋ naanuwa təyələyəli. **11** M̄púyú taale tu inı i tasa i tillu nəyəlvuŋu kusuyu na í tili. Ilena təmle nyéma mpe pá má ilé, na pá tvu-i, na pá təyəni-i niŋ naanuwa təyələyəli. **12** I tasa tooso nyəŋ ke tiluŋu, ilena təmle nyéma ma ilé, na pə kv i təna, ilena pá pəti-i haləm na waalı. **13** Tənaya haləm tu təma si: Təv, isənaya maa la ilé? Ma mayamaya ma kvlvlv wei ma luŋu sun teu təyə maa tili. Ntanyi paa nya i isəle. **14** Ama təmle nyéma ná kəma na pá loosi i pəyalv na í puki, ilena pá heeli təma si: Ii loosiyi kpəncouou tu kəŋna nté. I kəo tə kv-i, na taale pəsi ta nyəntə. **15** M̄púyú pa kpa-i, na pá ləsi-i taale na waalı na pá kv-i.

Tənaya Yesu pəəsaa si: Taale tu inı, isənaya i ká la təmle nyéma mpe? **16** I kəma na í kəo, i ká kv təmle nyéma mpeyęe, ilena í caa yəlaa kufama na í su taale taa.

Samaa nu təm təne ilena pá tə si: Isə í ponə təleyę poolunj.

**17** Tənaya Yesu caa pa isəntaa, ilena í tə si: Isə Təm taa pa ŋmaawa si:

Pəle nte tetv ŋmalaa ŋmaakaya na pá lə tə,

ńté tə təo kəlo ńmatu təna məlaa na tə səŋ.  
Suweyele mpv?

**18** Ye pə cəpa wei na í hoti pəle ńté tə təo, pə pvtvtəyti ké, i kaaw wee hiiu. Ye pə cəpa yulv nəyəlu na pəle ńté tə hoti i təo, tə taaləyi-i na tetu ké.

*Lom wulav səsə lampuu təm*  
(Matiyee 22:15-22; Maləki 12:13-17)

**19** Təne ınəyi kpakpaa tə Isə Təm seyəsələaa na kətələaa taa səsaa səsaa caakaya Yesu ké kpaav nté. Pə taya pvlv təo, pa nyəmá teu sì mpeyə i krepənəaa na í seena isə inu. Ama pa nyámna samaa. **20** Mpúyó pa svu Yesu ke cənyuyu, haləna pá caŋ pá tili feŋlaa sì pá feŋiyi-i. Iləna feŋlaa mpe pəle pá cesi isii pa ké kypama napəli pəyele yem. Pa makaya Yesu nəyə təo na pa təm kypəəstv si pá ná. Pa caakaya ké sì pá hiki mpi pə təo paa kpa-i tə, na pá tv-i kufənəe niŋ taa. **21** Tənaya pa təma-i sì: Tacaa, tə nyəmá teu sì nyá kuyəyətv na nyá kusəyəstv pə təna kypantv ké. Nn paasəyəna təo, nn fayasəyi yəlaa. Ama isəna mpi mayamaya Isə caa sì yəlaa í la tə, pə tampana ke n heeliyi. **22** Pə we mpv tə, ta mpaav taa pə muna té felı lampuu ke Lom wulav səsə na?

**23** Yesu tema Isə Təm seyəsələaa acilayatu tənaya nyəm, iləna í tə-wə sì: **24** I hvuli-m liyitee nyəyəlvu na má ná. Awe nyuyu fotoo na i həte ke pa ńmaa pə təo?

**25** Mpúyó Isə Təm seyəsələaa cəwa sì: Lom wulav səsə. Tənaya Yesu cə-wə sì: Aŋha, í cəla Lom wulav səsə ke mpi i tı tə, na í cəla Isə iləye mpi i tı tə.

**26** Tə təna nti Yesu yəyəta samaa taa tə, feŋlaa ta na isayatu natələyi tə taa. Ama Yesu kucəcətu mələna-weyə təmsuyu na pá su təkulum.

*Səm waalı təfema iſəna tu wəe tə  
(Matiyee 22:23-33; Maləki 12:18-27)*

**27** Mprýgú Satusee nyáma napəli pa kəma Yesu kiŋ. Satusee nyáma mpe pa tənəyana si, sətaa kaa te na pá fe. Mprýgú pa pəəsa Yesu si: **28** Tacaa, Moisi sunatvú kvsəsütü ke takəlası taa si, yvlv í wena neu, na yvlv iní i si na í yele i alv, na alv iní i feina-i na pəyaya, neu ká hə leelu iní na í hikina i taalv səlv ke piya. **29** Təv, Yvlv nəyəlv na i newaa, paa kəna yvlv nyəəŋ naatosompəyəlaya. Mprýgú taalv kpayə alv, ləna i si, i fei pəyaya. **30** Tənaya naale nyəŋ həma leelu, haləna tooso nyəŋ náá hə tətə. **31** Pa naatosompəyəlaya ŋke ka təna ka səpaya, alv iní i ta hiki pa taa nəyəlv na pəyaya. **32** Pə waalı ké alv iní i teesa səpv. **33** Təv, pa təna pa kpayən-i mpv tə, sətaa fem wule pa taa aweyəle alv tv?

**34** Mprýgú Yesu cə-wə si: Antulinya iné i taa cənəyə apalaa kpakəyı alaa, na alaa náá saakı apalaa. **35** Ama apalaa na alaa mpa pa ké si paa te na pá fe na pá cayə cele antulinya wei i kəŋ tə i taa tə, akpayale kaa wəe təna. **36** Mpə iní paa tasəyı səpv tətə, paa wəe ké iſi iſtəaa tillaa wəv tə. Pa fem mpv tə pa pəsa Isə piya ké. **37** Moisi hvlaa təkelekele ké si sətaa ká te na pá fe. Pə təo ké i yaa Tacaa si: Apəlaham na Isaaka na Yakəpv pa Isə, ké timpi pə yəyəta hotiya təm tə. **38** Isə ké weesuyu nyáma nyəŋ ké, i ta ke sətaa Isə. Isə iní i təo ké pa təna pa wəna weesinj si pá laki i təmle.

**39** Tənaya Isə Təm səyəsələaa taa napəli pa təma si: Tacaa, n tu yəyəta teu ké.

**40** Pə taya pvlv, pa taa nyı nti pá pəəsi-i tə.

*Isəna Mesii na Tafiti pa wee tə  
(Matiyee 22:41-46; Maləki 12:35-37)*

**41** Mprógy Yesu pəɔsa Isə Təm səyəsələaa si: Isənaya pa təŋ mpu sì Mesii ke Tafiti pəyaya ye? **42** Pəyele Tafiti mayamaya ná ɻmaa i yontu takəlaya taa ké si: Tacaa Isə heela ma Səsə si, caya ma kəŋkəŋ taa.

**43** Haləna má kəna nyá kolontunaa na í loosi nyá nəəhee ke pa təo.

**44** Təv, Tafiti ná yaawa si Tacaa kele, isənaya Mesii náá məl̄i na í ké Tafiti pəyaya?

*Isə Təm səyəsələaa laakali lapənav  
(Matiyee 23:1-36; Maləki 12:38-40)*

**45** Samaa təna təŋna Yesu təm nūw, iləna Yesu tə i ifalaa si: **46** Ilana Isə Təm səyəsələaa mpe na laakali. Pa səəla tokonaa səsaa suuu ké na pá cəəki. Pa caaki si pá səəki-weyə kuyeeŋ taa ké. Yuta nyáma təkotilena taa, teeli teeli təcayale ke pa pəekəyi. Acima taa, səsaa təcayale ke pa pəekəyi na pá cəəki. **47** Mpe pa leekəyəna leelaa ke pə təna mpi pəle pa wəna tə. Iləna pá svu Isə sələmuyu na pə tayali, si pə hólí si mpeyə kypama. Pə təo ké paa te na pá ná katatəlaya.

## 21

*Alv wei i tv santiinaa naale tə  
(Maləki 12:41-44)*

**1** Yesu kvsə isə, iləna í na toŋtunaa tvi pa kvhav ke Isə təseelə səsəelee kvhaaŋ atakaanaa taa. **2** Na í ná tətəyə alv leelu kvyəntu nəyəlu, na í pətəyi santiinaa naaleyə pə taa təna. **3** Tənaya Yesu təma si: Təm tampana təo ké ma heeliyi-mə. Mpi leelu kvyəntu inə i təwa tə, pə kəla panə pa təna pa kvtutum. **4** Pə

taya puv, yəlaa lelaa təna ná kpaya pa liyitee nna a kpisa yem təyə na pá haaki. Ama alv inε, paa na i kέ konyəntiya təi kpaya i liyitee təna na í tu. Pə ta kaası- i puv si í yana paa təyənaya mayamaya.

*Iso təseelə wakəlvuy təm  
(Matiyee 24:1-2; Maləkə 13:1-2)*

<sup>5</sup> Mprýgú napəli pa cayaa na pá yəyətəyı Iso təseelə təm si: Pee kypana wena pa lapəna Iso təseelə ke canjəm tə na mpi mpi pa haaki Iso kέ tə taa tə, pə lapə na tə te teu kέ. Tənaya Yesu heela pəntvnaa si: <sup>6</sup> Pə təna mpi í naa isəntə tə, kuyeeñ ká kəo wei i taa pə kaa kaası pəle lənte na tə təna lənte təo tə, paa tusi pə təna.

*Mpi mpi pa lapv ká hólí si antulinya caa təm tə  
(Matiyee 24:3-14; Maləkə 13:3-13)*

<sup>7</sup> Mprýgú mpe inu pa pəəsa Yesu si: Pəlee kέ mpv inu pui la? Na ŋmaatələ nteye pui hólí na tə nyəna si pə wəsaa?

<sup>8</sup> Tənaya Yesu si: I la laakalı, i taa yele na nəyəlv kəo na í tolisi-mε. Mpı tə, payale ká kəo na pá haa pa təyı ma həte, si mpeyəle Mesii, na pá təŋ si, pə wəsaa kέ. Ama í taa nuna-wε. <sup>9</sup> I kəma na í nu yoon na pə təna pə pəsuv yem kέ kpəntəlası tə pə tanj, i taa nyá. Təle tə tənaya mpv, pə wεe si tə la na pəcəyə. Ama waalı kέ antulinya náá kəo na í teŋ.

<sup>10</sup> Mprýgú Yesu tasa-wεyə heeluŋu si: Tətu kateŋə leŋka ká yoona leŋka nyéma, na kawulaya leŋka ká kvlı leŋka təo. <sup>11</sup> Tətu ká sele pə kaa la nyənuyu, nyəyəsi na yulvkuşəkv ká lu tiiliwε tiiliwε. Kəkəlo təma səyəntu nyəna na atəma səsəona ká luna isətaa na pə tii.

**12** Ama na pécó tēne iní tē tēna tē laki ilé, paa kpa-mé, na pá tv-meyé wahala səsə. Paa célé-meyé Yuta nyéma tēkotilena taa nyéma, na pele pá huvná-mé. Paa tv-meyé salékanaa, paa yaa-meyé nənəosí ke awulaa səsaa na tētu tēkəlāa pa kiŋ ke ma təo.

**13** Ama tēna wéye pi topili-meyé mpaaní si í hólí ma tēm tampana. **14** I tayani mə ti si, paa pi la isəna, í taa nəyəsi nti í ka huv na í lu tə na pə ta tata. **15** Pə taya pulv, ma mayamaya maa tasəna-meyé layatu ke tēm nti í ká yəyəti na mə kolontuna taa nəyəlv kaa na kvcəcətəv, pəyele pa kaa kee pa nyəntu tə. **16** Mə caanaa na mə toonaa na mə taalvñaa na mə newaa na mə nyéma na mə cewaa ka tu tēna-meyé mə kolontuna ninj taa, halı paa kv mə taa payale. **17** Yəlāa tēna taa ká kpana-meyé ma təo. **18** Paa na mpv mə taa nəyəlv nyvju kaa holi-ı holvju mayamaya. **19** Ilé mi nyaya apalvñv, pi ya mə nyəeñ.

### *Yosalem yəkvju tēm (Matiyee 24:15-21; Maləki 13:14-19)*

**20** Ye í kəma na í ná yoolaa kvipiŋ tama Yosalem ke kotaya, í nyi si i yəkvju wsaa kele waatu iní. **21** Mpv iní tə, mpa pá we Yuta, pa se na pá kpa pəyən. Na mpa pele pá we Yosalem taa, pá lu na pá hatəli. Na mpa pele pá we tawa taa, pá taa kpe. **22** Pə taya pulv, kvyeeñ iní i taa kē pi naasi Yosalem nyéma ilēna pécó pə tēna pə lá iní paa ḥmaav Isə Tēm taa tə. **23** Ahusitonaa na asəŋ pa tēm ká la watyo kē waatu iní. Wahala ká təo icaté nté tə taa, yəlāa pané paa ná Isə pāáná. **24** Paa kv-we na layate, paa kpa-weyé yomle ke piitimnaa tēna taa. Ma ta nyi isənaa ke pi yelina Yosalem na pá pāáléyí i taa, haləna pele pa waatu kəo na í sú tēnaya.

*Yvlv Pəyaya kəntə  
(Matiyee 24:29-31; Maləki 13:24-27)*

**25** Pu hólí ḥmaatées ke ilim na isətu na isətulunjası pə təo. Lañwakelle səsəole ká kpa kateŋa təna, na nəyəsəe ká ku-weyə teŋku na i hola səsəona pə kəkəte səsəole təo. **26** Yəlaa ká huv mpi pu kəo antulinya təna taa tə pə təm, ilena səyəntu səsəontu kpa-wé na pá si pa tuŋ təo ké yem təkpətu. Pə taya pvlv təo, pu ciyiti isətənuyu taa kəkələnaa. **27** Waatu məyəti paa na Yvlv Pəyaya má ma səŋja isəŋjumntuyu təo, na má tiiki na ma toma ke səsəm na ma teeli. **28** I kəma na í na mpv iní pə svu lapu ilə, í kvsı mə nyəəŋ na isə na í feesi təfsvu. Pə taya pvlv, mə waasuyu caana kəntə.

*Fiki tvyv tom  
(Matiyee 24:32-35; Maləki 13:28-31)*

**29** Mpúgyó Yesu təma-wé si: Inyənna tvyv ḥku pa yaa si fiki tə na tuŋ leləŋ na í na. **30** Ye i kəma na í svu neyətuyu í nyəmá kpakpaa si heesuyu talaa ké. **31** Mpv tətəyə pə wəe, í kəma na í na mpv iní pə laki, í nyi kpakpaa si Isə Kawulaya wvsaa. **32** Tampana ke ma heelisi-mé, yəlaa mpa pa wəv isəntə tə pa kaa si pa təna na pácó pə tənaya mpv pə la. **33** Isətənuyu na atə ká mvki yem. Ama ma kuyɔyətutu kaa saalı paa pəcə.

*I fej teu*

**34** I la laakali, í taa yele na tətəyəle na svlunyəole pə pəsí-mé, na kayaña antulinya iné i nyəntu nəyəsəe ku-mé. Ye í paasəna mpv kuyaku ḥku kii tuti-meyę. **35** Pə kəŋ kuuu ke antulinya təna taa yəlaa təna təmaa ké isu pa pətuyu puluyu tə. **36** Pə təo tə i fej na í sələməyí Isə ké tam, na í hiki toma na í lu mpi pu kəo tə pə taa, na í kəo í səŋ Yvlv Pəyaya má ma isentaa.

**37** Yesu səyəsaya Isə təsəelə taa ké ilim ilim na í mələyi Olifinəa puyu təo ké taanaya taanaya na í svukı. **38** Yələa təna pukaya Isə təsəelə taa ké tananj tananj təhuluhulu na pá nukı i Waasv.

## 22

*Yutaası kələmətə təm*

(Matiyee 26:1-5; Maləki 14:1-2; Yohaani 11:45-53)

**1** Potopotonaa mpa pa taa kuvusum fei tə pa acima wena pa yaa sı Təev acima tə a wusaa. **2** Mpúygú kətəlaa səsaa na Isə Təm səyəsələaa pa təñna mayasuyu kə isəna paa la na pá ku Yesu tə. Ama pa səyəmayaaana samaa ké.

*Yutaası səəlv piwa sı i tvgı Yesu ké nyvgy nyáma niŋ taa*

(Matiyee 26:14-16; Maləki 14:10-11)

**3** Mpúygú Satanı svv Yutaası Isəkaleeu pa naanvwa na naale taa ləlv taa. **4** Iləna í polo na í na kətəlaa səsaa, na Isə təsəelə səsəole tañlaa taa səsaa pá səyəsi isəna i ká la na í tv Yesu ké pa niŋ taa tə na pá su. **5** Tənaya pele pa lanja həewa səsəm. Iləna pá tə sı paa ha-i liyitee. **6** Iləna Yutaası tisi, na í svv pəekvug kə kuyaku kuyaku nju ku taa i ká tv Yesu ké pa niŋ taa na samaa tə nyı tə.

*Təev acima kvtəyən təyanvug*

(Matiyee 26:17-25; Maləki 14:12-21; Yohaani 13:21-30)

**7** Potopotonaa mpa pa taa kuvusum fei tə pa acima kuyaku nju ku wule pa kuyı Təev acima iweesi tə ku talaa. **8** Mpúygú Yesu kusa Piyeə na Yohaani sı: I polo í təsəyi-tvug Təev acima təçənaya.

**9** Tənaya Piyeə pa pəəsa-i sı: Leye n caa sı tə təsı-kə?

**10** Iléna Yesu cə-wə si: Iı naa, í ká kəo ısu i svu icate tə, í ká sulina apalv nəyəlv na i səyəla lvm na həyaya. I təjir-i na i svu təyaya ɳka ka taa i ká svu tə. **11** Iléna i pəəsi təyaya tu si: Tacaa si, kutuluğu ɳku ku taa kē í na i ifala paa caya na pá təyə Teev acima kvtəyən? **12** Apalv in i ká hólí-meyə ate na isə kutuluğu taa kē naŋ səsəən nakuləyi ısətaa, ɳku ku taa wə wontu nti i ká lana tə. Ku taa tənaya í ká təsi pə təna.

**13** Məpýyó Piyee pa polaa na pá mayana teitei ısu Yesu ka heela-wə tə. Na pá təsi Teev acima kvtəyən ke təna.

*Tacaa səm təəsvyŋ*

(*Matiyee 26:26-30; Maləki 14:22-26; Kələnti I 11:23-25*)

**14** Teev acima waatu talaa, iléna Yesu na i tillaa pá caya təyən. **15** Iléna i heeli-wə si: Isəna ma nyula teu si má na-me té təyə Teev acima təyənaya na pəcő má svu ma kuyəntəyəle taa tə pə wə səyəntu. **16** Pə taya pəlv təə, tampana ke ma heeliyi-me si ma kaa tasa-yeyə təyən haləna pə kəo pə hólí i təyən tampana ke Isə Kawulaya taa na pəcő.

**17** Məpýyó Yesu kpaya svlvm na kəpv, na i səe Isə kē í na təmlə na i tə si: I mv-wi na i nyəə mə təna. **18** Pə taya pəlv, ma heeliyi-me si pə kpaya pənente tə ma kaa tasa svlvm nyəən haləna Isə kəo na i təyə i Kawulaya na pəcő.

**19** Pə waalı kē Yesu kpaya potopoto na i səe Isə kē í na təmlə, iléna i faya-i na i cəle-wə na i tə si: Potopoto inə i kəna ma tənvyŋ ɳku pə ha mə təə tə. Məpýyó i ká laki na i təəsəyı ma təə.

**20** Pa təma təyən iléna Yesu kpaya kəpv ke mpv tətə na i tə si: Kəpv inə i kəna Isə nəyə pəelvyü kufam yoo,

na ma caləm mpi pə kpema mə təə tə mpi pə huləna pə tampana.

**21** I nyi teu sì wei i tuyu-m kolontunaa niŋ taa tə i wə cəne, na ma na-i tə təkəna. **22** Tampana təə Yulu Pəyaya má maa tee ké ɪsu Isə ká suu tə. Ama wei i tuyu-m kolontunaa niŋ taa tə i təm wə waiyo.

**23** Tənaya Yesu ifalaa suu təmaya pəesuyu sì: Ilə tā taa awe ká lana nteyə mpu?

### *Səsəentv təə həm*

**24** Mprúyú Yesu ifalaa suu həm ke pa taa pa tike sì pa naa wei paa nyənəyi səsə tə. **25** Tənayaale Yesu sì: Piitimnaa awulaa səsaa ɻmakələyi pa yəlala ké. Na mpa pa ké tonjtunaa tə, pəle pa caa pá cuysixi-weyə ta caa ta caa ké. **26** Ama me ilə pə taa wəe mprúyú mə kinj. Mə taa səsə i pəsi i təyı mə səkpelu, na wei i ké wulau tə, i pəsi i təyı təmlə latu. **27** Kütəyən latu na wei pa laki-kv tə, awe kələna? Pə taya wei pa laki-kv tə. Añha, mpu inəyi na má, ma wə mə həku ké ɪsu kütəyən latu. **28** Mə mə təka mə təyı teu na i ta kisi-m ma wahalanaa taa. **29** Pə təə ké ma tuyı-meyə kawulaya ɪsu ma Caa ná tuyu ma tə. **30** Má na-mə tū təkəna na té nyəəki ma kawulaya taa, na i ká caya kumlee təə na i huvkəna Isəyəli kpeka naanuwā na naalə.

*Siməŋ kpəesuyu təm kpaaluyu*  
*(Matiyee 26:31-35; Maləki 14:27-31; Yohaani 13:36-38)*

**31** Mprúyú Yesu təma sì: Siməŋ Siməŋ Siməŋ, ke ɻkpəaŋj. Satanı sələma nəyə na pə ha-i sì i payaləyi mə təna ɪsu pa payaluyu təyənaya pee na pá ləsəyi ləətu tə. **32** Ama ma sələma Isə ké nyá təə sì pə taa kəə

na n̄ yele Is̄o k̄é nyá taa temmaav. Nyaa k̄oma na n̄ layasi ile nyaa s̄eosí nyá taapalaak̄e apalutv.

<sup>33</sup> T̄enaya Piyeē t̄oma Yesu si: Tacaa, ma t̄ema ma t̄eyi t̄ekvuy k̄é, paa salēka pá t̄eki ma na-η, na paa s̄em ma na-η tu s̄ena.

<sup>34</sup> Mp̄uyú Yesu c̄o Piyeē si: Piyeē, ma heeliyi-η t̄efoo si mpi pu tak̄i kampaav koou ke saŋa t̄o, n̄ t̄ema t̄om toosoyo k̄peesuyu si n̄ ta nyi-m k̄é n̄ ta nyi-m.

### *Liyitee na layate p̄a t̄ekvuy t̄om*

<sup>35</sup> P̄el̄e p̄a waali k̄é Yesu p̄oɔsa i ifalaa si: Maa tiluyu-m̄e na i t̄ee mp̄u t̄eyeləyəli, liyitee fei, huluyu fei, ḥt̄ankpate fei t̄o, i laŋa p̄ulvpu c̄ec̄eka na? Pa c̄o-i si: Aai t̄e ta la-η pulv.

<sup>36</sup> Mp̄uyú Yesu t̄oma i ifalaa si: T̄ov, p̄enent̄e wei i w̄ena liyitee, p̄untu i t̄oki i t̄o, na wei i w̄ena huluyu i t̄oki-kv, na wei i feina layate, p̄untu i peeti i toko na i yana. <sup>37</sup> Ma heeliyi-m̄e t̄efoo si, nti pa ḥmaa Is̄o T̄om taa si: Asayaa taa k̄é pa tv-i t̄o, p̄e w̄ee k̄é si p̄e la m̄p̄uyú ma nyuyu taa. Na nti ḥmaatu taa yəyəta m̄p̄uyú ma t̄o t̄o tu la teitei k̄é.

<sup>38</sup> T̄enaya Yesu ifalaa t̄oma si: Tacaa, layalee nt̄o c̄enege naade. Ilēna Yesu c̄o-w̄e si: Aai, i yele t̄el̄e.

### *Yesu s̄eləmuyu ke Olifinaa p̄uyu t̄o (Matiyee 26:36-46; Maləki 14:32-42)*

<sup>39</sup> Mp̄uyú Yesu k̄ulaa na i lu, na i polo Olifinaa p̄uyu t̄o, is̄u i tu lakvuy t̄o, ilēna i ifalaa t̄ej i waali. <sup>40</sup> Pa talaat̄ ilēna Yesu t̄o-w̄e si: I s̄eləməȳi Is̄o na p̄e taa k̄ao na i hoti mayasuyu taa.

<sup>41</sup> T̄enaya Yesu yela-w̄e na i hatəli p̄éc̄o is̄u yulv i l̄ȳo p̄el̄e tu tala timpi t̄o, ilēna i lunj akula, na i s̄eləm̄i Is̄o si: <sup>42</sup> Hai, ma Caa, ye n̄ n̄okaa, k̄ao li wahala s̄eos̄

ιπεγε ma nyugv taa. Ilə paa na mpv la mpi n nəkəa tə, yele ma kvnəkəm.

[ 43 Tənaya isətaa tillu nəyəlv i lu Yesu təo, na í səcəsi-i apalvtv. 44 Mprýgv lajwakəlle səsəle kpa Yesu, iləna í səesüsəle təkañkañ na lsə sələmuv. Na hañaya lükaya isü caləm na ká tosiyi atə.]

45 Yesu temə lsə sələmuv, iləna í kvılı na í məli i falaas cələ na í mayana isənyəŋle kpa pəle na halı pá cañ pa too. 46 Mprýgv i pəəsa-wə si: Suweyelə í tookuyu mpv tə? I kvılı, í sələməygı lsə, pə taa kəo na í hoti mayasuv taa.

### *Yesu kpav*

(Matiyee 26:47-56; Maləki 14:43-50; Yohaani 18:3-11)

47 Yesu təñna mprýgv yəyətuv, ilə yəlaa samaa tapayale, na ifalaas naanuvwa na naale taa ləlv Yutaasi teenə-wəye nəyə na í kəna-wə. Mprýgv i kpətəna Yesu si i kpəkəyəna-i. 48 Tənaya Yesu pəəsa-i si: Yutaasi, kpəkənañ ke n hvləyəna kolontunaa si pá kpa Yulv Pəyaya má na?

49 Mpə pa wə Yesu təo tə, pa ná mpi pə caa lapv tə, iləna pá pəəsi-i si: Tacaa tə yoona ta layalee ke?

50 Tənaya Yesu təo nyéma mpə pa taa ləlv loma kətəlv səsə təmle tu ntəyən əjkrajuv na í kəəli təfeñ. 51 Iləna Yesu tə-wə si: I yele mpv pə mayanaa.

Mprýgv Yesu tokina yulv inı i əjkrajuv, iləna ku məli isü kui wəv tə. 52 Pə waali ké Yesu pəəsa kətəlaa səsaa na lsə təsəele tañlaa taa səsaa na Yuta nyéma taa nyugv nyéma nyugv nyéma mpə pa kəma-i kpav tə si: I kəñ na í nəki na í kpaña layalee na kpatəñ tə, maya əjmulu isayav ke? 53 Má na-mə tu wənnə

Isa təseelə taa ké kuyeeñ təna na í tá pəeki si í kparam. Ama mə na ahoo səkpetuvu təe asayaa səsaa mə waatv tapəna sajə.

*Piyee kpəesuvu*

(*Matiyee 26:57-58,69-75; Maləki 14:53-54,66-72; Yohaani 18:12-18,25-27*)

**54** Mpúgyú pa kpa Yesu na pá ponə kətvlə səsə təyaya, na Piyee təyaya i waalı ké táálérñ təo. **55** Pa a təyana kəkə ke taya həku taa. Tənaya Piyee polaa na í səti mpa pa pamna kəkə nəke tə pa həku taa. **56** Təmle tu alvnyəñ nəyəlvu i na-i kəkə kpreeña na í caya, ilena í nyəni-i təpəññ na í tə si: I na apalv ineyx.

**57** Tənaya Piyee kpəesaa si: Alu nyá, aai, ma ta nyəmi-i yoo.

**58** Pə lapa layasaya ke pəcə, ilena nəyəlvu tətə náá na Piyee, na í tə si: Pa taa wəyelə na nyá tətə. Ama Piyee cə apalv iní si: Pə taya ma.

**59** Pə tasa layasaya ke lapu, ilena nəyəlvu tətə náá səesi isəle si: Tampana təo, apalv iné na Yesu ké. Pə taya pvlv təo, i ké Kalilee tu ké.

**60** Tənaya Piyee cəwa si: Nti apalv nyá n yəyətəyí tə ma ta nyi-ti.

I nəyə ta tu tiita ate ilə kampaav koo kpakpaa inayələ. **61** Tənaya Tacaa pəsaa na í yaya Piyee ke isəle. Ilena Piyee təəsi nti Tacaa ka yəyəta-i tə tə təo si: Mpi pu takı kampaav koou ke sajə tə n təma təm toosojo kpəesuvu si n ta nyi-m ké n ta nyi-m. **62** Mpúgyú i tukaa na í lu, ilena í wii isii i səki i səki.

*Yesu tvvv na i mapv*

(*Matiyee 26:67-68; Maləki 14:65*)

**63** Yəlaa mpa pa taŋa Yesu tə, pa paakayana-i, na pá mak-i-i. **64** Pa taka i isentaa ké na pá təŋi-i si: Kreye, awe mapəna-ŋ?

**65** Pa yɔyəta-i təmnaa təmnaa kuwəwutu ke payale tətə.

*Yesu ponav ke kotuyu səsəən  
(Matiyee 26:59-66; Maləki 14:55-64; Yohaani 18:19-24)*

**66** Ku fema, ilena Yuta nyugn nyéma nyugn nyéma na kətəlaa səsaa na Isə Təm seyəsəlala pá koti pa təma. Mprýgú pa pona Yesu ké pa kotuyu səsəən taa. **67** Na pá pəəsi-i si: N ké Mesii? Cə-tu na tə nu.

Mprýgú Yesu cə Yuta nyugn nyéma si: Ma heeliyi-meyə na u tisiyina-m. **68** Ye ma pəəsa-meyə kuρəəsəntu ntí, u cəə-m natəli. **69** Ama pə krayan pənəntə tə, Yulv Pəyaya má maa caŋa Isə tonj təna tu kəŋkəŋ taa.

**70** Tənaya Yuta nyugn nyéma təna pəsənaa si: Ye mpvu n ké Isə Pəyaya ntə?

Mprýgú Yesu cə-wə si: Tə mayamaya tə lunna mə nəəsi taa, ma ké Isə Pəyaya ké.

**71** Tənaya Yuta nyugn nyéma təma si: Tə luna i nəyə na tá mayamaya tə nu ilə, tə tasəyı aseeta nyéma ke pəεkuyu si tə lepe?

## 23

*Yesu ponav ke Pilati  
(Matiyee 27:1-2,11-14; Maləki 15:1-5; Yohaani 18:28-38)*

**1** Tənaya kətilaa təna kulaa na pá pona-i Pilati isentaa. **2** Mprýgú pa səvə-i təm tuŋu ke təna si: Tə mayana apalv inə i tuŋəyı tá yəlaa si pá taa fəl Lom

wulau səsəo ke lampuunaa. Haləna í təŋ si inəyəle wulau səsəo Kilisiti.

**3** Mpúgyú Pilati pəəsa Yesu si: Nyayale Yuta nyéma wulau səsəo inəyí?

Ulenā Yesu cə Pilati si: Ntəyəle n yəyəta mpv.

**4** Mpúgyú Pilati heela kətəlaa səsaa na samaa si: Maa naa apalv inə i kuvwakələtu se.

**5** Ama kətəlaa səsaa na seesa isəle si: I seyəsəyi yələa ké si pá kisi tetv səsaa. Hatoo Kalilee ke i caala-ti, na í cəo Yuta tetv təna, halı nəənəo kəle i tala cəne.

### *Yesu ponav ke Heləti*

**6** Pilati nu kətəlaa səsaa təm ntı, ulena í pəəsi si: Apalv inı Kalilee tu ke?

**7** Pilati kəma na í cəkəna si Yesu kέ Heləti ifalv ulena í tə si: I pona-i Heləti. Pə pamna ilé i ka we Yosalem ke kuyeeŋ inı i taa tətə. **8** Heləti ná Yesu ulena i lajle hulvumi səsəm. Pə taya pəlv, i ka nu i təm, ulena í nyuli hatoo ləŋ si í na-i. Na i teelayaa si i ká lapi-i pit i təmle natəli na í ná. **9** Na í pəəsa-i təmnəa payale. Ama Yesu ta cə-i paa kuvlumyv. **10** Kətəlaa səsaa na Isə Təm seyəsələaa naa we təna na pele pá suuki-i isayatu na isəle kusseemle. **11** Heləti na i yoolaa pa woŋaya Yesu kέ na pá laki-i nyau ke səsəm. Mpúgyú pa suu Yesu ke kacəka toko səsəo nəyəlv, ulena pá məyəna-i Pilati kiŋ. **12** Kuyaku ḥku ku mayamaya ke Heləti na Pilati pa ciikaa. Pəyele paa wəna təma na koloŋa kέ.

### *Si pá ku Yesu kέ pá kv-i*

(Matiyee 27:15-26; Maləki 15:6-15; Yohaani 18:39-19:16)

**13** Mpúgyú Pilati kota kətəlaa səsaa na icate nyuyv nyéma na samaa, **14** na í tə-wə si: I kəna-m apalv inə si i tolisiyi yələa. Təv, ulə ma pəəsa-i təmnəa ke mə

isentaa. Ama ma ta na kawalası nsi í tu-í tó si taa nakələyı kiŋ. <sup>15</sup> Heləti mayamaya ná tá na isayatu ke Yesu kiŋ tətə, pə təo ké i taγana-tuyu-í məjnav. Apdlu inə i ta wakəli pvlı mpi pə nəyəsəna pá kv-í pə təo tə. <sup>16</sup> Ilə maa yele na pá mapı-í akpatee iləna í təe.

[<sup>17</sup> Paa Təeu acima wena a təo pə wəe sı Pilatı í tulı-węye saləka tu nəyəlvən.]

<sup>18</sup> Mprýyú pa təna pa kpəntaa na pá koo sı: Yele pá kv inə inı, na í tulı-tuyu Palapaası.

<sup>19</sup> Yvlvkule təm na yoou nakvli kui lapəna icatə taa na pá təki Palapaası. <sup>20</sup> Pilatı səəla teu sı i yeki Yesu, iləna í tasəna-węye yəyətənav. <sup>21</sup> Ama pəle pa mapə kapusi sı: Kami-í səm tesika təo, kami-í səm tesika təo.

<sup>22</sup> Mprýyú Pilatı tasa-węye yəyətənav ke təm tooso nyəm sı: Ilə isayatu ntıyi i lapa? Ma ta na ntı tə təo paa kv-í tə. Ilə maa yele na pá mapı-í akpatee iləna í təe.

<sup>23</sup> Ama pa tasa kiisuyu na ton na isəle kvseemle sı paa kami-í tesika təo. Haləna pa kakiisasi nsi sı nu Pilatı. <sup>24</sup> Tənaya Pilatı təma sı: I la isəna í caa tə. <sup>25</sup> Iləna í tulı-węye wei paa təka yvlvkule na yoou təo na pa təñaya sı pá yele-í tə, na í celə-węye Yesu sı pá lana-í ntı pa səəlaa tə.

### *Yesu kam*

(Matiyee 27:32-44; Maləkì 15:21-32; Yohaanı 19:17-27)

<sup>26</sup> Pa təekayana Yesu ilə pə pamna Sileenı tu wei pa yaa sı Simən tə i luna taale nté na pá suli-í, na pá kpa-í na pá sviki-í Yesu tesika sı í təñna i waali.

<sup>27</sup> Yəlaa samaa tuutuumma təñaya i waali na alaa tətə, na pəle pá kpa pa laña na pá wiiki i təo. <sup>28</sup> Mprýyú Yesu pəsəna alaa mpə pa təo na í tə-wę sı: Hai

Yosalem alaa mε, í taa wii-m. Ama í wii mε na mε piya. <sup>29</sup> Pə taya pulv, kuyeeŋ wee ı ká koo wei ı taa paa tə si: Nyulelen nyéma nté kaalulası, mpa pa ta tu məlī məlvu mayamaya yaa, mpa pa həla pə ta muví tə. <sup>30</sup> Waatu inəyi paa wiikina pósən si: I nyəkitu. Na paa tə pulasi si: I takı-tv. <sup>31</sup> Pa ta kpisi tales, kacanfana tawusı na?

<sup>32</sup> Mpúgyú pa krepjna yəlaa asayaa ke naale tətə si pa kuyi pá na Yesu. <sup>33</sup> Pa kəma pa tala timpi pa yaa si Nyumpəyəlaya tə, ləna pá ká Yesu kέ səm tesika təo kέ təna, na pá ká asayaa mpə tətəyə tesikası təo, ləlu ke ı ntəyən təo, ləlu ke ı mpətəyən təo. <sup>34</sup> Mpúgyú Yesu si: Tacaa, taa nyəni pa isayatv, pa ta nyi nti pa laki tə.

Uena pá tə tete kέ ı wontu təo na pá tala-ti. <sup>35</sup> Yəlaa samaa səjə təna na pá nyənəyi. Yuta nyuyu nyéma woŋaya-ı na pá tən si: Ye tampana ı kέ Mesii wei Isə ləsaa tə i ya ı tı nyuyu, isuu ı ka yapu ləlaa tə ilə.

<sup>36</sup> Yoolaa ná woŋaya-ı tətə na pá ponə-ı lvm kuyneŋəm napəli, <sup>37</sup> na pá tənə-ı si: Ye n kέ Yuta nyéma Wulau səsə, waasi nyá təȳi nyá mayamaya.

<sup>38</sup> Paa ŋmaawa na pá pusi ı nyuyu təo si: Yuta nyéma Wulau səsə ntə.

<sup>39</sup> Asayaa mpa pa kama tesika təo tə pa taa ləlu ná tvu-ı si: Isu si Mesii kəle nyá yaa? Ya nyá tı nyuyu na n krentəna tā na n̄ ya tətə.

<sup>40</sup> Ama ləlu ná kaləna ilé si: Saləka kvlvum inəyi pa tu nyá, ilé pepe təo kέ nn see Isə? <sup>41</sup> Pa tvu taya saləka inə tə pə keesaa kέ. Ta kvlapvtu fələyəna-tv. Ama inə ilé, i ta la kawalaya nakəli.

<sup>42</sup> Uena í tə Yesu si: Yesu n kən n̄ koo nyá kawulaya təȳən tə təsəi ma təo.

**43** Mprýgý Yesu cɔ-i si: Təm tampana ke ma heeliyi-ŋ, saŋa wwlə təne tə mayamaya má na-ŋ tu svv aləsanna.

*Yesu hæev  
(Matiyee 27:45-56; Maləki 15:33-41; Yohaani 19:28-30)*

**44** Tənaya pə məla yuŋu isu ahoo, pəyele pu we isu ilim sikuyu taka ké. Mprýgý səkpetvγu nyala icate təo, haləna pə tala ilim hvvv waatv. **45** Pvŋγu ɳku ku kaya Isə təseelə səsəole taa tə kvlə ku keesəna ku hekv taa na ku faya huŋ naale ke yem. **46** Iləna Yesu kiisina nəyə səsəya si: Ma Caa, kpaya-m. I təma mprýgý yəyətuvγ ułena i həe. **47** Lom yoolaa nyvγu tv ná pə təna mpi pə lapa mpv tə, ułena i sa Isə na i tə si: Tampana təo, yvlu nne i ka ké yulvpaŋ ké.

**48** Samaa wei i təna i kəma nyənəvγu tə i ná pə təna mpi pə lapa mpv tə, ułena pá kpa pa laŋa na pá məli kpente. **49** Yesu cewaa təna, na alaa mpə pa təŋayā-ı hatoo Kalilee tə pa səŋa tāálém təo na pá nyənəyī mpi pə laki tə.

*Yesu pim  
(Matiyee 27:57-61; Maləki 15:42-47; Yohaani 19:38-42)*

**50-51** Yuta icate Alimatee apalv nəyəlувγu pa yaakaya Yoseefu. Apalv ine i ké yulvpaŋ na i təŋəyī tampana na i keŋayana Isə Kawulaya təo. Mpə pa kotayana kotuyu səsəou ɳku. Ama i taapalaas kotuyu nyēma lelaa tv nti tə pəle na pá la tə tə ta maya-ı.

**52** Mprýgý i kvlaa na i polo Pilatı kiŋ na i sələm-i si i kpakəyī sətv. **53** Iləna i polo na i tisi sətv ke tesika təo na i caa kpoŋkpontu tonj nyəntu pŋŋkahvluŋja na i takı-i, na i pimi-i pəlaav ɳku paa hula kükpmuŋγu

taa na pa ta pinta nɔyəlu tə ku taa. <sup>54</sup> Aləsimə wule nté pə təna pə həla mpv, na kvyaku kuhəesvən caakı caalvən.

<sup>55</sup> Alaa mpa pa təŋaya Yesu kē hatoo Kalilee tə pá na Yoseefu pa poləna. Pa wiila pəlaav taa na pá ná isəna pa huſa sətu tə. <sup>56</sup> Ilena pá kpe na pá tayani nimnaa na tulaalvnaa mpa paa sayalı sətu tə.

Ama pa həesa kvyaku kuhəesvən wule isiu kusəsütu taa wev tə.

## 24

### *Yesu fem*

(*Matiyee 28:1-10; Maləki 16:1-8; Yohaani 20:1-10*)

<sup>1</sup> Mprýgv alaa taa tev ke cimaasi tanaŋ təe na pá kvlı na pá polo pəlaav tə, na pá təka pa nim səəsnv nyəm mpi paa tayanaa tə. <sup>2</sup> Mprýgv pa mayana pə kula pəlaav pəle ke pəlaav nɔyə na pə pilimi-te na pə ponə pooluŋ. <sup>3</sup> Tənaya pa suu pəlaav taa, ama pa ta mayana Tacaa Yesu. <sup>4</sup> Pa wəe na pa təŋna pə təm mayasvən, ilə apalaap napələyi naadə lı pa tə təkə na pá suu wontu na tə tee kəkə tənyənənyəni. <sup>5</sup> Səyəntv kpa alaa na pá ká pa nyɔəŋ na atə. Ilena yələaa mpə pá tə-wə si: Weesuyu tu ke mə pəekəyı sətaa həku na? <sup>6</sup> I fei cəne, i fema. I tá təosi nti i ka heela-meyə i ka wev Kalilee tə si: <sup>7</sup> Pə wəe kē si pá tu Yəlv Pəyaya ke asayaa niŋ taa, na pá ka-keyə tesika tə, ilə kaa fe pə wəe tooso wule.

<sup>8</sup> Tənaya pa təəsa Yesu kuyɔyətvtu nti. <sup>9</sup> Alaa luna pəlaav tə, ilena pá kpaşa pə tənaya mpv na pá kəesi Yesu ifalaap naanvwa na kvlvən na lelaa təna. <sup>10</sup> Alaa mpəyəle Makətala Mali na Saanı na Saaki too Mali. Pa na lelaa kē, na təm kvlvmtv ntəyı pəle pa tasa tillaa ke heeluyu. <sup>11</sup> Ama tillaa ná huuvkaya si təm nti alaa

heela-wé tə tə lūna-wéyé yem ké, pa ta mū-wé na-ti.  
**12** Paa na mpv Piyeé kulaa na í kpaaya asewa na í polo pəlaav təo. I lena í luŋ na í wiili na í mayana kpoŋkpontu toŋ nyəntu puŋkahulvňa saalasi tike. Pə waali ké i kulaa na í məli i te na piti kpa-i səsəm ke nti tə lapa mpv tə tə təo.

*Yesu na tillaa naale pa təm  
(Maləki 16:12-13)*

**13** Wvle nté tə mayamaya ke Yesu na tillaa taa naale napəli ná kulaa na pá puki ictətə nte pa yaa si Imayusi tə. Icate nté na Yosalem pə poolun nəyəsəna kilomēetələnaa naanuwa na kvlum. **14** Mpi pə təna pə həlaa tə pə faaci ke pa lakaya. **15** Pa təjna yəyətuyu na pá mayasəyi-ti ilə Yesu mayamaya hika-wéyelə, na í na-wé pá təj. **16** Pa na-i, ilə pə ta ce pa isentəc ké si pá nyəmi-i. **17** Tənaya Yesu pəəsa-wé si: I təj ilə təm ntiyi í mayasəyi mpv?

Mpúyú pa sənjaa na pa lanja wakəla tənajnaŋ. **18** Tənaya pa taa lelu wei pa yaa si Kəleupaasi tə i təma-i si: Pə pəv Yosalem inə i təna tə, nyá tike nyá ta nuna nteyə kəkələnaa mpa pa həla kuyeeŋ inə i taa tə? **19** Mpúyú i pəəsa-wé si: Kəkələnaa mpa ye?

Ilen a təjlaa naale cə Yesu si: Mpi pə mayana Nasaleti Yesu wei i ké Isə kuyəyətutu teləsəlvu səsə tə. Pécó i ka pəsa təma səsəona lapu na seyəsuyu ke pə tu fei, haləna Isə mayamaya nyəna-i səsə na yələa təna tətə. **20** Ta kətəlaa səsaa, na tā nyuŋu nyəma pa kpana-i na pá kү-i, na səm tesika təo ké pa kama-i. **21** Tā teelayaa si inı i ká yana nteyə Isəyeli nyuŋu. Təv saŋa taa wəe tooso kəlo, pə tənaya mpv pə həluŋu tə. **22** Pələ pə paasi tā taa alaa napəli pa tv-tuŋu piti taa. Pa taa təv na pá polo pəlaav təo. **23** Ama pa ta

mayana sətv. Pa məlaa ilena pá heeli-tv si: Isataa tillu lu tá təo, na i heela-tv si i fema. <sup>24</sup> Tá taa lelaa ná pola pəlaav təo na isəna mpi alaa kəesaa tə, mprúyú pa mayanaa təteñeleñ. Ama i mayamaya ke pa ta ná.

<sup>25</sup> Tənaya Yesu təma-wə si: I ké layatu feinaa ké. Pepe təo ké u muŋi ləŋ ke nti Isə kuyəyətvtu teləsəlaa ka kpaalaa tə ye? <sup>26</sup> Pu wee si Mesii ká təyə kuyəyətvtu ke mprúyú na pəc̄ pá tv-i teeli məe.

<sup>27</sup> Mprúyú i kraya Isə Təm takəlaya taa təm na í səyəst-i-wəyə timpi pa yəyəta i təm tə. Moisi takəlası ke i caalənaa na i kprenti na i tuyutəna Isə kuyəyətvtu teləsəlaa təna nyəñsi taa.

<sup>28</sup> Pa kəma na pá tala içate nte pa pukaya tə, ilena Yesu la isu i teekü təna təo. <sup>29</sup> Ama pa kpa-i si: Tá na-ŋ té svv, nn naa taanaya taanaa, na pə caa yuŋu.

Mprúyú Yesu cayaa na í na-wə pá taŋ taanaya. <sup>30</sup> I na-wə pa cayaa na pá təki, ilena i kraya potopoto na í see Isə ké i na təmle, ilena i faya-i na í cəle-wə. <sup>31</sup> Tənaya pə cəpa pa isentəo na pá nyəmi-i. Mprúyú i muŋka yem ké pa həku taa təna. <sup>32</sup> Tənaya pa təma təma si: Anjhaa, pətooli, tə yəyətaya na í səyəsəyi-tvəy Isə Təm ke mpaav taa tə pə svv-tvəy teu təkanjkaŋ na?

<sup>33</sup> Tənaya təŋlaa naale iŋi i kula kpakpaa na pá məli Yosalem. Ilena pá mayana pa naanuwā na kūlum iŋi na pa taapalaa pa kota, <sup>34</sup> na pá təŋ si: Tampana təo Tacaa fema. Siməŋ na-i.

<sup>35</sup> Mprúyú mpe pa mayamaya pa kəesa-wəyə mpi pə lapa-wəyə mpaav taa tə, na isəna pa nyəmna Yesu ké potopoto təfayale tə.

*Yesu ifalaa təə liw  
(Matiyee 28:16-20; Maləki 16:14-18; Yohaani 20:19-23; Tillaa Təmle 1:6-8)*

**36** Pa təŋna mprúgyu yəyətuyu, ləna Yesu mayamaya lu pa heku taa na í tə-wə si: Isə i həesı laŋa.

**37** Tənaya səyəntu kpa-wə na pá tənəŋ paakı. Pə taya pvlv, paa nyəmaya si asənaalı kék. **38** Tənaya Yesu təma-wə si: Pepe təə kék mə pəntu kpeetəyi mpv? Na pepe təə kék i laki sika ke mprúgyu mə taa? **39** I nyəni ma niŋ na ma nəəhəe na í ná, maya te. I takı-m na í ná. Ma wəna tənuyu na muwa, ma fei isü mpi pə naa yem tə.

**40** Yesu yəyəta mpv, ləna í hólí-weyə i niŋ na i nəəhəe. **41** Laŋhvlvmlə na piti wei i kpa-wə tə pə katatəlaya təə pa ta pəsi na pá mu-ti. Tənaya i pəəsa-wə si: I wəna təyənaya nakələyi cəne?

**42** Mprúgyu pa kəna-i tinte kuvəpəle tilimle, **43** na í mu na í təyə pa isentaa. **44** Pə waalı kék i təma si: Ntəyi maa heela-meyə waatu wei ma na-me tu wee tə si, ma təm nti nti paa ȳmaa Moisi takəlası taa na Isə kuyəyətutu teləsəlaa nyəŋsi taa na Yontu taa tə tu la.

**45** Mprúgyu i kula pa isə si pá cəkəna Isə Təm takəlası.

**46** Na i heela-wə si: Pa ȳmaawaya si pə wee si Mesii kák si kék na i kák fe pə kuyeeŋ tooso nyəŋku wule. **47** Pə wee si pá təkı i həte na pá lakəna waasv ke piitimnaa təna, na pə hə yəlaa na pá layası tənte na pə huši pa isayatvnaa. Ilə Yosalem ke paa caaləna na pəcō.

**48** Meyele mpa pa nawa na paa hólí pə tampana tə pə seeta nyéma. **49** Ma Caa təma si i kák la-meyə kucəəv ȳku tə ma mayamaya maa yelina na ku kəo-me. Ama i kák caya Yosalem taa kék haləna Isə toma kəə na a tii mə təə na pəcō.

Luku 24:50

civ

Luku 24:53

*Yesu kpav ke isøtaa  
(Maløki 16:19-20; Tillaat Tømle 1:9-11)*

<sup>50</sup> Pø waali ké Yesu kpaya-wé na pá lu icate waali na pá wusøna Petanii. Tønaya i kvsø i niñ na isø na í kooliyi-weyø Isø kwpantu. <sup>51</sup> I tøjna-weyø koolee kë kooluyø, iløna í yele-wé na pø kpaast-i isøtaa. <sup>52</sup> Pele pa temø-i ssev iløna pá mèli Yosalem na lajhulvumle kvgi-wé. <sup>53</sup> Pa saasaya Isø tøseelø ke tam ké na pá sañ Isø.

cv

**PIIPILI CSILCTM TAKELAYA  
Portions of the Holy Bible in the Lokpa language of  
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ef14191a-91f7-51c1-ac89-7b93dd7c4377